


中華文史叢書之七十七
清·道光三年刊本影印
王有立主編

鎮撫事宜

(全)

浦松筠撰

華文書局股份有限公司印行



綏服紀畧序

粵稽史冊漢唐以來每多邊患非疲於西北即
弊於西南駕馭鮮有長策惟我

聖朝克明峻德疆理天下五服弼矣統御八極遠夷
綏矣且以僻在北荒之俄羅斯俾之習

國書而曉禮義開市易而歸約束是皆



廟謨神武

德洋恩溥所致也余仰承

知遇既寄封圻之任復膺專閫之司八載庫倫兩鎮西

域又嘗駐節藏地周歷徼外爰採見聞得一百

八韻非事吟咏特以註疏地方情形名之曰綏

服紀略其身所未歷者不無缺略姑俟知者補

輯云

道光三年夏五月湘浦松筠識



安良已

序

二

糸月糸身

| | | | | | | |
|--|--|--|--|--|--|--|
| | | | | | | |
|--|--|--|--|--|--|--|

綏服紀略

聖朝廣峻德安安治無為萬邦久協和要服俄羅斯

曩時阻聲教緣隔內外旗

俄羅斯者北海徼外之國我聖朝明

德廣被雖草木昆蟲均沾澤潤故俄羅斯一部因其俗尚而羈縻之莫不畏威懷德誠古所未有者也考之正史俄羅斯地在極北漢書有堅昆丁令唐書有點戛斯骨利幹等國元史有阿羅思及吉利吉思撼合納謙州益蘭州等處而自明以來未通中國則以有內外旗蒙古之隔

也內旗者科爾沁等四十九旗札薩克王公台
吉是也外旗者喀爾喀四部札薩克汗王公台
吉是也外旗本居內旗之外俄羅斯更居外旗
之外康熙二十七年喀爾喀全部內附之後俄
羅斯始通中國內旗科爾沁等四十九旗本元
代後裔共有六盟游牧均各聯絡其極東界連
盛京吉林黑龍江之科爾沁札賚特等十旗
謂之哲哩木盟迤西有喀喇沁土默特等五旗
謂之卓索圖盟此盟游牧南與山海關外之老
邊九關臺及關內之喜峰口一帶連界西與熱
河圍場東崖口一帶連界又圍場東北一帶有
巴林奈曼敖罕翁牛特克什克騰等十一旗謂

之招烏達盟逸西轉南與直隸張家口外察哈爾八旗蒙古游牧連界之烏珠木親霍齊特阿巴噶阿巴噶那爾宿尼特等十旗謂之錫林果勒盟又西南與山西歸化城土默特八旗蒙古連界之四子部落烏喇特冒明安等六旗謂之烏蘭察布盟又西南與陝甘連界之鄂爾多斯七旗謂之伊克招盟此即河套西通寧夏者也近寧夏有阿拉善厄魯特親王一其游牧遙通青海至外旗喀爾喀亦元世後裔相傳兄弟七人分住大漠謂之七旗 國朝定制以一札薩克為一旗今喀爾喀四部共有八十札薩克是為八十旗其游牧在阿拉善迤北與北路科布

多邊地相近者係札薩克圖汗部迤東係三音諾彥部又東係土謝圖汗部又東係車臣汗部自此南與錫林果勒盟游牧交界東與黑龍江將軍所屬呼倫貝爾索倫達呼爾等連界凡六部均有特授之正伊昔平羅义何曾到長咸歸典屬統制焉

費偏師傳檄使霍蘭片紙定荒夷

黑龍江索倫土語謂俄羅斯

斯為羅义黑龍江北與羅义交界康熙二十九年有羅义犯界時副都統薩布素奉命率兵進剿奪其雅克薩城羅义遂遁仍復出沒無常屢經典屬奉命檄詢俄羅斯久無

回信會有近俄羅斯之西洋霍蘭國使臣朝貢
到京詢悉俄羅斯情形兵部欽奉諭旨
以俄羅斯汗巢穴距邊地遙遠其邊界人等如
何構衅必不知情數次所發檄諭必係伊之守
邊頭目畏罪阻隔是以久無音耗因將始末繕
寫檄諭交霍蘭使臣帶回轉發俄羅斯始有來
文以羅義犯界之事本不得知奉到檄文業經
約束邊界人等永不滋事矣是役也一自霍蘭
發檄而永靖邊疆實賴廟算如神洞鑒
萬里之外余向駐庫倫詢悉舊事緣黑龍江界
外所居之俄羅斯除伊坐卡官兵之外多係彼
之遣犯往昔與索倫構衅不過遣犯等爭打貂

皮所致實非有意犯邊益見當日 聖謨

深遠之至也大凡守邊者遇事必應詳其起衅

根由酌量情形示以利害妥為安戢自不致釀

成事端 國朝邊防吏治 高宗純皇帝

睿慮周詳教誡無微不至自乾隆戊辰以來收

金川平伊犁而回部盡降不招致而歸順者尤

多凡絕徼荒夷無不恭順可期萬載相安者也

即有意外之虞無非一朝之忿其意固無所為

司事者惟仰承 聖訓先為查詢起衅端

由或境內兵後仗勢欺凌或守邊官吏藉端勒

索一經得實一面即行具奏請以不法之兵後

官吏按例懲治一面發檄慰諭責其不應如是

則其驟然而起者必渙然而退並令獻其倡議者繩之以法則立時安戢耳若果無勒索又非欺凌或如唐之僕固懷恩唆使吐番回紇者惟有開其愚惑諭之以理訪其唆使正之以義庶可易於安人息事我 聖皇嘗謂安邊之策若處一家統制者修身而官吏兵役無不是則是倣則邊地蠻夷 綏服習 盡可安享昇平矣

國書

時俄羅斯既已遵奉檄文約束其邊界人等永不滋事復申請遣人進京學習 國書俟通曉文理後換回遇事即以清文兼俄羅斯及西洋字話繕寫馳遞庶有印證以免舛誤至今

永為定例 北海畫疆陸 俄羅斯恭順既久因其毘連

相私越而於在邊貿易者亦便約束雍正五年
欽派尚書三員一名察畢那一名特

古忒一名圖麗琛恭奉 聖旨前

往會同俄羅斯勘定疆界並設卡倫 薩布基

鄂博 所設卡倫五十九座極東之十二卡倫就
近屬黑龍江將軍統轄輪派索倫官兵戍

守迤西之卡倫四十有七以喀爾喀四部屬下
蒙古按其游牧遠近每卡倫安設章京一員率

領兵丁皆令携眷戍守其對面俄羅斯亦一體
安設所有兩面卡倫適中隙地蒙古語曰薩布

石堆曰鄂博凡薩布處所皆立鄂博為界間有
叢林無可堆石即削大樹鏤記為基時庫倫尚
未派駐大臣凡此卡倫俱着辦理夷務之喀爾
喀王丹津多爾濟統轄所有卡倫官兵應需牛
馬羊隻俱由本旗酌規以平治定議條規所有
札薩克屬下攤供喀爾喀俄羅斯
屬下人等沿邊互相偷盜者皆繩以法而卡倫
處所倘有被盜馬匹者即令事主呈報該卡倫
跣踪交與對面卡倫按限嚴緝拏獲審明罰賠
治罪如不能拏獲即於不能嚴緝之該卡倫追
賠給還事主兩相不食逋逃及恰克圖貿易兩
無權稅等款共十一則刊刻刷印頒行自是喀

爾喀俄羅斯沿邊人眾咸知約束一聽規治俄羅斯有辦事公廨名曰薩那忒其國遇有事件即由薩那忒申文直達理市開恰克圖地經理藩院奏請定奪永為定制

設專司

先是沿邊市易並無定所時疆界既闕因即附近相度有恰克圖地處適中雍

正七年奉

旨着於該處設立市集並派

理藩院司員三年一換駐劄總理由是俄羅斯咸歸恰克圖貿易矣迤東卡倫二十有八係土謝圖汗車臣汗兩部所設迤西十九卡倫係札薩克圖汗三音諾彥兩部所設是恰克圖為四部卡倫適中通衢山勢雄峻林木森然貿易商

民建立木城起蓋房屋費力無多頗為堅固對
面俄羅斯建有市圈其貿易商民亦皆恭順

商民頻獲利中外示同規

蓋外國人初同內地
民人於市集交易一

切惟恐見笑故其辭色似少遜順經恰克圖司
員諭以中外一家之道俄羅斯懽欣感激信睦
尤著所有恰克圖貿易商民皆晉省人由張家
口販運烟茶緞布雜貨前往易換各色皮張氈
片等物初立時商民
俗尚儉樸故多獲利
夷性貴大黃濟衆最為奇

俄羅斯多食魚須大黃以解魚毒特派頭人專
司收買散給屬下官賣濟衆恰克圖販賣大黃

者獨有一家係青海回民俄羅斯最為信服他商販此弗能售也然俄羅斯收買大黃非此一處其部通西洋西洋人亦常有販往售賣者蓋大黃雖為草藥其濟衆實無涯也元耶律楚材嘗收大黃治蒙古瘟疫是口外蒙古亦宜大黃余駐庫倫時曾以大黃搗為細末浸以黃米酒蒸晒為丸醫治瘟疫諸症無不立效蓋大漠蒙古屬下人不食米穀僅以牛羊酥乳為食其臟腑火盛故宜服之至西南回疆安集延等處食者雖少而多用以染色是大黃為邊地必需之物也

欽差設壬午

乾隆二十七年始駐

欽差大臣辦理夷務

救命總操持

先是庫倫所屬邊卡戍守年久凋散乾隆二十二年有前辦夷務喀爾喀王丹津多

爾濟之孫桑齋多爾濟遵

旨統理因竭

力整頓安設卡倫始克完善迨後夷務煩多始

駐 欽差大臣同桑齋多爾濟總理其

事一切仰遵 聖訓自是永為定例

甲

甲申年 戊戌年

開關 又開關

申約法寬猛化無知

乾隆二十九年因附近卡倫之喀爾喀俄羅斯互有遺失馬匹數至

逾千無憑稽查而俄羅斯以少報多殊為狡獪
奉諭旨嚴行申飭遂閉恰克圖不與市

易俄羅斯後知悔過於三十三年遣使申請馬
匹舊事概無庸議懇乞開關交易時欽

差庫倫辦事大臣慶桂同喀喇沁貝子瑚圖靈
阿凜遵訓旨會議章程復以俄羅斯恭

順情形入奏蒙恩旨俯准市易如舊後
於乾隆四十三年恰克圖俄羅斯頭目有會審

夷犯該頭目並不即時會辦經庫倫辦事大臣
索林一面閉關一面奏請暫停市易未免過於

急迫因奉諭旨嚴行責飭時尚書博清
額奉命馳往率同土謝圖汗徹登多爾

濟悉心查辦俄羅斯悔罪懲治夷犯求開市易
於四十五年奉 旨准其仍前交易此先

後兩次閉關之事仰賴 聖明 明法示雷
指示寬猛並濟故俄羅斯咸知感畏

電致刑警愚癡固畢納托頑咭那喇爾推 乾隆
四十

九年庫倫有商民靳明者販貨附近卡倫之烏
梁海游牧貿易被俄羅斯所屬之布哩雅特等
數人劫去貨物是應明法示懲辦理者時庫倫
辦事大臣勒保同喀爾喀副將軍郡王蘊敦多
爾濟盟長貝子遜都布多爾濟三人共理其事
設法訪知盜首夷名 奏請檄行俄羅斯駐劄

額爾口城之固畢納托爾名拉木巴者飭令捕盜會審旒即弋獲烏拉爾齋數犯遣其咭那喇爾送赴恰克圖同該處駐劄司員審明遂將照例罰賠之十倍貨物如數呈繳正宜將賊犯明法示衆乃其咭那喇爾人本糊塗意以呈出罰賠貨物事已完結遂將數犯鞭笞鉗其鼻耳發遣伊境東北無人處所並未詳細知會恰克圖司員其辦理殊屬率謬庫倫大臣發檄詢之固畢納托爾拉木巴者愚頑無知一如咭那喇爾權諉竟以結案為辭因奉諭旨着典屬行文與薩那忒飭令換回其固畢納托爾等秉公治罪乃薩那忒於五十年春申文亦僅希冀

了事理藩院奉 旨發檄責飭旋撤恰克圖貿易固畢納托爾乃其守邊大頭目咭那喇爾乃其管 時我啣兵頭人

恩命奉

敕誠偏私

乾隆四十九年冬余奉 參務於次年春旋京復

使吉林查辦 命之日即蒙

派往庫倫協理其事荷蒙

聖訓

諄諄以邊務宜示大公務俾荒夷畏威懷德方為盡善余凜遵 訓旨馳抵庫倫會同辦理諭令俄羅斯悔過自省 閉關禁私

販勿使吾民疲

閉關後例應嚴禁私販而卡倫兵役以及沿邊蒙古必需之烟

茶布疋自宜酌辦不使乏用因遵

旨查

其人戶多寡擬定章程凡卡倫官兵所需者行令各該旗兩月一送卡倫官兵各有打牲所獲皮張隨時發給該旗歸還商民沿邊蒙古所需者令商民領票前往發賣不致乏用並飭令各旗札薩克留心查察不使商民潛出卡倫與俄羅斯私行貿易至大黃一項庫倫所屬蒙古僧俗內間或存有十餘觔者止為染色而用其商販僅有回民一家况頗知大體屢荷恩賞實屬感激守法故庫倫所屬地方毋庸查禁

大黃時新疆烏什辦事大臣以查禁私販情形
奏入奉 旨嚴加責飭並着告示曉諭安

慰回衆復通行各處不可因噎廢食仰見
聖明天語無微不至彼時新疆一帶被

無涯澤釋惑思無措知過悔難追遣徒悠然逝遺

案生旁支

俄羅斯因撤貿易實知悔過將其債
事之固畢納托爾拉木巴撤回另派

安人駐札額爾口遍覓遣犯烏拉爾齋並無踪
跡屢行申文懇求均經典屬遵 旨駁飭

迨乾隆五十四年秋有衛勒干卡倫巡兵齊巴
克等出卡蹣跚忽遇俄羅斯打牲之哈哩雅特

數人查問來歷哈哩雅特恐被捕捉遂放烏鎗
 以致齊巴克受傷斃命此舊事未了復生旁支
 矣然亦可謂檄飭嚴網羅應捕獲參差縛獻以
 了事之機耳

行強敕法伏節麾心急煩

睿慮悔過戒差池

所有鎗斃齊巴克一案因不知凶首
 夷名即時具奏遂發檄喻以緝捕

之方其新固畢納托爾人頗恭謹奉到檄文即
 於境內竭力嚴緝至次年春將行強之正犯二
 名從犯一名先後拏獲縛送恰克圖會審聲請
 舊犯烏拉爾齋已無踪跡懇將現獲之犯示眾

廟謨誠

辦理並完舊案因即繕摺具奏遂赴恰克圖
督令司員等審明即於界所將正犯二名先後
處死示衆其從犯一名重責發遣奏請以結
新舊之案彼時余久歷練過於急迫以邊疆重
案未經先行請旨擅自辦理殊屬錯謬
實有應得之咎乃荷慈恩曲宥降留仍
舊辦事感激涕零至今念及不勝
凜然自愧因復書之更誠將來也
風謠起無端
交易為稱羈

神武檄詢意何居

時俄羅斯乞 恩貿易文書將
至適有西路塔爾巴哈台之土爾扈

特喇嘛薩麻林偽言俄羅斯有陰謀不軌之信
因解京審訊無憑余遵 旨於恰克圖詢

訪情形俄羅斯仍前恭順實無可疑謹將各緣
由入 奏奉 旨勅典屬以俄羅斯現在

懇求貿易果如薩麻林所言未曉其意何居究
係有無之事檄詢俄羅斯令其明白稟覆仰見

聖謨神武正大光 夷首咸恐怖頻來具
明實非臣下之所能及也

婉詞 俄羅斯奉到檄文無不駭怖其守邊頭目
備述伊等自來守法况正在懇求市易又

何敢另有陰謀情詞甚屬可信蓋因哈薩克慣造偽言而喇嘛薩麻林適因迷路至彼復入俄羅斯界乃還其或聽信哈薩克謠言抑或故為是言駭衆以圖免其私出卡倫之罪均未可定旋據俄羅斯薩那忒稟覆伊等實無其事並查詢各處亦無見有薩麻林者竟係妄造謠言仍乞轉奏

大皇帝施恩等情具奏奉 旨復提薩麻林根詢時孽僧驚懼氣僅一息

奉 旨即行正法若非 聖明勅令

檄詢何以折訛言而釋衆疑守土者尤宜欽佩

字小沛恩膏 乾隆五十六年冬奉 旨著典屬檄行俄羅斯准其所請開關市易時以俄羅

斯誠心恭順我

聖

皇樂天字小故有是檄

綏遠授機宜

欽奉

訓旨此次開關市易必須詳

查情形妥為定擬章程明白曉諭俾俄羅

斯永遠遵奉方為盡善余凜遵

訓旨

酌擬規條奏請檄調固畢納托爾訂期會議檄

至羣夷舞聞命駛車馳舊章垂常制新載釋無

遺

閉關既久俄羅斯不得貿易殊為拮据一聞檄令訂期會議羣夷無不歡舞固畢納托爾

遂由額爾口城以馬駕車飛馳前來聽命時同寅郡王蘊敦多爾濟進京完姻代余之副都統普

福已抵庫倫同余與協辦貝子遜都布多爾濟於
乾隆壬子孟春遵 旨前赴恰克圖既到之日

固畢納托爾遣人致意次日親來謁見其名曰
色勒裴特人頗恭謹因即遵 旨諭以前

此烏拉爾齋一案爾從前之固畢納托爾及
那喇爾等辦理實屬錯謬嗣後爾邊界頭目如
遇會辦事件自應照例急速完結不可仍前延
緩以致追悔無及據稱從前之固畢納托爾等
均已撤回另換我等前來一切敬聽指示遵行
斷不敢再有推諉情詞誠懇遂欽遵 聖
明指示所有則例內開一切仍前遵照至命盜
案件嗣後邊地設有犯者無論喀爾喀俄羅斯

各宜按限緝獲送赴恰克圖會審明確各照本
 例正法後彼此文移知會於犯事處所明白曉
 示其沿邊一帶應剴切曉諭以禁盜竊兩相和
 睦勿再滋事所有恰克圖貿易漢夷商販彼此
 嚴行約束不使互有積欠以致口角生非各款
 一一曉諭固畢納托爾惟命是從因即立約互
 相收執永為
 定例遵行
 頂感申葵向陳情指額眉
 公事既畢遂恭

宣
 深知感畏以手加額曰
 大皇帝是天且
 頻以指扣眉緣其俗不習跪叩之儀以指叩
 眉即如跪叩其葵向頂感之誠形於辭色
 畏

天克遵禮宥過宜撫綏款宴推誠信減從示無疑

俄羅斯既

知感畏宜遵

訓旨示以撫綏因設宴款

待彼懽忻感激曰向來會辦事件俱於界所安

設毡廬會議事畢即各回寓今蒙大皇

帝天恩諸事協和故我日前親來市圈衙門會

議以申感激之誠今蒙如此款待深為感激欲

請大人下臨俾我稍申誠悃因許之彼尤懽感

無似蓋看待外夷不可與之戲笑如其不知不

曉者應正色緩言以諭之不使慚愧不宜露有

慢色言動惟誠惟和所謂忠信篤敬是也固畢

納托爾初來謁見帶兵三百餘名似有疑懼既

見我等言動誠信及再至已減隨從而詞色更
形依戀是日我三人過彼僅以辦事司員及蒙

古台吉等隨 迎車脫帽裘 由恰克圖市圈至彼

往示以不疑 約里許固畢納托爾

預派小頭人步行擺對遠迎時孟春雪大天寒

殊甚人皆大帽重裘其俗見其汗時皆脫帽去

裘乃為至敬此次固畢納托爾脫帽去裘先於

門外迎立益見其感激 皇仁倍申誠敬

屏像設觴卮

其室內北壁上懸其哈屯汗圖像
服飾一如西洋固畢納托爾聲稱

今 大皇帝恩施優渥欽差大人如此光

臨故屏像設席以表外國敬意三人因即背依

圖像上坐固畢納托爾陪司員等旁坐言動一切極為遜順愈見其傾感
聖德出於真

誠

殷勤奉饌食起敬舞綵嬉

其地果品菜蔬皆類西洋固畢納托

爾一一獻畢親捧觴卮敬葡萄酒遂作樂令歌舞以申仰慕之意並述伊係邊外夷人嗣後如有事件請先為明白指示以便遵行斷不敢稍有違悞因優賞樂舞嘉其恭謹
既奉

恩綸日重開孟夏時

因據情列款具奏奉
俄羅斯咸遵約束誠多恭順即着

擇吉開闕遂於孟夏望日通商市易遐邇同一視內外兩無欺
時

招因邊務辦理善後 高宗純皇帝以恰克圖市易勿使內外商販互有欺詐致起弊端因即擬定禁訓商如訓農誠格風教維恰克圖商販從款出示曉諭前服食多有奢侈淫佚太過者自然為造物所忌閉關八年以來前之不安本分者盡至困苦是亦 上天垂教示懲之意因諭商民回思舊習痛加改悔示以所禁之條心各悅服總之官買皮張均按時價而自上率以朴素則風俗漸歸淳厚其間或有頑民驟難化導誠以格之不過初費唇舌久則懷德自化免致生事至沿邊各旗札薩克游牧往往有商民以值數錢

銀之磚茶賒與蒙古一年償還指不收取必欲
按年增利年復一年索其大馬收之此弊不但
有關於蒙古生計而貪饕如此竟有被蒙古憤恨
致斃者雖有國法懲凶何能壓服蒙古因定
以一本一利通飭遵行如此則邊氓無重利之
害而恰克圖商民自知警誡亦不敢愚弄夷商
致生
忿恨
中孚行行化噬嗑處處頤安邊宜自治時

凜

訓緝熙
俄羅斯雖屬荒夷其為人也頗知信睦從前恰
克圖市圈夜火俄羅斯市圈頭人聞知遣兵役

前救立時撲滅是皆 聖皇德化所致也
總之仰承 訓示遇事即開誠布公導以
信義凡檄諭言詞不可激切以示易從倘有應
緝盜犯務須教以密捕之方稍寬期限自無不
欣感踴躍實力捕獲請以會辦者蓋誠格之道
更易於明罰勅法耳至沿邊卡倫戍守兵役尤
應隨時教訓而聯屬之每年冬春應查其四畜
有無被災或有被雪過大成災者應令該旗札
薩克酌量賑濟或因路遠該旗接濟生畜一時
未到應令雪大之卡倫兵役暫行內移雪小之
地就食於該地方札薩克雪融後接濟到時冉
令歸汛以免凍餒逃亡如此聯屬則衆心咸悅

一有訓飭無憶昔駐庫倫游牧地無垠余於乾隆五十

不惟命是從七年辦理恰克圖交易事畢回京後五十九年即奉命駐劄西藏辦事憶及前在庫倫

八年所辦事宜暨公餘游山畧地所歷各處形勢如在目前所謂庫倫者蒙古語城圈也該處有喇嘛木柵如城故名庫倫居土謝圖汗部其游牧最為寬濶汗山巍矣高背

帶圖拉津庫倫南十餘里有汗山綿亘高聳茂林如畫春秋祭祀禁止採樵山北帶

河曰圖拉源出庫倫東北肯特衣山是水曲折流二千餘里北入色楞格河由恰克圖西側入

俄羅斯之拜噶勒淖爾復東

南流統歸黑龍江入東海

鎮兩愛瑪克

部落

語謂愛

瑪克

撫一哲布尊

庫倫

欽差管理土謝

圖汗車臣汗兩部事務總

管恰克圖貿易定例每年秋間輪調兩部兵數
 百名就近圍獵習勞至四十七座卡倫事務其
 恰克圖迤東二十八卡倫土謝圖汗車臣汗兩
 部各設十四每部派有專管卡倫札薩克各一
 員又派有總管兩部卡倫之札薩克一員恰克
 圖迤西十九卡倫三音諾彥部所設者十二又
 西之七座係札薩克圖汗部分設其所派專管
 總管之札薩克一如東兩部庫倫大臣統理其

事並撫馭哲布尊丹巴胡土克圖振興黃教其
札薩克圖汗三音諾彥兩部事務隸烏里雅蘇
台將軍統轄烏里雅蘇台在庫倫迤西約二千
餘里庫倫地在京都正北偏西由京出張家口
向西北走軍台三十站轉北行十四站至庫倫
距京約有四千餘里由庫倫北行十一站至恰
克圖約有八百餘里
四部咸欽奉初心誠抱真
喀爾喀四
十札薩克凡一札薩克謂之一旗每旗屬下有
佐領多寡不一多者十數少者一二尚有人戶
甚少不足一佐領者其每佐領一如內札薩克
之制各百五十戶其戶口及喇嘛人數四部盟

長每五年一次各於本部會盟造冊呈報理藩院題本存查皆如內札薩克六盟今生蓋日蕃計四部戶口約有十數萬無不尊崇黃教欽敬哲布尊丹巴胡土克圖者先是準噶爾厄魯特最為强悍與喀爾喀讐殺不已康熙二十七年喀爾喀力微不能抵敵衆議就近投入俄羅斯為便因請決於哲布尊丹巴胡土克圖曰我輩受天朝慈恩最重若因避兵投入俄羅斯而俄羅斯素不奉佛俗尚不同視我輩異言異服殊非久安之計莫若携全部內徙誠投大皇帝可邀萬年之福衆欣然羅拜土謝圖汗遂請胡土克圖率衆內附荷蒙聖

恩於張家口外多倫淖爾旁之達蘭淖爾游牧
安插豢養其車臣汗札薩克圖汗等陸續來歸
同土謝圖汗等錫爵賜印封建札薩克
有差後大兵進剿準噶爾賊酋噶勒丹走死自
是喀爾喀游牧奠安於康熙三十九年奉
恩旨派大臣分起送歸各札薩克安居故土
實由國朝再造後乾隆丙子丁丑數年我
聖皇廟謨神武將準部凶逆盡行剷除喀
爾喀乃得永免心腹之患是以世代啣感
大德實曠古所未有者也其哲布尊丹巴胡
土克圖初心合於衆志以邀萬年之福何其明
哲而善斷耶哲布尊丹巴胡土克圖係土謝圖

汗親 弟 有訴盜馬牛無告規林親睦媯且任恤省

刑兼賑貧

蒙古語乞丐謂規林親游牧常有報盜馬牛者及拏獲訊悉為盜之故皆

屬顛連無告至有身為台吉而迫於饑寒者蓋因各札薩克不知睦媯任恤之道乾隆五十五年行令土謝圖汗車臣汗兩部衆札薩克佐領及哲布尊丹巴胡土克圖屬下鄂拓克人等著於各游牧詳查窮苦無告者酌量移住有牲畜之家役以牧放資以衣食其窮苦台吉本札薩克同族即令其收養並以偷盜牲畜治罪條例徧行告示飭令衆佐領暨鄂拓克多為抄錄

給各游牧之十家長每月宣讀勸衆自是無告者均得贍養即為盜者亦不戢而治矣並於按年年終札薩克具報情形時一併稽查可冀久而不廢

瀚海

大漠積沙缺水之地居人

鑿井而飲賴天雨以生草畜

戈壁

戈壁

台吉

牧謂之瀚海蒙古語曰戈壁

台吉有頭二三四等皆汗王公之宗派凡王公

頭等台吉上加札薩克字樣者皆有

頒賞

勅印使統轄一旗之衆其無勅印

之台吉概隸本旗札薩克管束

任撫存既克

施惻隱遂承

雨露恩是為真實鑑誰輕蒙古臣

乾隆五十五年喀爾喀戈壁數旗缺雨向

例凡內外札薩克游牧倘遇災荒查其被災輕
 重輕則許該札薩克借俸以撫之重則許奏請
 以賑之時正在查辦間據札薩克頭等台吉烏
 爾湛札布報稱該旗被旱已將札薩克本年例
 收所屬之牛羊及自畜之牛羊散給屬下窮人
 其不敷者飭令有力之台吉官兵互為賑濟仍
 率所屬虔誠祈雨辦理殊為妥善因即行文被
 旱之處均令照此撫卹活者甚眾旋即得雨初
 不意蒙古札薩克竟能如此是皆我
 皇久道化成所致次年該札薩克緣事經部議

聖

革職蒙

聖恩以其善撫所屬竟得免議

濟衆者獲善報實可為札薩克之寶鑑此戈壁
數旗札薩克皆隸土謝圖汗部東與宿尼
特游牧連界南與烏喇特等游牧連界 編訪

巖疆勢小知扼塞頻

余在庫倫曾兩赴恰克圖
詢悉卡倫形勢恰克圖迤

東車臣汗部屬之十四卡倫地多平甸卡倫以
內駐有庫什固爾兵二百名以資巡防此兵係
車臣汗部屬蒙古庫什固爾蒙古語保障也由
此迤西一帶多山且多叢林僅有恰克圖為通
衢大路自恰克圖至庫倫連亘八百餘里一路
扼要有色楞格大河東岸聯岡自此迤南直至

來圖達罕其間或有峽溝或有叢樹諸險隘
皆屬天然然俄羅斯久沐皇仁可信其
永遠恭順况各札薩克屬下額兵俱善圍獵鎗
箭本其所長俄羅斯馬少且無習射者固不敢
入即其或入亦不足當沿途一圍耳先年準噶
爾恃強曾用兵於俄羅斯既入其境不見其人
遂至額爾口城深入六百餘里仍無一人準噶
爾素悉俄羅斯狡猾慣示以弱恐其誘之深入
因即撤回俄羅斯呼準噶爾為喀勒瑪克至今
提及喀勒瑪克如是強悍竟被大兵掃滅無不
咋舌咬指凜畏天威者至俄羅斯柔奸
相傳已久惟有恪遵聖訓每事與之開

誠布公視為一體諭以情理其柔奸不難自化
 余嘗留心窺其初見時故作模稜乃其夷性恐
 為中國見笑殊不知反被笑矣如是者切不可
 怒亦不可笑正言以釋其愚即改色輸誠更無
 欺詐矣至卡倫間有偷盜馬匹等事皆有定例
 照辦而卡倫兵役所需烏鎗硝磺多由俄羅斯
 易換是舊例禁止硝磺出
 邊一則原不為此地設也
 其布哩雅特
 俄羅斯
 所屬布
 哩雅特人等與邊內喀爾喀相似其游牧在恰
 克圖邊外迤西間有仿照俄羅斯蓋房以居者
 哈哩雅特鄰
 哈哩雅特游牧在布哩雅特迤
 西與邊內之唐努烏梁海同
 東

哈木尼罕

哈木尼罕與邊內哲布尊丹巴胡土克圖屬下打牲之哈木尼罕同其游

牧在恰克圖邊外逸東亦有蓋房以居者

連奈瑪爾人

奈瑪爾等接連哈木尼罕

與邊內巴

爾呼同

身為羅義役心同蒙古淳

以上四種係在喀爾

喀未經內附以前久屬俄羅斯者其內多半崇奉黃教亦有與卡倫蒙古相善者雖久隸俄羅斯為之防守卡倫其心淳樸多類蒙古故每卡皆有俄羅斯數人羈絆守戍恐其內附耳

縻蘊精奧荒服勝來賓欽哉

訓昭明巍乎綏夷民

俄羅斯所屬布哩雅特等性雖淳厚然可羈縻而不宜招致一則定

例彼此不食逋逃二則伊等衆心不齊乾隆五十四年有布哩雅特若干戶意欲內附因有俄

羅斯羈絆不果來奉有訓旨不宜招致

旋有四十餘戶俄羅斯由科布多投誠前來復

奉訓旨按戶賞給口糧好言撫諭飭令

回巢仰見

廟謨深遠守土者恪遵辦理

自無意矧迺已世服同荷外之虞

化育仁俄羅斯向化已久其在京習國書之十數人數年一次更換所有在京在途照料之官理藩

院均派家道殷實者蓋因隨時酌需賞賚不致
拘泥盡資於官使絕徼荒夷見天朝之濶

大而又必以老成練達之員時常訓誨俾知講
信修睦可謂撫綏得宜百餘年來俄羅斯感沐

聖化實與

夷俗類西洋渠魁曷紅妝詢

各國外藩無異

諸英咭喇悉其有端詳銅城妄傳述巢穴水中

央俄羅斯服食房舍與西洋無異其部長女人
居多謂之哈屯汗蒙古語哈屯夫人也如男

子為部長謂之察罕汗蒙古語察罕白也其巢
穴地名莫斯克瓦在恰克圖西北約有數千里

其辦事大頭目曰色費窩特其薩那忒公解辦
事頭目曰薩那託爾又有雅固畢咭那喇爾瑪
約爾哩咭斯塔喇托爾等等頭目皆其官名蓋
其頭目多西洋人余在庫倫所悉僅此其何故
以女子為部長未知其詳乾隆五十八年大西
洋英咭喇國王遣使朝貢事畢余奉命
送至海上其正貢使名瑪噶爾呢曾在俄羅斯
住牧三載因詢悉哈屯汗本西洋之女乃從前
哈屯汗之外孫女也其表兄襲汗娶以為妻生
一子襲汗遂沒因子幼其妻為哈屯汗世傳如
其子沒即傳子婦舊俗如此蓋其地居坎陰勝
故耳又俄羅斯北鄰空喀爾國係回種與之爭

地乃其常事相傳空喀爾國最大以銅為城東
西門相距若干路程疑屬妄誕詢之瑪噶爾呢
乃悉空喀爾本居海島恃水似有銅城
之固云此異域錄傳述不實之徵也 厥地稀

人烟厥土少圃場

俄羅斯人固無多田禾有限
其額濟勒河一帶冬雖嚴寒

夏時頗暖地土堪種而俄羅斯怯寒居此者甚
少其莫斯克瓦一帶氣候雖暖然水多田少故

其人惟通津濟里克

津濟里克乃烏里雅蘇台
將軍所屬卡倫名東與庫

倫所屬之輝邁拉呼疆

輝邁拉呼乃塔爾巴哈
台參贊所屬卡倫名東

卡倫相接

與科布多屬之卡倫相接俄羅斯部落東西雖長南北有限自東而西黑龍江庫倫烏里雅蘇台科布多四屬卡倫共八十有二科布多屬之極西卡倫名曰和尼邁拉呼由此渡過額爾齊斯大河即至輝邁拉呼雖云一帶卡外均與俄羅斯連界然自津濟里克以外有克木克木齊克烏梁海迤西阿勒坦淖爾烏梁海又有阿勒台烏梁海蒙古游牧塔爾巴哈台卡倫以外有哈薩克游牧相隔由此迤北乃通俄羅斯其阿勒坦淖爾烏梁海及阿勒台烏梁海等久經歸順每年例交貂皮貢賦烏里雅蘇台將軍收齊送京例有官項獎賞其近俄羅斯之烏梁海亦

與彼交納貂皮相沿既久只可羈縻相安耳哈
薩克舊傳為古大宛 聖製詩特辨正為

古康居國其部有三曰左曰右曰西自乾隆丁
丑年陸續投誠蒙 恩錫封汗王傾心感

激常遣子弟入 覲貢馬其部北與俄羅斯

為鄰西南與布魯特連界布魯特在伊犁卡倫

以外直至回疆喀什噶爾一帶皆其族類東西

共有二十鄂拓克皆游牧打牲兼以種地為食

各族有頭目一名曰比即伯克也此等伯克由

眾人推立其內有從前跟隨將軍大臣打仗出

力者荷蒙 聖恩賞戴頂翎咸知感激亦

常入 覲貢馬至其地產馬亦同哈薩克

烏里雅蘇台科布多城防

烏里雅蘇台城在三音諾彥部駐劄定邊

左副將軍總統喀爾喀四部兵馬兼理札薩克圖汗三音諾彥兩部事務有參贊大臣二員一

用該處藩爵一係由京簡放協理其事四

部蒙古藩爵內各有特授副將軍一員每

年四季輪流同札薩克台吉前往烏里雅蘇台

駐班聽候將軍調遣其專管牧廠者如不留心

查察設法妥辦則所有倒斃賠補不免苦累四

部屬下蒙古矣科布多城在札薩克圖汗部落

西北地近阿勒台山駐劄參贊大臣一員城東

北有明噶特蒙古游牧西北有數百戶舊厄魯

特游牧城南有阿勒台烏梁海等游牧阿勒台
游牧尚有三十六年安插之土爾扈特蒙古盡
屬科布多管轄科布多地氣稍暖因有屯田所
產穀麥足敷食用自津濟里克至和尼邁拉呼
一帶二十三卡倫由四部札薩克選派台吉章
京兵丁分駐戍守一年一換官給錢糧所有總
管卡倫侍衛由京派往三年更代科布多城北
卡倫以內係都爾伯特游牧屬將軍參贊統轄
此等蒙古乃額魯特四衛喇特之一乾隆十八
年全部歸誠荷蒙 聖恩錫封汗王公札
薩克台吉有差至今食俸輪班入 覲安享
昇平科布多由卡倫西通塔爾巴哈台東

南由古城大路可抵烏魯木齊其塔爾巴哈台一帶卡倫皆輪派滿洲及額魯特兵戍守至伊犁所屬卡倫戍守兵役亦然

恩光被四表遐藩歸

聖皇土爾扈特時來都爾伯特倡賑乏授牧地

錫爵封汗王

我黃教故所有蒙古無不傾心向化至土爾 聖皇恩被四表西北一帶振興

扈特本係準噶爾四衛喇特之一與都爾伯特無異雖遠居俄羅斯地曾遣使朝貢輸誠既聞

天兵平定伊犁振興黃教復憶都爾伯特
歸順久享昇平不禁仰慕傾誠率衆內附

蓋土爾扈特一部先年因與準噶爾不睦遂入
俄羅斯居額濟勒游牧傳數世至阿玉奇汗伊
子察克篤爾札布孫敦噶布喇什曾孫乃渥巴
錫也渥巴錫於乾隆三十五年明背俄羅斯携
全部由哈薩克戈壁巴勒噶什淖爾一帶行八
閱月至伊犁敬陳投順之意時伊犁將軍舒赫
德奉命收撫安戢賑其窮乏授以牧地
渥巴錫等傾心感激即於三十六年入覲
天顏錫封渥巴錫為汗餘封親王郡王貝勒
貝子公札薩克台吉有差
聖慮深遠一

一指示於伊犁東之精河游牧住貝勒一庫爾喀喇烏蘇游牧住郡王一喀喇沙爾游牧住汗渥巴錫及貝勒貝子各一近塔爾巴哈台之和博克薩哩游牧住親王一札薩克台吉一近科布多之阿勒台游牧住郡王一貝子一其食俸輪班入覲一如都爾伯特之例我聖皇仁育義正撫綏藩屬因其俗尚以導之無微不至奉命守土者又無不仰遵

廟謨撫之教之年貪饕詭辭支殷勤巧計藏雖久而益無稍忽也

防微示誠信懷徠度有方
舒將軍未到之先伊犁將軍伊勒圖聞有

土爾扈特之信尚未知其來意因一面具奏一面探聽消息時哈薩克等既見土爾扈特輜重絡繹未免垂涎遣人謁見伊犁將軍稟稱土爾扈特大衆此來未知意欲何為如用哈薩克幫兵情願効力將軍笑曰土爾扈特携衆遠來自係仰慕

大皇帝聖德歸順無疑爾等斷不可藉端滋釁即用兵本將軍現在精兵若干亦不忍勞爾外藩然已見爾等効順之心深為嘉悅賞給肉食緞疋遣回時屬員等僉以土爾扈特來意如何尚無確信似可姑從所請備而不用將軍曰爾衆殊不深思耶此來之哈薩克爾衆相識乎衆曰不識曰吾語爾衆今土爾

扈特自異域遠來素知伊犁多兵戍守必不敢
稍萌異志况其內或有從前懼罪逃往之徒心
存疑貳故使哈薩克前來探聽消息亦未可知
若從所請姑備以兵土爾扈特聞知轉生疑懼
或致釀成事端所關非細無論其是何來意應
先示之誠信以昭懷徠如此則土爾扈特雖有
異志亦可感發天良保無意外之虞而况
聖主威德遠敷吾意土爾扈特傾誠來附無
疑後土爾扈特至果如所言竟有從前懼罪逃
往之舍楞在內衆俱悅服噫伊將軍其神乎所
言者理也實可為守邊大臣寶鑑故書以自勗
舒將軍於癸巳年蒙
恩內轉伊將軍仍

駐伊犁仰承
訓旨辦理極為鎮靜

蘇對

蘇對見
製詩即哈薩克

聖

塔

什罕

塔什罕城回人亦常遣使
入貢其地與哈薩克接壤

構釁互競強誠

格諭以義羈縻語含香

時哈薩克與塔什罕爭
強失利忿忿不已遣使

謁見伊將軍請兵以討塔什罕公仰遵
聖旨諭之曰塔什罕與爾哈薩克同受

大皇帝鴻恩久矣且爾哈薩克蒙

恩封

為汗王較塔什罕為優自宜和睦鄰封安靜住

牧以期永享

昇平之福今若以官兵幫爾

塔什罕亦必前來請兵

天朝一視同仁既

幫爾即應幫彼爾試思之如此兩處幫兵是我
兵與我兵相戰有是理乎於是哈薩克凜遵佩
服公遂賞以肉食緞疋遣回因即具奏蒙
恩優獎仰見我
聖皇先事教誠周詳

誠可謂制荒
夷之法言也

霍罕布魯特一如善衡量

布魯特
二十鄂

拓克內有呼達雅爾鄂拓克界連霍罕亦係回
種其從前部長伯克名額爾德尼常遣使入貢
額爾德尼沒伊子納爾巴圖為伯克仍前恭謹
入貢伊將軍於此等荒夷皆恪遵

訓示

詳察情形
撫綏得當

沒後承爵賜空前勲業揚

先是公為
侍衛於

行宮大門值宿是晚大雨同班者皆避雨惟公一人屏門而坐時有旨詢悉公名由是

聖皇知其篤誠忠謹漸次用至將軍公在伊犁十餘年潔已奉公沒於任所奏入

聖皇悼惜不已因賜伯爵世襲罔替

褒賜之優實忠誠之所感今書其事而益欽其

人也昔本荒游牧今為魚米鄉駐防真保障生齒

日熾昌糧餉有定制得不教農桑伊犁本準噶爾額魯特等

游牧自天兵平定以來奉旨闢墾

屯耕收穫豐稔以給戍守廩餼伊犁兵共有五

隊滿洲索倫錫伯察哈爾額魯特各有領隊大臣一員統領外有文武各官屯田鎮將弁兵回子及廢員商民遣犯夫役無不資於該地米穀而每年所獲實多盈餘且獵場水草極佳飛走亦頗蕃衍秋間率兵較獵既可習勞復多獲禽獸分賞以示獎勵洵可稱沃壤已惟伊犁駐防八旗年久生齒繁多自乾隆二十九年駐防之初即蒙高宗純皇帝諭令旗人種地以滋生息乃因乏水灌溉歷任將軍均未及辦嘉慶七年余奉命補授伊犁將軍稔知駐防生齒日蕃非種地不能養贍設法引水八旗設屯分撥閒散壯丁耕作數年雖已辦有成效

余於嘉慶十四年離任後旗丁惰懶性成復以無水灌溉率將田畝租典與人收租為詞稟請

將軍晉昌具奏奉

硃批軍機大臣會同

松筠議奏當曾面奉

諭旨以旗人耕作

無水佃民耕作何以有水得租

聖訓煌

煌欽佩無既當經會同議奏仍令八旗餘丁照

舊耕作瞬奉

恩命再赴伊犁將軍之任

反覆教誡耕作以來近年頗有效驗願耕作度

日旗人實繁有徒此後無虞

人言土地廣費用

生齒日繁而給養充足矣

或浩穰訛言四百萬撥解道相望殊不稽原委

或浩穰訛言四百萬撥解道相望殊不稽原委

况由節省償

自開闢西域以來建置官兵設立屯卡不知者見內地各省每年有

協濟甘餉遂疑經費之浩繁由於新疆之寬廣往往有新疆四百萬之說殊不知所稱四百萬者乃併甘肅計之甘肅之餉不因新疆而設而新疆之餉皆自內地節省項下初非額外增添也查乾隆二十六年軍機大臣奏言臣等查核伊犁回部馬兵三千一百十名步兵一萬一千三百四十七名台站卡倫兵二千六百二十三名共兵一萬七千餘名所需糧石料豆八萬二千八百餘石俱於屯田支給其大臣養廉官兵鹽菜銀歲需三十三萬三千四百餘兩計葉爾

羌等城所交騰格作價五萬八千餘兩每年內地添用銀二十七萬五千餘兩而自大功告成後陝甘額兵減十之一所有裁缺馬匹減撤西寧卡倫台站哈密防兵共節省銀六十六萬六千餘兩以補新疆之用仍餘三十九萬餘兩又查三十二年大學士公傅恒等奏言平定新疆以來甘肅等處裁減兵丁卡倫馬料及京口杭州等處出旗漢軍旗丁俸祿錢糧口食馬料折色等項每歲節省銀共一百二十九萬餘兩現今伊犁回疆大臣官員兵丁等共需銀七十六萬六千餘兩將所存節省銀一百二十九萬餘兩之中開除七十六萬六千餘兩尚餘銀五十

三萬餘兩以此觀之是開建新疆不特於國
家經費舊額無所增添且有贏餘以上載在平

定準噶爾方畧

綠旂改携眷隨餉省軍裝

伊犁
烏魯

及檔案可稽

木齊綠營屯田兵自乾隆二十五年起由陝甘
撥調五年一換所有兵餉皆其家眷支領名曰
坐餉而所派兵丁各給路費屯所又支鹽菜頗
形糜費自乾隆四十三年將軍伊勒圖奏改携
眷坐餉即令該兵丁隨帶既省路費又無須另
給鹽菜辦理實臻簡易不獨此也滿營錫伯索
倫察哈爾官兵亦由西安涼莊熱河盛京黑
龍江等處移駐即伊犁將軍員缺亦由涼州將

軍改設俸餉並無增添迄今伊犁每年調餉六
 十一萬兩烏魯木齊調餉一百一十餘萬兩所
 有滿營綠營眷兵移駐者俱帶原餉並無增添
 其北路塔爾巴哈台南路吐魯番等處屯田兵
 仍前五年一換兩路通共每年調餉九萬餘
 兩是新疆通共歲撥餉銀一百八十餘萬兩抽
 分伐木稅 余於嘉慶十一年奏將伊犁山場伐
 木民人設立商頭給予官票定以抽
 分每木百根抽分七根存為歲修兵房
 屯工渠道等項之用奉 旨允行 印契徵
 厘房 伊犁自乾隆二十八年將軍公明瑞奏定
 徵收舖面房稅每年徵銀一萬九千餘兩

作每歲查邊坐卡演圍及換防官兵預支鹽菜
等項公用餘者撥歸正項烏魯木齊南北兩路
皆有房租
閏年有加調待籌盈倉箱
伊犁餉銀
為數無多
係先一年

預行奏調以備次年搭放若遇有閏之年冬春
閏月加調銀五萬餘兩夏秋閏月加調銀四萬
餘兩所宜籌者伊犁兵多庫
無備貯撥調餘餉尚須籌畫
既經者定後永永

洗橈槍省帑更無算安輯半甘涼

前此新疆用兵北路以烏

里雅蘇台科布多為門戶西路以哈密巴里坤
為門戶將軍大臣帶領重兵駐扎堵禦所費實

多今雖新疆需餉一百八十餘萬兩而永無邊
患軍需所省已不可思議且陝甘一帶民人生
齒日繁陸續各赴新疆種地貿易者不下數
十萬則開邊之利又豈止不費帑餉已哉
西

域樂

昇平萬載賴

乾綱 先是準噶爾強悍常騷擾回部有回酋和卓木
被準噶爾迫脅拘繫以回民分隸屬下役使苦
累後大兵西伐和卓木獻款輸誠備極恭順因
縱還故土和卓木辜 恩旋萌叛逆及誅

西域乃安實賴我

聖皇神武獨斷既平

準噶爾遂擒和卓木自是回衆永享

昇平

和卓木即

凸鼻誠向化西海貢輸將効順臣服

霍集占

請重譯獻駃

馬高七尺為駃良

伊犁為新疆西路所有屯田回衆無多其南路

各回部人烟最廣均係久沐

恩澤有耕

有織無異內地輸將納賦從無缺欠即卡倫以

外之布魯特安集延拔達克山愛烏罕沙莽蘇

爾各部回衆亦俱仰慕

聖化安心住牧

或入

覲貢馬或輸幣納賦且拔達克山伯

克素爾坦沙曾獻逆回霍集占首級遂以全部

納款稱臣極為効順而愛烏罕伯克以高至七
尺之馬入貢尤為恭謹是 澤及西海八

表同風矣若夫重譯向化情形

聖製詩

集記載甚詳方畧更屬悉備謹述萬一引以為

疆域

津梁

欽差重職守經營莫敢違屯田無廢壤倉儲有餘糧

回部各城俱有

欽差駐札咸承

訓

旨因地制宜分理其事新疆西南極邊與布魯

特連界之喀什噶爾回城駐叅贊大臣一員協

辦大臣一員總理南路大小回城事務仍屬伊

犁將軍統轄喀什噶爾以內有英吉沙爾回城
駐劄領隊大臣一員喀什噶爾東南相距僅六
站有葉爾羌回城駐劄正副辦事大臣二員此
城東南遠共八站有和闐回城駐劄正副辦事
大臣二員和闐駐劄之城曰伊里齊城其附近
尚有哈喇喀什玉瓏喀什齊拉塔克克里雅等
五城村皆有伯克分管回衆葉爾羌東北相距
十數站有烏什回城此城迤東有阿克蘇又東
有庫車又東有喀什沙爾又東有吐魯番每城
各駐辦事大臣一員又迤東哈密回城駐有辦
事大臣二員其喀什沙爾有土爾扈特汗等游
牧吐魯番城旁尚有關展回城以上各部回衆

有近城住牧者有離城相遠住牧者各處皆有
奏放之大小伯克分管悉皆恭順其應納錢糧
照例由阿哥木伯克收齊交納惟恐伯克等苦
累回民是以各大臣俱仰遵 訓旨示以

潔已訓以奉公以身化導撫安回衆其哈密郡
王以及各城伯克皆輪班入 覲永為定制

統計路程由哈密至喀什噶爾共六十餘大站
由嘉峪關至哈密十有八站此新疆南路之大
槩情形也曰南路者蓋因喀什噶爾一帶與伊
犁烏魯木齊中有天山正幹之額林哈畢爾罕
穆蘇爾達巴罕等冰山雪嶺相隔之故蒙古語
仗人謂額林肋謂哈畢爾罕蓋指山肋如人肋

為名又蒙古語水謂穆蘇嶺謂達巴罕此一帶
即由葱嶺發脉之北天山也由伊犁前赴南路
必經穆蘇爾達巴罕冰嶺乃至阿克蘇路通台
站或由伊犁東繞吐魯番前赴南路亦通駟傳
此外雖有近路非地處巖險即多係戈壁無水
草之地惟伊犁西南經布魯特游牧至喀什噶
爾約二千里中有特穆爾圖淖爾巴爾渾山帖
哩業克達巴罕八卡倫乃至喀什噶爾一路雖
有天險然水草頗佳常由伊犁例派領隊大臣
率領官兵查閱邊界俱經此地此新疆西南兩
路相通之大槩情形也伊犁東北塔爾巴哈台
亦為極邊距伊犁約千五百餘里有城駐劄叅

贊大臣一領隊大臣二官兵係由伊犁派往輪
年換防並有綠營屯田又伊犁東有庫爾喀喇
烏蘇城駐領隊大臣一又東至烏魯木齊駐劄
都統一領隊大臣一提督一分領滿漢官兵所
屬道府州各一縣五烏魯木齊迤東有古城巴
里坤二城各駐領隊大臣一其巴里坤駐有總
兵一巴里坤迤南即至哈密統計由伊犁經烏
魯木齊巴里坤哈密至嘉峪關共五十四大站
烏魯木齊地土久經闢墾提督統率綠營弁兵
屯耕每年收成亦多豐稔伊犁烏魯木齊均有
內地百姓開荒耕作陞科盡如土著是新疆屯
種不但足食各處倉有餘儲又有按例官給布

昂由哈薩克易換之馬牛羊隻儘足各城應用
此西路一帶大槩情形也誠可謂衣食足矣生

齒蕃矣守土者又各遵奉 聖訓示表率

以儉素教兵民以淳朴知恥撫蒙回以懷德修

睦育之正之無稍忽懈 叛兵萌故智狼子野心

是新疆固為萬年樂土

常梗化弗翦除瞬息必滋殃當斷豈容亂姑息

害彌颺檄傳所轄者一洗滅猖狂辦理機用密

事竣達

天閻不及先請

旨保全重遐荒

聖明曲加宥

特命調參襄旋復補陝督感戴宜自慶

嘉慶十三年十一月二十三日

余在伊犁將軍任內接到塔爾巴哈台參贊大臣祥保密報前所分戍之寧陝叛兵蒲大芳等謀為不軌因思此項叛兵本皆鄉勇出身怙惡不悛之徒前在寧陝鎮營戍害官兵肆行搶掠

彼時司事者剿辦不果奏請遣戍塔爾巴哈台
喀什噶爾烏什阿克蘇等處已屬輕縱理合及
早懲辦不使外夷輕視邊地當即檄飭該叅贊
並派伊犁領隊大臣色爾觀馳赴該處會同查
拏謀逆叛兵蒲大芳等五十餘名梟予駢誅其
分戍南路烏什阿克蘇喀什噶爾三處之叛兵
王文龍周奉等前全蒲大芳等叛亂曾破洋縣
焚掠盩厔鄠縣到戍後桀驁尤甚衆回子畏之
如虎北路蒲大芳等既已正法王文龍等聞信
定即釀事必至勞師糜餉因以調赴伊犁種地
為名一面檄行南路叅贊辦事大臣等慎重起
解一面棟派領隊大臣色爾觀揚桑阿等俟將

王文龍周奉各犯押解既過冰嶺俱令分起正法辦理緣恐事機不密未便先行入奏上煩

聖慮後經遵

旨明白回

奏欽

奉

恩諭若早如此明白具奏何致遽離

將軍之任蒙

恩賞給頭等侍衛補授喀

什噶爾叅贊大臣未及到任旋奉

恩旨

補授陝

甘總督

此事得綏戢實賴

聖德彰幸荷

神庥庇靈顯默佑攘

辦理此事實賴

皇帝洪福緣叛兵等聞

仁宗睿

時曾在烏什 關帝廟祝告以此去伊犁是
否凶吉連求三籤俱得上上乃皆放心渡越冰
嶺伏誅此等情形喀什噶爾年滿回京之前任
叅贊大臣吉拉堪於嘉慶十四年十二月面奏
當經 仁宗睿皇帝頒發匾對
飭交烏什大臣懸掛以答 神佑 伯克

玉努斯妄播謊言張霍罕本恭順私交致披猖

吐魯番回子郡王伊斯堪達爾之子玉努斯任
喀什噶爾阿奇木伯克營私取利苦累回民又
謊言從前薩木薩克有子名玉素普寄信斂錢
於叅贊大臣前邀功聳聽並令其屬下回子阿

巴斯以紬緞茶葉違例與霍罕伯克愛瑪爾通好而愛瑪爾以所送禮物尚少留其使人不與相見令添送元寶一九金絲緞克什密爾揭子各一九又令傳知玉努斯所寄信字並未稱伊為汗甚為嗔怪迨阿巴斯旋回喀什噶爾後數日愛瑪爾即遣使來携帶貿易者三百餘人呈遞夷稟欲於喀什噶爾添設哈子伯克抽收安集延買賣人家財不必令阿奇木管轄查霍罕伯克自額爾德尼那爾巴圖向化我朝久著誠悃即愛瑪爾亦懷德畏威何至妄行瀆稟皆由玉努斯身為郡王以霍罕伯克本屬邊遠安集延一小部長距喀什噶爾遠至二千里而玉

努斯不顧體制率意餽遺致愛瑪爾從而
夷使
生心爭添禮物多事取辱罪不容逭矣

切曉諭傳見凜當堂免稅咸知感巫蠱法所創

愛瑪爾既逃夷稟其時喀什噶爾參贊大臣恩
長協辦大臣玉福先行 奏與松筠公同妥議

余抵喀什噶爾當堂傳見該夷使阿渾莫洛阿
瓦斯邁莫特哈子密爾雜噶雜那齊二人並喀什噶爾管轄貿易安集延之胡岱達即買賣頭
人四名諭以爾霍罕伯克何故謬請添設伯克
辦理貿易安集延事務不令阿奇木管理又於
貿易人等家財等項率議定例抽分爾試思

天朝平定回疆以來有是例乎有是理乎此事斷不可行况自爾伯克之祖額爾德尼父那爾巴圖俱曾遣使入貢世代恭順總無如此謬請之事本將軍叅贊念爾伯克祖父以來諸多恭順此次帶來貿易貨物准其照前免稅嗣後再有帶來買賣一槩不准免稅該夷使二人聽聞之下知感知畏適有控告嘉慶十六年前任叅贊大臣鐵保等審辦回衆私斂金錢送給薩木薩克之子一案均係玉努斯同伊莫洛伯克阿布都拉仔斯商量捏造其所云攢湊金錢等物竟係玉努斯自行備出並將伊父伊斯堪達爾從前招降薩木薩克原書添寫捏作毛拉素

皮帶來憑據酷刑取供以致妄殺四命有伊弟
伊斯嗎依爾當曾眼見衆回子人人稱冤又查
出玉努斯之妻色奇納巫蠱鎮壓各情節審明
質對玉努斯所供屬實遂行知叅贊大臣恩長
將回婦色奇納立即正法所有捏造攢湊金錢
之莫洛伯克阿布都拉仔斯及囤積貴賣之回
子護衛家奴等審明一併正法其玉努斯擅與
霍罕伯克送禮釀事之罪應予重辟奏上蒙
聖恩念其祖父著 噶勒察遺種卡倫官兵
有勞績免死永遠圈禁

戕叅贊議善後籌畫重保障

嘉慶二十年有喀
什噶爾回子阿渾

攷牙墩戕害卡倫官兵焚燒馬廠之事緣攷牙墩係徽外噶勒察回子來喀什噶爾年久莊房田產豐厚能念經稱為阿渾娶婦霍卓木後裔常居霍卓坎近喀什噶爾城不肯離坎有希布察克愛曼二品頂戴花翎布魯特圖爾第邁瑪特欲奪攷牙墩莊房田產懲惠攷牙墩強搶其妻歸莊定期令攷牙墩帶人入城攷牙墩奉行悔之無及當被叅贊大臣成齡等以其不軌奏擬凌遲查係圖爾第邁瑪特懲惠並有欲謀害駐劄大臣所差往伊游牧之筆帖式霍隆武因徹底根究將圖爾第邁瑪特與攷牙墩並處極刑彼時伊犁叅贊大臣即今大學士長齡籌辦

善後事宜奏明由伊犁每年調滿洲錫伯索承
倫官兵三百員名赴喀什噶爾以資防守

旨再行役

聖化布垂裳

余兩任伊犁將軍共十三年先後奏奉

諭旨查辦事件赴南路回疆者三次

赴北路塔爾巴哈台者三次於新疆輿地周歷
殆徧撰有新疆事宜道光元年進呈 御覽

欽頒

御製序文

命名新疆識畧

伊犁喀喇沙爾塔爾巴哈台等處游牧皆乾隆
三十五年酌背俄羅斯內附之土爾扈特霍碩
特及南路各城回子並外夷哈薩克布魯特等

一皆久
已向化
間考山川脉招通葉爾羌

西藏之西北極邊阿哩地

方通葉爾羌回部阿哩本近拉達克汗部該部
人民常與葉爾羌邊地回子往來交易蓋由阿
哩北行約須四十餘日至葉爾羌路多戈壁間
有水大處所夏日難行凡貿易者皆冬月販運
從前準噶爾擾藏經此由阿哩邊隘而入拉達
克汗本奉佛與唐古忒素好前藏迤北青海之
西有柴達木地
方亦通新疆
陽布荷

再造烏斯享平康

陽布今廓爾喀巢穴在前藏西二千餘里乾隆五十六年廓爾喀與唐古

忒構衅擾至後藏札什倫布仰賴天威
遣大學士公福康安公海蘭察四川總督惠齡
等統兵深入其境屢戰屢捷直至堆補木地方
將近陽布廓爾喀全部胆落悔罪哀懇乞命奏
至我聖皇好生施恩宥過准其納款投
誠是廓爾喀復生唐古忒樂業皆賴鴻
慈怙恃所致也詢之輿情陽布本巴勒布部落
從前巴勒布有三汗一曰庫庫木一曰葉楞一
曰布彥其廓爾喀原係巴勒布所屬一小頭目
即如唐古忒世家之類其本巢在陽布西南相
距七日路後因巴勒布三汗彼此不睦屬下怯
懦由是廓爾喀乘勢佔據陽布已有數十年然

察其俗尚以及闔部情形恐非久荷
天
麻者余於乾隆五十九年駐藏時曾聞其俗該
王如染毒疾密派兵役深夜四出盜斬人頭若
干顆供獻護法以為祈禳之術是何凶暴耶此
雖未必盡然然其佔據陽布不為不久而巴勒
布人衆心未誠服且伊新佔之哲孟雄作木朗
落敏湯三部人衆心尤不甘其每逢收取錢糧
俱派頭目帶兵往索斷非悠久之道又常與甲
噶爾屬之那布巴頭目爭兵不戢聞甲噶爾第
里巴义等部較比廓爾喀兵多勢大况廓爾喀
本部之人不過數千人又如此貪暴性成適以
自取速敗其後或有善撫者出委曲駕馭所屬

巴勒布等庶免暴亾耳但於此等徼外荒夷惟
應凜遵 訓旨隨時羈縻俾知感畏而已

至伊等與外隣有何事故尤應置之不問癸丑
孟春廓爾喀貢使噶箕第烏達特塔巴在京曾
稟請倘有外隣欺凌伊部者可否仰懇
天恩發兵拯救經軍機大臣具奏荷蒙

聖明指示即如伊將軍遵 旨駁飭哈薩

克請兵之議曉諭該貢使深為佩服將來如其
力乏設有稟訴或請幫兵應遵前 旨諭
駁並開導使知和睦隣封之利則彼必遵奉或

其窮蹙已極意以既係 天朝屬國應即發
兵拯救頻來乞請儘可諭之以巴勒布三汗先

年亦曾納款入貢與爾等今日無異乃巴勒布不能自樹被爾吞併時天朝並未發兵問爾之罪是現在爾部之事亦與巴勒布同况爾投順以來仰蒙大皇帝覆育生成每頒

勅書訓爾和睦隣封諄諄教誡爾等不知恪遵妄行構衅以致如此且兵本凶器不得已而乃用天朝所屬外藩衆多無不仰遵

訓諭與隣封講信脩睦爾等現已違悖勅訓若據實入奏必致爾等得罪應即悔過與彼脩好仍前和睦患可立解矣如此駁飭伊或以從前曾為唐古忒用兵於彼為詞仍乞拯救便諭以藏地久設駐藏大臣凡有駐劄

大臣處所遇事例應遣將統兵辦理其無
欽差之地向不發兵爾部並無駐劄大臣其巴
勒布等設以舊曾納欵為詞有所懇請則於爾
等尤為不便爾宜自責竭力議和不可恃強爭
勝再從前哲孟雄作木朗等部曾以爾等侵佔
彼之人戶地土來求唐古忒幫兵唐古忒謹遵
定制並未遣兵拯救即此一節爾等尤應感激
唐古忒也如此反覆曉諭遣回即具摺入
便可息事此蓋
左通哲孟雄右達落敏湯
備而不用者耳
舊載
朗落敏湯等部近在哲孟雄迤北余於乾隆六
十年巡邊自前藏西南行經曲水過巴則江孜

轉西共十日至後藏班禪額爾德尼所居札什
倫布由此西行走剛堅寺彭錯嶺拉孜甲錯山
羅羅塘協噶爾過定日通拉大山十一日至聶
拉木此為藏地西路極邊隘口外通廓爾喀五
日可抵陽布由聶拉木旋行一站轉之西北經
過伯孜草地鞏塘拉大山瓊噶爾寺復西南轉
出宗喀走衮達卓黨七日至濟隴此亦藏地極
邊隘口外通廓爾喀十日可抵陽布余至濟隴
往復詢悉情形乃知哲孟雄部本居藏地迤西
大路之左而作木朗落敏湯本居西路極邊濟
隴之右一左一右遠隔千有餘里蓋舊載多訛
如云前藏東南工布江達產稻亦屬訛傳藏地

所需稻米出自布魯克巴哲孟雄部在江孜南
帕克哩邊外東接布魯克巴西接廓爾喀其部
地土人戶大半已被廓爾喀侵佔落敏湯本作
木朗屬之一小部落人戶僅千餘在濟隴卓黨
雪山西北作木朗又在落敏湯之西作木朗既
被廓爾喀侵佔彼時僅存頭目蘇班色父子屬
下人數無多故落敏湯遂屬廓爾喀與之納賦
矣由落敏湯東南行半月餘乃至陽布山路崎
嶇落敏湯雖與濟隴為隣雪山阻隔無路其部
近通宗喀故常來藏朝佛與唐古忒向有結親
者其人尊崇黃教該部長旺傑多爾濟之次子
係喇嘛住薩迦廟學經似此邊外荒夷既常來

藏朝拜達賴班禪宜厚往薄來固結其心庶可
為邊地保障否則恐為他人嚮導耳緣哲孟雄
作木朗落敏湯三部雖畏廓爾喀而衆心忿忿
並未誠服也夫弱者仁之助也強者怨之歸也
廓爾喀恃強凌弱曷其不自量而且不自鑒耶
蓋羈縻之道得其情則易於駕馭故采而書焉

吐番即青海魚通乃瀘江教分神道設治分循

舊章

今青海所屬蒙古王公即古所謂吐番也
所謂魚通者乃今之瀘江即打箭爐是也

青海游牧有和碩特蒙古顧實汗之後裔二十
一旂札薩克又有厄魯特綽羅斯舊土爾扈特

及察罕諾們汗喇嘛共九旂扎薩克是為三十旂顧寔汗即國朝崇德七年同達賴喇嘛班禪額爾德尼遣使恭進丹書克於盛京者也由青海至前藏路程僅兩月蓋明末時顧實汗常居藏地故同達賴班禪遣使入貢顧實汗本青海蒙古彼時因後藏之藏巴第巴不敬班禪又不尊奉達賴喇嘛謀為不軌顧實汗率兵來藏誅滅藏巴第巴由是久居藏地後回青海屬其子達彥在藏為汗傳之孫達賴汗曾孫拉藏汗時準噶爾策旺阿喇布坦生衅遣其宰桑策凌敦多布領兵至藏戕害拉藏汗前此六韋達賴喇嘛業已圓寂呼畢勒罕出於裏塘生二歲

青海蒙古迎至青海塔爾寺達賴喇嘛乃六盟
四部及青海各蒙古世所欽奉康熙五十九年
欽命撫遠大將軍王允禔統帥六師同
平逆將軍延信由青海帶達賴喇嘛呼畢勒罕
出口進征底定西藏以呼畢勒罕坐牀於布達
拉所有蒙古番子無不喁感
聖德彼時

著有勞績之唐古忒康濟鼐號德親巴圖魯係
拉藏汗之壻奉
勅封為貝勒同葛布倫
阿爾布巴等辦理藏務雍正五年阿爾布巴等
謀害貝勒康濟鼐有唐古忒台吉頗羅鼐由後
藏糾衆擒阿爾布巴等恭候大兵至藏誅之藏
地復安因頗羅鼐有功屢封郡王及卒其次子

朱爾墨特那木札勒襲封於乾隆十五年謀逆
伏誅奉 旨削除西藏王爵凡衛藏事務
一由駐藏大臣與達賴班禪相協裁決於是藏
地綏定昔顧實汗既安藏地遂同達賴班禪遣
使入貢可謂傾誠向化而有功於西藏者矣雍
正元年顧實汗後裔察罕丹津與厄魯特羅布
藏丹津不睦因而羅布藏丹津誘青海屬之各
族番衆搶掠察罕丹津游牧後經大兵平定乃
查明各族番衆不令蒙古管轄於雍正九年量
其游牧遠近青海大臣分管四十族西藏大臣
分管三十九族由是各族按其人數多寡分別
設有千戶百戶百長領有號紙分管咸知安分

三十九族在前藏東北一帶由藏至察木多之東大路拉里邊壩碩板多迤北皆其游牧碩板多迤東地名落隆宗即類烏齊喇嘛等住牧之所又東地名曰康即喀木又名察木多乃帕克巴拉胡土克圖住錫之地有大廟番衆皆胡土克圖所屬勢同達賴班禪相傳為三藏之一迤東乍了大小兩胡土克圖之所屬番衆又東有江卡番衆為達賴喇嘛所屬江卡西北有觀角番衆亦隸前藏江卡西南有三安壩番衆此一帶夾壩出沒無常然往還官差如無私帶商民貨物而途間烏拉人夫每日賞給茶葉蘇油糈糶既足其食斷無劫掠之虞至三安壩人等間

有出哨欲掠商客者一見其來或恐怖藏避則
馱載即被其趕去矣果遇見時詢其來何所為
伊必云護看馱隻遂用好言獎勵稍賞烟茶即
歡然少前護送便去官差遇之亦應如此是則
永無劫掠耳江卡南通雲南東接巴塘裏塘此
兩處各有正副土司又東至打箭爐有明正司
即前代之西魚通寧遠軍是也北接木坪土司
西北通德爾格及郭羅克番子皆隸四川統轄
郭羅克頭目亦領有號紙約束其衆其游牧與
青海郡王等游牧連界從前郭羅克肆掠無已
青海蒙古實患之其人僅千餘戶緣地少出產
如遇牲畜被災不能度日便出劫掠後經嚴治

乃安青海有札木楊胡土克圖郭羅克尚知敬服青海所屬有歸德循化番衆雖亦强悍惟在撫之得宜察木多迤南有拉多土司路通雲南察木多東北界連德爾格部落其部除正土司外尚有小頭目百餘名分管部衆其人戶約有萬餘性雖强悍然余曾親見其人儘可以德服而不必以威力制其部原有紅教喇嘛名色多胡土克圖衆咸欽服而其部衆最敬者札什倫布迤西之薩迦胡土克圖相傳宗喀巴為黃教之祖生自青海而學經於薩迦廟乃明永樂時有道喇嘛余巡邊曾見薩迦胡土克圖詢悉伊之經典一如黃教惟講解稍有不同廟內舊貯

經卷最多所有僧衆亦同黃教並無家眷惟薩迦胡土克圖有妻室除朔望相見外餘日並不通問乃為生子襲衣鉢計已傳二百餘世元朝之帕斯巴喇嘛即薩迦云詢其紅教之所由據云所有經典皆始自甲噶爾即大西天大西天有巴特瑪薩木巴瓦者相傳為紅教之祖生於唐時曾來藏地傳教其經與黃教無異惟咒有不同兼尚法術此說復印證於達賴班禪濟隴第穆等一如是云蓋敬薩迦者非獨德爾格即打箭爐裏塘巴塘類烏齊等處番衆雖皆崇奉達賴班禪而心信薩迦者多至青海蒙古番衆無不崇奉黃教其敬薩迦亦如達賴班禪乃知

薩迦實非紅教乾隆五十四年駐藏大臣舒濂
曾查明薩迦本同黃教情形據實奏蒙

聖鑒余訪之紅教亦未聞有何法術僅奉巴特
瑪薩木巴瓦虔誦護法經咒而已蓋法術之說
本屬妄誕黃教真經既著紅教邪術自息緣神
道設教似此番夷固可因其俗尚而羈縻之所
謂即以其人之道還治其人之身此乃我朝
聖相承統御八荒之大經大
權也守土者凜承定制提其綱而挈其領撫之
教之常以民胞物與為念可期萬載相安耳若
漢之任尚性嚴急而弗聽定遠之言以致債事
當為守邊者戒余自乾隆五十九年蒙

恩陞授工部尚書駐藏至嘉慶四年更換回京
在彼五載所辦事宜畧見紀行詩秋閱吟暨西
招圖
略 漢唐迄於明邊計何足臧

皇清大一統

聖德並堯光

然月然

西招紀行詩序



夫詩有六義一曰賦蓋敷陳其事而直言之也
余因撫巡誌實次第為詩共八十有一韻雖拙
於文藻或亦敷陳其事之義名曰西招紀行詩
後之君子奉

命駐藏者庶易於觀覽且於邊防政務不無小補云

三才系不言

乾隆六十年湘浦松筠自識



西招紀行詩

治道無奇特本知黎庶苦衛藏番民累實因頻

耗蠹

藏地各屬設有營官第已管理向不知擬卹其科斂一切於民力能否從無理會蠹

蠹已久達賴班

禪不之知也

達賴免粟征班禪蠲田賦

乙卯春達

賴班禪聞知我

皇上普免天下積

欠錢糧漕糧始有蠲免番民糧賦之請

皇仁被遐荒窮黎湛

才系不言

雨露

時奏入我 皇上深為嘉悅 奉
賞銀四萬兩撫卹唐古忒百姓

敕曰欽哉盡心飼待哺敬副

恩綸宣咸使

膏澤布

衛藏所屬在在窮 度地招流亡游手拾農具
民查明槩行卹賞

前後藏招集流亡番民給予籽種口糧各歸本
寨安插力作者共千有一百餘戶俱令三年後

再與達賴班 禪當差納糧 譬猶醫大病既愈宜調護
既賑之後尤宜

休養仁以厲風俗左傳仁以厲之教之已革故

生息易革卦已日乃孚各屬營官第已於仁之一字
無從聞見固無怪其貪饕無厭夫仁者非獨博
施濟衆之謂蓋禮義廉恥皆謂之仁因教之以
潔已愛民之方並訪得凡所以蠱蠹百姓者皆
分列條款繕寫告示檄諭
各營官盡使嚴革故弊

聖慈活西番蠻生成恬裕誰云措置難應識有先務

安邊惟自治莫使民時悞

所屬番民如果家給人足外患何由而生

是以安邊之策莫若自治今嚴禁種
種積弊庶幾乎農時無悞民氣恬熙
凜然常恪

守西招氣自固

余欽遵
訓旨恪守章程隨
時整飭似可休養生息以固元

氣

閣部撫東北

太菴閣部分辦
余賑西南路
余往

西南巡邊
兼理賑濟
巡邊
衛藏西南一
帶例應巡閱
輕騎從民力始從

容

邊地固應示以威儀然西藏之烏拉非同北
塞蓋有馬之家最少其俗每遇大小差則有

馬之家出馬無馬之家按戶攤銀若干以為催
價是每馬一匹已累及眾人及有倒馬一匹又

須賂蠻銀至數十兩之多舊俗如此固難盡禁
雖官為賞價亦不應過多致有居竒故差無大
小皆宜輕騎減從
庶免番民苦累
曲水巖疆道
藏西南行一日

宿業黨又行一日宿曲水曲水者東西雙溜紆
迴湍激故名此地東來之水曰藏江其源出拉
撒東北西來之水曰羅赫達江其源出崗底斯
雪山二水滙此曲折東南由工布入南海崗底
斯即所謂驚嶺是也山在藏之
西北極邊薩喀阿哩布陵境上
秦關百二同
水
形勢險固有兵數百
西招第一隘戰守事倍功
雖萬人無能踰越

此地多農民有糧
草故云可守可戰
過江傍鎖橋捨此無他渡
曲由

水前行三十里過渡有皮船此外另無渡口雖
有鎖橋僅三繩惟土人行之他有過往須用船

渡此即羅
赫達江也
前至孤山寺趙趙恐失步
江南岸有廟巖岑狹

徑步履維艱
亦一要隘也
巴則西崑崙
自鎖橋前行五十里過嶺山名巴則又名

西崑
崙
綿亘割朝暮
過一大嶺復越高峯長約二十餘里
旁臨洋卓

海
嶺南有大海子
番名洋卓雲角
二分喘烟霧
嶺頭高聳路徑崎嶇旁臨大海

是又一較閱江孜汛江孜地名自巴則宿白地
要隘也又宿朗噶孜過宜椒大山

宿春堆次日始至江孜汛有守備一員漢兵二
十名番兵五百名一律較閱其鎗箭陣勢頗為

練行看沃野田此地田肥約有數千頃民生尚覺寬裕
習西達班禪

廟由江孜西行二南通帕哩邊帕哩地名即帕
日至札什倫布克哩也自江孜

南行七日至此有正副營官二員邊外與布魯
克巴部落交界該部長曾於雍正十二年遣使

入貢賞有額爾德尼第巴之印人頗恭
謹崇黃教世與達賴班禪通好其部西通廓爾

喀境內道路平坦廓爾喀每貢象
馬皆由布魯克巴送入帕克哩
是為南大門

屏藩有巨川水深溜且急廓番無敢前
帕克哩為藏地

南門保障西南界連哲孟雄部落其部人戶無

多向與唐古忒通好西有大河名藏曲唐古忒

倚為險津要隘先是河西原有哲孟雄所屬人

戶後經廓爾喀侵佔以河為界蓋因藏曲水深

溜急不能船渡僅有鎖橋數繩廓番無能踰越

是藏曲既為哲孟雄保障又為帕克哩屏藩此

等情形江孜汛防更有干壩隘
由帕克哩西行

官兵咸宜深悉
三日至干壩有

文苑九集

第巴 迤西定結連

由于壩西行一日至定結此地駐有營官

路皆稱

險要防邊宜慎焉

定結干壩兩處隘口相距札什倫布程途僅四五日外通

廓爾喀最為險要乾隆五十六年賊曾分兵擾至定結幸有戴琿番兵堵禦賊乃未敢深入其隘口阨塞較藏曲尤為緊要所有在藏駐札漢番官兵平時更宜深悉庶於邊防有益戴琿者總管番兵之官衛藏共六後招本堅固後招即員其次有如琿甲琿定琿後招本堅固札什倫布班禪所居之廟依山疊砌成樓如長蛇之勢頗為堅固有兵一千可守可戰新戍氣

頗雄舊駐漢兵無幾而向無番兵駐劄乾隆癸丑奉旨添設漢兵至百四十名番兵

千名都司一員統領操練頗稱健銳實足以資邊防而昭威重憶昔賊僥倖未

遇此勁戎辛亥年廓爾喀賊眾僅千餘人入自聶拉木走協噶爾繞至薩迦溝攻薩

迦廟未下賊皆跣足步行深入無援而其火藥僅各有三出眾心已形疑懼乃探知後招無備

班禪已避至前藏遂率沿途裹掠之唐古忒男如頭上皆纏以布揚言眾萬餘進至札什倫布

時僅有都司徐南鵬率漢兵數十名緊守營官寨賊攻不下恰有招集之唐古忒兵民千餘人

文選 第九解

與賊接仗敗之賊少退却正宜竭力攻勦况藏地毛牛最多且有蘆草清油酥油如用齊田單之火牛陣以油浸草束牛尾夜晚燃之發縱撲賊我兵隨後擂鼓喊進亦必取勝而唐古忒統率之人不知紀律恃勝不備被賊乘夜轉攻番兵大敗賊衆即入招肆掠而遁彼時如有現在之勁旅不但賊不能如是猖狂亦斷不敢如此深入余詢悉情形憶昔賊得生還者豈非僥倖也

佛法波羅蜜 佛本嘗 豈其欠圓通 佛本慈悲

哉 給孤獨 悲札什倫布而失圓通蓋福善禍淫鬼神之所為也佛與鬼神合其吉凶又焉能偏袒札什倫

布緣前輩班禪為藏地活佛知積財而不知撫
卹所屬是活佛欠圓通遺患於身後致有禍淫
之報噫惟活佛尤應今也班禪惠可冀布仁風
使知福善禍淫之義

余至後招與班禪會晤見其年少而通經性頗
純素毫無塵俗之態詢悉所得布施不多積貯
喜為施濟所屬僧俗無不感仰此其能結人心之仁政也
既安莫忘危慎初

且慎終
壬子年 天威震懾廓爾喀悔罪投
誠自是太平無事然安不忘危應令達

賴班禪及管事僧俗營官第巴咸知愛惜百姓
固衛藏元氣以免禍淫之報更應訓練官兵

咸知戰守之宜而事無大小務採衆論揆之以
理仰承 聖訓久而毋稍懈惰庶幾乎慎始

慎終之一端 且可免過耳 策馬彭錯嶺觀山宵次開 倫布走

崗堅喇嘛寺過花寨子共行三日至此有大寺
依山傍水森森然楊木萬株初不意此處竟能
蓄材如此因而宵襟豁然諭令各處空 天險不
間所在多為栽植亦敏樹之一端也

可升曷禁意徘徊 寺東西山路凹凸陡險者數
處雖無戍守敵亦弗能深入

是為天然要隘較之 進發甲錯麓罡風拂面來
曲水關口尤為險固

自彭錯嶺西行一日宿拉攷營官寨次日又西
行十餘里入甲錯山無水草土石色盡青黑有
瘴氣罡風陣陣行人

五月尚披重裘焉

雪巖相絡繹閭闔險隘哉

閭闔為西極之門此地傍依雪嶺絡繹相連且
途長行一日弗能盡越須於中途過宿次日越

大嶺始至羅羅塘
是又一天然要隘

協噶

地名即協噶爾

山突兀官寨臨

浮屠

自甲錯過羅羅塘共行二日至此微有田
禾官寨居山頂下臨大寺寺寨相依勢頗

險僧俗善守禦失利窮賊渠

辛亥年廓爾喀入寇至協噶爾時寺

僧頗有主宰協同營官
等力戰堅守賊屢失利
假道薩迦廟潛抵班禪

廬

賊攻協噶爾不下又以甲錯路險未遑直入
即由協噶爾東北前走薩迦繞至後招

回巢懼由此徑竄喀達墟

賊衆深入無援急欲
回巢因懼協噶爾僧

俗截戰故不敢仍由原路自札什倫布走崗堅
喇嘛寺入花寨子南首之轄布山溝由薩迦廟
南繞至喀達隘口以遁喀達東距定結僅四日
程此為緊要關隘所有後藏定日各汛官兵咸
宜知
定日當要衝量為設防汛
定日汛名其地
本名第哩浪古

自協噶爾宿蜜瑪次日行六十里至此此汎新設漢兵四十名番兵五百名有守備一員統領操演閱其技藝頗為健銳除江孜後藏定日三汎前藏尚有大汎遊擊守備等統領漢兵四百六十名番兵一千名共計衛藏四汎漢兵六百六十名番兵三千名時常訓練可為勁旅其番兵心雖怯懦要在講習作氣怯者自勇矣

西南近邊隘獨立三關鎮

定日汎岔路有三一西北行四日至宗喀自宗喀西南行三日可抵濟隴邊隘一西行二日即抵聶拉木邊隘一南行三日可抵絨轄邊隘此三處邊外均與廓爾喀毗連絨轄在喀達逆西

相距路程僅四日定日
一汎可謂獨鎮三邊
通拉果荒涼峭壁擦天

長通拉山名自定日西行十餘里入山風大異常寥無民居怪石陡壁偏坡流沙長約百餘

里
遥觀摩頂臺遺跡鬥寶床相傳昔達摩與彌勒曾在此山絕頂

處門法云迤西聶拉木境內有塔廟名帕甲嶺
廟側有石洞當頂一隙透亮內有達摩坐像

即面地名巴迤暮至巴都地名巴始見小蠻莊自定日
僻處地名巴始見小蠻莊自定日
曉發行

百九十里至巴都極邊聶拉木隘口舊無墻孤
爾地方始有民居

立營官寨民居僅數行

由巴都爾過達爾結嶺行一日至此是為極邊

依山臨澗有小關門一座並無牆垣營官寨築於關門之外居民無多尚有廓爾喀所屬之巴勒布常川貿易者二十餘人此等巴勒布人本循良久與唐古忒交好甚為安靜非廓爾喀可比聶拉木以外相距廓爾喀巢穴陽布地方路程僅五日山徑崎嶇巴勒布俗名別蚌廓爾喀侵佔已久在德不在險休養成堤疆現在衛藏番民蒙盡為所屬

聖恩賞銀撫卹似此極邊百姓皆得加倍卹賞民心無不知感而量加賦納民得休息樂業

則保障氣充外邪無由轉之達結嶺伯孜水草

而人是不險而自固也
芳 由聶拉木旋走達爾結嶺西向宿峩拉喇嘛
寺次日過嘉納大山宿伯孜草地又宿拉錯

海子南岸此一
段水草頗佳
路經鞏塘拉山上下馬徬徨雲

峯削不成沙磧浩茫茫
自拉錯海子前行二十
里上山走十餘里至山

巔馬已疲矣既過山巔路益陡峻有流沙馬步
維艱真是天然險要蓋辛亥年賊攻宗喀未下

即不敢進越鞏塘
拉者懼險之故也
西旁瓊噶寺
下至山根西行
二里許路旁有

一小山上有大寺名瓊噶爾
寺後有泉亦係扼要之區
南抵宗喀塘
宗喀地名

瓊噶爾寺南行
十六里至此
堡寨稱堅固疑諜守有方
營官寨後

接喇嘛寺周圍有墻垣勢頗堅固
辛亥年駐藏大臣派綠營軍功陳謨潘占魁二人同營官薩

木珠等率番兵二百名守駐寨堡賊衆屢攻未
下伊等竭力固守每夜多張燈火晝則歌唱自

若故賊疑而遁回察木卡此兵少守禦有方之
善已蒙 聖恩嘉獎其軍功營官皆 賞

戴頂 衮達人烟少
衮達地名自宗喀西南行站宿衮達路險五月河水漲

發時須繞越大山而行途間居民最少

卓黨饒圃場

卓黨地名自袁達西南行

一站至此有民居屋舍類內地草木茂盛有田禾

中接察木卡

地名三橋

跨虹梁

袁達卓黨適中有卡名察木此卡以內數里間有長橋三座廓爾喀於辛亥年

秋佔拒察木迨至壬子年夏五月經前鋒起勇公海諱蘭察率兵進剿時賊探知大兵將近遂拆橋斷路會大兵乘夜越澗直抵察木賊眾五百一無得脫盡被誅滅是察木三橋寔為保障有兵數百雖賊眾萬餘亦弗能越

自此茂林木飛瀑懸瑤光

由此

前進山明水秀其飛瀑寔勝於打箭爐之頭道水而兩旁間有山寺民居林木森然鳥獸蕃多

濟隴

地名自卓黨行八十里至此

番黎聚田肥稞麥良

濟隴為衛

藏極邊外接廓爾喀西南行十日可抵陽布
番民大小四百餘戶地氣和暖一年兩熟

俗微有異人情兩面望厥端果安在無名權稅

傷

此地原無防戍雖有正副營官二員不過僅知收糧斂賦而已從前廓爾喀人寇既至濟

隴番民等無能敵禦竟自順從因察其故緣唐古忒向不知撫卹百姓且以濟隴田肥多產稞

麥凡有運貨至宗喀以內貿易者率由宗喀營
官抽收牛糧各色雜稅實為苦累日久怨生以
致心存兩望於是宗喀等處百姓有背鹽赴濟
隴易糧者該處番民亦即私行抽稅分用其營
官等亦不之問此復成何事體因諭以 聖
主鴻恩及達賴喇嘛慈悲其濟隴宗喀互相抽
稅一事槩行嚴禁並將兩處無名雜賦分別減
免各發給印照以垂永久且有 恩賞銀兩
分別撫卹衆番民無不忻感叩謝
天恩立見民情悅裕以皆誠心內向矣 惟德可
匡結衆志堅城防 邊地既無戍守惟有布德可
以固結人心要在訓誨營官

善為撫養百姓使之漸知戢守之方人各遵信
 奉行咸能自固疆域則外患無自生矣每年仍
 應留心訪查於此等極邊地方或有夏雨冬雪
 過多成灾者即飭噶布倫等差派安人由商上
 領項前往賑濟並委妥實營弁一名同往撫卹
 安慰曉示則民心永固矣即近藏各屬百姓如
 遇灾荒亦應酌量卹賞

薩喀隣宗喀

薩喀地名東南界連
 宗喀西南與廓爾喀
 作木朗落

北接阿哩陽

薩喀以北與阿哩地方
 為隣西北與阿哩所屬
 敏湯交界

之布陵地方交界阿哩乃衛藏西北極邊駐有
 營官二員邊外西北與拉達克汗部落交界由

拉達克北行月餘可抵回疆業爾羗地方康熙
年間準噶爾策凌敦多布曾由回疆經阿哩至
藏滋擾是阿哩地方從前為西招要隘阿哩之
西南半月路程所屬布陵地方駐有營官一員
為阿哩營官統轄境內有崗底斯大雪山相傳
為名勝境外南與廓爾喀作木朗等處交界西
與庫諾部落交界所有此一帶拉達克庫諾落
敏湯作木朗皆與唐古忒和好惟作木朗一部
漸被廓爾喀侵佔迨盡此本界外之事與唐古
忒並無干涉然所有阿哩布陵薩喀等處邊民
必飭交營官妥為撫養以
結人心可期永為保障
遊牧缺禾稼生計惟

牛羊民力苦竭蹙背塩以易糧

薩喀草地無田
未民皆遊牧畜

牛羊以養生納賦地方寬濶駐有營官二員管
理尚有所屬之桑薩偏溪兩處地方各有小頭
人分管數十年來民多窮困幸境內北有塩池
百姓常往還行四十餘日背塩赴濟隴易米以
度日納賦余於濟隴道中曾見此等
易米之人詢悉其苦况實屬可憫
昔有千餘

戶今惟二百強壹是苦征輸蕩析任逃亡

此地
早年

原有百姓一千餘戶牛羊亦本蕃孽實因賦納
過重人口日漸逃亡以致薩喀桑薩偏溪三處

共止剩有百姓二百九十六戶人戶既少所畜
牛羊較前止有十分之二查其應納正項酥油
及抽收牛羊稅銀外尚有數千兩無名稅賦種
種苦累民不堪命因憶及薩喀境內之鹽池久
為廓爾喀希與此地百姓若不及早撫養或致
盡數逃亡則鹽池未必仍為衛藏之所有遂諭
以 聖主隆施並達賴喇嘛慈悲所有薩喀
百姓除應納正項酥油及二年一次例收之牛
羊稅銀外其餘無名賦納盡行豁免並發給印
照以垂永久仍飭令該處營官留心招集流亡

漸次
安業 幸遇

皇恩溥子惠救蠻荒

此等窮苦邊民幸遇撫卹在在無不均沾

恩賞雨露

番庶為之復甦矣

繼以減賦納邊氓乃阜康

所有濟隴宗喀薩喀

三處百姓皆已減免稅賦其聶拉木絨轄喀達定結帕克哩阿哩等處番民租賦查明均為減

免並示體卹謹將辦理情形入奏仰蒙聖鑒允准是邊徼窮番盡得休養其生計寬舒人

心自固 伊昔半流亡往往棄田問甘心為乞丐庶

得稍安舒

寧棄田廬甘為乞丐民不堪命可知

乃因差徭繁頻年

增役夫出夫復不役更欲折膏腴

緣達賴喇嘛商上每年差

派雜役繁多所屬種地番民一年交納各項錢糧外每戶仍攤出銀三兩至六兩不等名為幫貼夫役盤費且有管事頭人以夫役折價而肥已者不一而足蓋此項差役係洒掃布達粒等處寺院及秋季割草應用而派因循年久遂為定例其苦累番民莫此為甚因查商上日需草束原有百姓每年所交折色銀兩不但足敷割草夫價尚有盈餘儘可催募以應洒掃之役此在商上不過微減浮費而衆百姓每戶一年省銀數兩則生計寬裕向之甘棄田廬亦庶可漸

五召紀行詩

十五

復本業矣凡居通衢戶烏拉鞭催呼耕牛盡為役番

庶果何辜

余行抵羅羅塘有番民稟訴每年商上及大寺廟差人赴聶拉木等處買

易百姓等應付烏拉苦累已極云云復查屬實而羅羅百姓因此已逃去十之六七凡有通衢大路及邊地百姓皆有此累是應即為嚴禁况貿易並非公事自宜隨處發價催覓應用以紓民敬以廣力

皇仁嚴革積弊餘

所需割草夫役洒掃寺廟人夫每年均有所收草束折色銀兩催覓

應用其百姓每戶一年攤出之項永行停派至
貿易者所需烏拉酌定章程皆令發價僱覓其
唐古忒大小各世家一槩不准私用烏拉各緣
由均經具奏奉 旨允行已編發告示曉諭
禁除積弊或恐日久 濟隴通拉孜 拉孜地名在
復萌仍須查察耳 彭錯嶺甲錯
山中間旁臨羅赫達江即曲水之上游也余自
濟隴旋程經宗喀轉向東北走桑薩過達克孜
阿木陵共行十二日回至拉 薩迦達後招 薩迦
孜東南入山而徑至薩迦溝 廟距
拉孜僅百餘里其呼圖克圖傳世最久打箭爐
一帶土司番衆無不傾心欽敬相傳為釋教之

祖釋迦佛曾出家於此而宗喀巴又從學於薩
迦云其地方數百里百姓亦僅數百戶喇嘛不
過千餘有田未有水草僧俗頗屬安
靜由此東北行三日迴至札什倫布
中有曲江

地要隘籌新硯

薩迦迤東溝內有兩處要隘一
名曲多一名江鞏余詢悉從前

廓爾喀經由此地潛入後招因即築卡以為防
禦有警可由後招撥兵堵禦現今喇嘛住持雖
似梵硯實
察隴產稞麥時糴儲倉廩
曲多距江
作望樓耳
鞏僅二里
許勢頗聯絡迤東察隴地方頗出稞麥此地乃
前藏所屬應令達賴喇嘛商上每遇豐年按時

價陸續收買存貯大有裨益
旋過陽巴井地名德慶地名有平臯

往復頻畧地繪圖佐戎韜

余自察隴出薩迦東北山旋走崗堅兩日

至後招由後招旋程走生多喇嘛寺渡藏布河一帶山徑崎嶇行七日直至陽巴井德慶始見平陽沿途巖崗險隘絡繹相連自陽巴井行三日迴至前藏往復畧地因繪全圖以資查閱

寬裕保斯民禁暴警貪饕

衛藏百姓性行近古應撫之以寬惟僧俗

番目多有貪婪而其跟役名曰小娃子往往肆意勒索百姓苦之因查出營官庄頭及小娃子

因之然不言

婪索等弊隨即嚴
處示懲以慰番庶
撫巡宣

聖德紀行托揮毫

乾隆乙卯歲

高宗純皇帝發帑金四萬兩賑卹衛藏番民

恩至渥也余照例巡閱周覽邊城敬布

皇仁凡所經行既著篇什洎丁巳之秋又因稽核賑


務重閱招西見民氣之已蘇欽

聖慈之廣被竊幸恭際

盛時徧歷佛地按程緩轡偶述見聞以補前紀

之末云

嘉慶二年孟冬湘浦松筠識



丁巳秋閱吟

業黨 前藏至此七十里

總轡謹前之登山俯仰窺巖峰秋氣老江水汎

流遲行見諸蠻富因知賴

聖慈 乾隆六十年欽奉 恩旨 遐方宜信敬勉力
賞銀四萬兩賑撫衛藏番民

副

隆施

曲水

業黨至此九十里
鐵索橋換烏拉

曲水即褚湑漢音非蠻語

曲水地名唐古忒語
水曰褚湑流曰滑

關隘

關門依山臨水
註見紀行詩

依巖道江岍環幽圉形似

陴長蛇是謂百夫禦豈獨地勢佳隨在多糧糈

且喜近前招程僅兩日許欲久樂

昇平治以同胞與惟期善時保萬載堪安處

巴則 曲水至此五十五里

巴谷 巴則唐古忒本呼巴
殊巴峰也攷高也

羊腸路靈山左右泉

深陂沿麓作 山根一帶
渠似天然 引溉陌阡田轉上嶮灣

徑旁臨不測淵 巴則山陽有大海子番名羊卓
雲角又名雲錯梵語錯海也環

山四百
餘里 水平程自穩秋暖馬爭先麥熟 此地氣
候較暖

有兩熟者
深秋始獲
蠻鄉慶欣者大有年

白地 巴則至此九十里

白地海邊秋汪洋沿往復

自巴則走白地至朗
噶後俱紆繞海岬而

行 龍淵雖廣大造物包荒獨學量宜知天養心

可獲福徘徊忘路紆即景堪娛目

朗噶攷

白地至此九十里
換烏拉

層巔朗噶攷高聳佛頭青

朗噶攷本名那噶爾攷番語那鼻也噶爾

白也攷高也白山鼻上

官寨惟僧主番民好聽

疊砌營官寨形似佛頭

經時和人樂業歲稔稻連町暫宿安行帳晨征

尚帶星

西招山野深秋往往午後多風固宜早發早住

春堆

朗噶攷至此百二十里

納錦崗桑麓濟科嘉布山相傳通衢護咸禱菩

薩蠻

納錦濟科皆雪山唐古忒咸稱菩薩護法能怙恃行人故過往皆禮之

秋暖

山猶翠時和花尚鮮我行經兩度遜此樂豐年

乙卯夏過此時始行耕作

未若今秋日觀稞麥豐稔

江孜 春堆至此百二十里換烏拉

秋閱江孜汎蠻戎演戰圖炮聲發震旦鼓氣躍

爭驅銳技惟蚤進雄師在令呼百年雖不用一

日未應無訓練能循制屏藩足鎮隅賞頒嘉壯
健感激飲醍醐

白朗

白朗山村濶耕田四野饒壺漿長路獻鞮樂土

音調 沿路番民跪獻糶粃土酒而此 恭順因
處尤多並習歌舞以樂豐年

王化薰陶賴

聖朝于時保赤子無慮山水遥

後藏

白朗至此九十里
換烏拉

遐方祝

嘏禮

堯天

恭遇

聖皇

咫尺

萬萬壽聖節

慈顏御座前

扎什倫布供
有聖容

樂奏須彌極樂世山呼率

漢番官兵
齊班行禮

聖壽大千年

化成久道恩施遠九有邊荒感激虔更喜羣僧無量

讚班禪近侍讀經專

班禪近侍 聖容督領
僧衆虔諷無量壽佛真經

中秋日閱兵用前韻

較閱須彌萬里天漢番軍將勇無前能鎗能箭

兼他技揮令揮旗勝往年梵宇觀兵儀尚簡蠻

戎習藝志尤虔

如琤色楞能演一馬三箭

操防重地需能事

移調都司責任專

陞任都司戴文星素諳操防因奏請接駐後藏

班禪

仍疊前韻

智慧生成緣性天現身此輩可光前幼齡說法

蓮花座

班禪年甫十六勤經典曉溫都遜且能與眾僧裸衣講禪可謂再來人也梵語

溫都遜乃奕世傳經仙鹿年衍教屏藩遐域固諸經源流

安生普渡用心虔信知釋道能行遠神妙圓通

本靜專

崗堅喇嘛寺 後招至此九十里

古寺那爾湯 札什倫布迤西五十里那爾湯廟內貯全藏經版又西南二百里

薩迦廟皆經四五百年矣 金磬久珍藏 殿藏古磬一口 長圓

式如甕摩準聲若簧

以細槌輕摩磬
口音若笙簧

右旋聲則

陰

音細

左轉聲則陽

音洪

烏斯咸心信豈非一慈航

似此俗尚固不

必信亦不可鄙

問俗知豐歉免輸數戶糧

沿途秋收

豐稔細詢得悉尚堅附近有被雨雹傷稼者十

數家因諭以達賴喇嘛慈悲免其本年賦納復

飭噶布倫遍諭各處營官查

察倘有似此者一體酌蠲

年豐何可忽民天

何可忘精勤以自勉惕勵以省方

花寨子

本名轄布格登番戶百餘屬薩迦
崗堅至此六十里

兩度林公運米橋因知廣濟令音昭

壬子夏大
兵深入陽

布時林觀察督運糧糈至轄布大河水發難渡
觀察捐銀建橋及前藏喇嘛噶布倫後藏歲琿
模爾根堪布急公會辦橋成以濟觀察即今方
伯也余兩度過此因誌之並題曰林公通惠橋

為名通惠銘勞績且飭年年慎遞遥

仍飭噶布
倫及歲琿

堪布每年動閒款修
補鞏固宜便行之

彭錯嶺

花寨至此百一十里
屬後藏換烏拉

廟側有巖崗直壁下臨江

彭錯嶺山勢雄峻營
官寨高居山巔而廟

在山根近臨大路廟東
五里有巖道下臨崗噶

固是三關一因置千載

防 札什倫布迤西通衢有三左即薩迦溝前已
相地 奏請動項置卡隘中則珠鄂隴路在

薩迦迤北亦築長牆為隘彭錯嶺又在珠鄂隴
迤北是為右路中左既有卡隘右路不可無防

因今依山築 工作無多費 班禪僅 利益保封疆
卡以為保障 費百金

寨卡互維持制律用知方
營官寨在新卡逸西
又居山頂自成犄角

之勢中左右三關如分屯鎗手數百可
破萬敵尤在督率有方兵心有主耳

嘉湯
彭錯嶺至此六十里
屬後藏

昨宿山旁近水旁
彭錯嶺 濤聲不息送秋光
挿天

峭壁連星月傍寺森林闢綠黃
清曉溯流
即崗
噶江

源出崗底
斯雪山 登翠麓午前緩轡至嘉湯烹羊煮粥

呼羣從衲襪

噶布倫札薩克喇嘛卓尼爾通譯等一行居右 征衫 守備 等官

及兵丁等 一行居左 滿座香

拉攷

嘉湯至此六十里屬後藏換烏拉

曉越日東巴保障豈浮誇

自嘉湯西行十里許江岫有直壁番名曰

東巴登岫數丈僅容一騎臨江而度

前登科布拉天險實堪嗟

日過

東巴數里又有大嶺番名科布拉

通衢重扼要形勢勝薩迦

辛亥

年廓爾喀經薩迦溝擾至後招行觀拉孜地南

無敢走大路蓋以重險之故
通薩迦西南達定日聶拉木西北經
阿木嶺達克孜桑薩直通宗喀濟隴
豐歲驗秋

華男婦迎歌舞虔誠意可嘉邊民共樂利逃亡

盡還家壹是

皇恩溥
乙卯年 恩賞撫卹招
還流亡今已漸次復業
啣感更無涯

甲錯山
宿處地名拉布
拉孜至此九十里

層巔無瘴迫非前
乙卯夏經此雨雪
淡蕩微風

晴日妍拉布卧雲天
咫尺炙羊温飽各陶然

羅羅塘
甲錯至此百二十里

清曉越嶺峩
過甲錯
波絨頓九河
有波絨巴者相傳為唐古

忒大家世居游牧甲錯山陽有九
山九河即其東界於此
敬備茶尖
日中步緩緩

迤暮問羅羅昔苦今何若
咸稱已脱苛
乙卯年奏明

曉諭凡商上及各大寺廟差往聶拉木貿易者
自羅羅起所需人夫牛隻皆令隨在發價其唐
古忒世家及達賴喇嘛親屬人等槩不准私用
烏拉一一嚴禁今已二年詢之百姓據云無復
苦累 田禾微有歉量減感慈多
詢悉田禾有被
霜者飭交噶布

倫查明諭以達賴喇
嘛慈悲量為減賦

協噶爾

羅羅塘至此五十里
換烏拉

協噶近荒邊烏拉踴躍先俗僧兼應役何惜費

千圓 此地喇嘛有馬願與百姓同出應役甚為踴躍

密瑪塘 協噶爾至此七十里

策馬過岩峽 自協噶爾曉發西南行數里 前之

果瓊拉 山名釋曰小山門 更渡琿褚河 水名琿褚盛夏

漲發 平曠至密瑪 山名有塘汎

定日閱操 密瑪至此六十里

太平操遠鎮緩帶勤兵韜心畧臨機應陣行隨

勢撓連環本健銳九子準鳴礮

京都健銳營習九進連環神火

衛藏依法教演三進連環及九子鎗無不準鼓而發足昭威重

野戰突前勝嬰

城逸待勞仰攻氣用作俯壓步宜牢鼓進金聲

止紮營地擇高劫人防劫已崇令

口傳旌揮曰令在崇

號鈺鼓仁智定師律勇嚴公貶褒

武經云智出仁勇嚴

竒自堂正

李藥師用兵以正出竒

主詭類皮毛

羊叔子師行無用譎

詐矢慎私淑古惟精克秉旄

聖明申教誠軍制重甄陶勿久稍生懈

頻年奏入較閱情形屢

蒙聖訓諭

欽承巡一遭

一年一次

廟謨擴神武

乾隆戊申壬子兩次平定廓爾喀

士氣羣雄豪

壬子冬定日新

設漢番官兵今已成勁旅

閭闔千載靖長茲賡旅藝

定汎山城

汎城居山有云山形類虎者因矍然以虎本木屬難鎮金方若擬為金宿

則又宜靜而不宜設汎其上以震動之因熟察山形實似龜非虎乃忻然為詩以誌並書

離龜六固四字

刻以藏武廟

離龜

易離卦有為龜之繫

卧西方金融質益強

金得火煉城起

先天勢

山形如龜城建龜背而門開離位教場又居城外震方皆極安安先天八位乾

一兌二離三震四起正南而止東北巽五坎六艮七坤八起西南而止正北

廡建祖

乾陽

守備署居乾位吉甚然不宜亢亢則有悔或與戴琫等不睦抑待兵過嚴皆亢也似

此邊遠大汎固宜慎選

番帥宜居巽

戴琫寓守備逸西既

員弁尤宜循循教誡

居巽方固

蠻卒用坤藏

兵本金象分居城中離坎艮坤土以生之煉以

能巽順

水火可謂

昂然克靖遠

况位武廟昂保障城然乃金悅之象

止至善矣

本因故寨而建

萬年康

固天然保障耳

莽噶布茂

定日至此百一十里

沿山出汎隘

定日西北有山隘駐定琿
一番兵二十五名防汎

初閱未

經由

乙卯年由定汎行兩日至聶拉木
過嘉納山走伯孜拉錯始至宗喀
此次詢悉聶拉

木秋收豐稔番民樂業而定日西隘路達宗喀
且係戊申年廓爾喀入寇所經應即查閱况路

程與經聶拉木等
騎從亦無勞頓

小憩嘉溥

地屬後
名地藏

前程路

轉悠微霜秋草潤晴日晚風柔懸足羣羊聽應

知無獵謀

過嘉溥爾仍係前藏協噶爾營官所
屬一帶山潤草肥野有黃羊見人不

驚惟懸足而聽緣唐古忒向不畋獵人或即之
則風雪立作似此山野皆然固非獵場可比

莽噶布堆

莽噶布茂至此五十里

路近山風烈天晴亦不妨

此站最近途經大山
口遇風甚烈然晴明

日暖余勒橐縱騎即時
至站從者一無所苦

誰知零落地珠默弟兄

傷遺址蠻村冷空場田畝荒

聞此一帶先年人
烟本多後因藏王

珠爾默特那木札爾欲害其兄珠爾默特徹布
登於是珠爾默特徹布登擁兵經此避至阿哩

珠爾默特那木札爾復屢次發兵由此征進
沿途多被騷擾以致居民流亡十之八九

皇威鎮遐域誅暴慰循良

乾隆庚午珠爾默特那木札爾謀逆伏誅並查出珠

爾默特徹布登係伊所害蒙

恩卹賞珠爾

默特徹布登世襲輔國公現伊曾孫林親彭楚

克承

襲

廟算垂良策鉢衣傳教黃爵收銷逆慝勢弱永安康

先是珠爾默特那木札爾信崇紅教邪術漸至
謀逆既誅奉 旨除其王爵禁其邪術振興

黃教衛

藏廼安

過洋阿拉山

自莽噶布堆西南行二十餘里上山此山形若長牆而莽噶布堆又

有層礮戰守功倍

惟餉運艱遠耳

聞昔廓爾喀長驅經此山

戊申年初入寇由莽噶布堆定日一帶至

協噶

大兵臨協噶小醜乞和還

是年有差大臣及成都 欽

將軍提督督兵迎至協噶

爾廓爾喀乃乞和還巢

惜未塞歸路網疎逸

野豺 彼時官兵初至未諳輿圖如果預由甲錯
山陽分兵經波絨巴游牧遠至羊阿拉及
莽噶布堆等處邀擊之可使片
甲不歸並免辛亥年之大役也 巡邊知扼要特

筆未容刪

疊古蘆 莽噶布堆至此百里

暮及疊古蘆 屬波絨巴 回憶經巴都 乙卯年由定汎
過通拉大山行

百九十里至 迤南聶拉木 由巴都爾行 旋轉住
巴都爾宿 七十里至此

浮屠

由聶拉木旋走達爾結嶺轉西
行百三十里宿我拉喇嘛寺

向宿伯攷

地遙連見坦途

自我拉過嘉納山西北行九十里即伯攷係草地屬波絨巴今

至疊古蘆南望伯攷舊宿之地遊牧殊為寬濶平坦

既書前所歷又叙却

敵圖

此次吟叙路程尚缺前所經行聶拉木數站因補書之復憶及乾隆戊申年廓爾喀

入寇本係兩路一由濟隴宗喀波絨巴洋阿拉山定日大路至協噶爾一由聶拉才通立定

日會於協噶爾賊皆跣足著履鮮能急走而乘馬者甚多形與在藏貿易之巴勒布相同固非

勁敵我兵應由洋阿拉等處截其歸邈已見前
注至其仍由聶拉木回巢者應自羅羅塘分兵
出協噶爾南山逸南遶至定日通拉山峽伏而
擊之必勝或即於協噶爾西之果瓊拉山一帶
伏兵截戰亦可全勝所有衛藏西南沿邊帕
克哩定結甘壩喀達絨轄形勢畧見紀行詩

拉錯海子

疊古蘆至此九十里

城淖青如碧一望琉璃明紅香佈微悃哈達代

帛呈

山野宿處遇有海子
應以藏香哈達致禮

復來宿舊野汐湍聽

新聲呼吸天地率無涸亦無盈

宗喀

拉錯海子至此百一十里
換烏拉

兩越鞏塘拉

山名

重來宗喀地

此處有營官
註見紀行詩

田禾

灾被等征半抒民累

有番民稟訴田禾夏被虫
食秋復霜打所獲稞麥止

四五分因飭噶布倫察實諭以達
賴喇嘛慈悲蠲免本年徵糧一半

袞達

宗喀至此百里

衮達隸宗喀經行靈瓦昌名山兩山千仞並邊地

好巖疆

邦馨 衮達至此百一十里

越卡

地名察木卡天然扼塞註見紀行詩

豁雙眸

卡迤南秋景可玩

青山

去路悠長松秋不老雪嶺潔無儔

通衢兩岍山樹森森秋氣

溫暖而此山之外羣峰積雪峩然

中有招提戶天然壁壘修木察

卡逸南有蠻村名卓黨又南十餘里深澗以方
左突起石壁屏山僅有一逕可謂西招門戶
輿須目睹經遠贊

皇猷

濟隴 邦馨至此二十里

巡閱來邊境遐藩忱悃將 廓爾喀王遣其頭目
二人隨帶兵役背夫
共三十七名前一日至濟隴候迎呈獻瓜果
菜蔬以及米麵食物並具稟請安表其誠敬 款

酬檄遜睦要服守成章

因好言撫之答以錦緞荷包香珠茶葉及手卷

等項並賞頭人札木榜達哩瑪親達喇二人緞
紬茶葉銀兩及其兵役背夫亦分別賞以銀錢
茶布無不歡欣感激又檄諭該王褒其盛意教
以和睦隣封安守疆界該頭人又稱陽布鮮有
甲嗜爾貿易之人意欲在藏商頭前往陽布會
商交易云云因諭以買賣乃商民私事不應官
為料理爾等寄信與藏中頭人自行商辦可耳
該頭人應諾曰謹遵指示而行並於路旁叩送
辭色恭順蓋外藩荒夷無非圖利似此乞請只
好羈縻曉諭從則甚妙否則隨機而應譬如該

王必欲商頭前往亦不可固阻緣此商頭本係
巴勒布早年來藏久住貿易之人總之不必官
為使去伊若乞假回家聽之可耳倘有關係疆
界之事固應照依原定章程檄飭遵行大凡遇
有面諭事件俱應和容悅色
壹是
反覆開示伊必遵信奉行也

皇恩致無須顯寸長忻茲秋省斂獲見有餘糧

蠻家各有

積蓄時使民何怨即旋役免忙嘉禾正晚熟豈可

候登場

即日旋宿邦馨以早還一日則烏拉人夫早安一日且免僕從貿易貽笑邊隅

陽布站程

濟隴達陽布緩程十日赴藩使急趨來

使稱該王令伊

等速來因趕緊

因知疆外路

因來使所述詢諸前曾經行之人濟

九日行抵濟隴

隴外有色新卡有熱索橋有包達木有協布魯
有噶多有東覺馬黃山有章站有雍雅有白菓
地有堆補木有帕朗古有吉爾濟有別蚌宗有
潑冲拉山有賈喀呢有腔孜崗有朗卡格密迤
南即陽布共十八小站每站三
四十里不等通計約七百餘里

即事

回憶前番普濟貧極邊休養太平民

乙卯年欽奉恩

旨賚銀賑

撫邊民時曾諄飭除私斂今已咸遵俗化淳

是時詢悉宗喀濟隴番民不睦營官因之互相
抽收貨物牛隻等稅遂嚴行禁止今巡訪知宿
弊已革番民歡悅且兩
處和睦向之惡習已除

還宿邦馨

文正第九輯

荒番遮道訴糧賦累為深途次瓊堆有男婦泣訴告累昔戶

今攤派有田無力耘此地原有番民五十五戶今止存八戶而仍照原數

糧征可憐兵火後戊申辛亥兩被復值暴厄頻後

天花復遭瘟疫稽實減征納慈悲達賴仁遂飭噶布倫

賴喇嘛慈悲照依實戶征糧並札飭營官遍查有似此者俱著按照現戶征收可期休養生息

還宿衮達

落敏小番氓使來衮達迎

落敏湯係邊外一小部落地在濟隴宗喀

西北其原委詳見綏服圖詩該部長名旺結多爾濟今聞巡閱遣使行六日至衮達具稟請安

遐柔感

聖化蕞爾輸愚誠重障

該部長世與唐古忒通好固為疆外保障

足資衛

羈縻不可輕况是木珠戚勸義慰殷情

該部長之妻係

宗喀營官薩木珠之姊因並賞其夫婦緞疋香珠哈達佛尊乾隆戊申年廓爾喀入寇至宗喀

時薩木珠同軍功陳謨潘占魁固守
官寨殊為奮勇出力已詳紀行詩

還宿宗喀次日供奉

帝君聖像於瓊噶爾寺

瓊噶巖巖勢山巔梵寺空

瓊噶爾喇嘛寺高居
山頂勢頗巖峻在宗

喀迤北久無僧
住亦無佛像 敬供

關聖帝威遠鎮西戎

乙卯年過此矢願供奉
君永安邊境今塑像擇吉安 帝

奉寺內令宗喀喇嘛住持營官照料月給商上
錢糧以供香火春秋先期由藏撥銀就近遣營
官備牲敬祀俱
交噶布倫遵辦

霍爾嶺 由宗喀還越鞏塘拉大山至此九十里
屬宗噶

嶺頭風淨雪凝塵曉日晴光巖道新
前兩日鞏塘拉微見

風雪本日過
山晴光和暖也是喇嘛虔祀好
隨來之噶布倫係喇嘛每遇大山必放桑虔禱余至鄂博亦拈香叩祝獻以
哈達山野荒逕由來如此過者咸宜致敬 征

人處處穩行巡

恰木果

霍爾嶺至此屬宗喀

淖岍虔申禮

來時曾祭鞏塘拉山東南之拉錯海子旋程過山路向東北宿霍爾

嶺草地亦有海子因致禮焉

宗鄰暫小憩

宗喀近隣薩喀由霍爾嶺行五十餘

里至薩喀東境該處營官於此敬備茶火

復登拉薩爾

山名亦係大嶺乙卯年閱

邊旋程經此既過山又係宗喀所屬之地

再至藏江際

過拉薩爾山行五十餘里

又至前所宿之恰木果地方此地
旁臨藏江其源發自崗底斯雪山

列克隆

恰木果至此八十里
屬宗喀

沿江

即昨日所見藏江
沿岬直走一站

觀水靜緩戀覺心清心

水若渾一天君可泰亨

達克孜

列克隆至此六十里
屬後藏換烏拉

渡過岡噶津

在達克孜
迤西

轉上鷲峰路樂水知者心

樂山仁者度身乃天地塞性乃天地賦巡閱布

皇仁

殊恩千載遇

湯谷

達克孜至此百四十里
屬薩喀

忘却前遊

乙卯年
曾經此

山不知忽高忽險路參差

大有

山两座南曰貢喀
江鄂拉北曰江拉

幸逢竟日無風雪大嶺逶迤

步坦夷

又

騎從勤勞合款酬野筵不必有珍羞肥羊香米

調羹饌行帳從容詩興道

桑薩

湯谷至此百三十里屬薩喀

問俗經遊牧蠻生賴草肥

此地不產稞麥註見紀行詩

前苛

除未盡今議養無依

乙卯年曾除此地苛斂尚有噶齋即牛羊稅辦理未

妥今詢悉民隱飭交噶布倫定議其牲畜蕃滋之家照向例交納至其牛羊無多者僅令交納

酥油蠲除稅

賦以舒民力

紓力能餘力

能紓民力乃得其力

防微謹細

微

薩喀南界落敏湯外通廓爾喀其西北界連阿哩境有鹽池是為邊外一帶希冀者此雖

細微不可不慎其運

益易米註見紀行詩

安民斯保障蠲賦僅幾希

保障邊地全資百姓

蠲賦無幾獲利無窮

札布桑堆

桑薩至此九十里
屬後藏

遊牧人安恬鞭牛運池鹽

鹽池在阿哩境內此
地番民以牛運鹽日

行三十餘里

還須四閱月班禪嘗懷撫賦稅不曾添

阿木嶺

札布桑堆至此六十里
屬後藏

海子無波浪

海子名
金莫錯

魚兒自坦夷

此水無城
產大魚晶

光照佛地手印傳慈悲

相傳虔禮者於日出前
登山觀之得見水影有

似佛手者 俗尚不應鄙情推可易治山川隨在祀風

雪未嘗危

僧格隆

阿木嶺至此百四十里屬後藏

問訊天池

自阿木嶺東行七十里海子唐古忒呼為那木錯乃番語天池也際

懲奸慰善良

有告營官之催頭任意勒索者因即訊明痛責示懲並罰營官出貲

給還百姓

巡方為省斂差役減從綱

此地戶少糧差過重因飭後藏

卓呢爾同營官查明諭以班禪慈悲

各按實戶納糧唐古忒謂戶曰綱

察布湯泉

僧格隆至此八十里
屬後藏由僧格隆東行四十里渡藏

江過拉孜至此

係入薩迦路

滌垢因湯沐

此地溫泉甚佳因沐浴焉

潔身猶濯心心清好

治獄鞫斷懲貪侵

番民有訴強佔田畝者訊明飭令歸還並即予罰示懲

薩迦廟

察布至此九十里

五百餘年廟宗傳大西天

薩迦喇嘛原在甲噶爾已傳百數十輩其

後建廟於此又歷五百三十年矣甲噶爾即大西天

甲錯別有路春堆瑪

布連

薩迦廟西南山溝名春堆瑪布甲在甲錯大嶺迤左其西南路通定日聶拉木東南

通定結喀達係兩隘口東北經察隴即通札什倫布所有廓爾喀屬之巴勒布貿易人等來往俱經此故廓爾喀熟悉道里前由春堆馬布甲入寇詢知其詳故誌之

察隴

薩迦廟至此百一十里

新碕已落成威重昭清平

察隴西南相地砌卡三處一曰曲多二曰

江鞏三日阿尼鞏形如梵碕所有碕墻

疊砌方洞以便施放鎗砲勢頗聯絡

懷保利

施德

謂達賴班禪

操防宜力精

謂漢番官兵

那爾湯

察隴至此百五十里

朗拉天然隘層巔扼要長

由察隴東北行七十里至朗拉山形勢險

要

習勞須步演都守合知方

朗拉山距後招百餘里都司等暇時

應督率漢番兵丁步行上下操
演既可習勞兼得熟悉情形

還至後招 那爾湯至此五十里

江岍舊無堤奔湍任所之番黎羣苦訴疏導適

其宜

後招東北藏江南岸既灘北岸日漲所在
達賴班禪兩屬百姓田畝多被冲没因即

飭歲琫堪布噶布倫札薩克喇嘛鳩工疏通北
岸漲沙並於南岸上游近山數處各築挑水壩
以殺其勢然後塞其漫
口可期大溜仍歸故道

陽巴井

自札什倫布旋程七站至此第一站曰額莫爾崗九十里二曰那木嶺百三十

里三曰喇湯百一十里四曰宗木湯九十里

換烏拉五曰瑪爾江百四十里六曰巴布賴

百三十里七乃陽巴井八十里換烏拉

喇湯迤西有田禾東北一帶俱係遊牧

四渡崗波秋閱冬

九月十九日立冬二十三日由札什倫布旋程東北行七

十餘里西渡藏江乃至額莫爾崗宿第一次在

曲水迤南渡江係自右而左二次渡江在達克

孜迤西係自左而右三次渡江在拉孜迤南係

自右而左往復共四渡皆崗噶水也先時過渡

惟有皮船今四處皆有木船矣
霜峰晴暖路從容問田省牧為

籌畫

一帶秋收豐稔惟那木嶺西之瓊地方山溝內有前藏屬民十九戶百六十口後藏屬民五十戶二百九十四口因被雷災嗷嗷待哺即飭噶布倫及後藏卓呢爾等諭以達賴班禪慈悲計口每日給糈糶若干一月一發散至來年秋成為止並着明春借給籽種無誤耕作二十七日至瑪爾江游牧訪知該處百姓原有五十六戶現已流亡三分之二緣正賦外商上造佛派繳木炭積久折銀每二年不下萬餘兩其逃亡者即向現戶攤派一帶游牧均為苦累

甚以叩賀

天喜進佛為詞又行加派實非

情理隨告知達賴喇嘛濟龍胡土克圖飭噶布

倫通行曉諭准照實戶交

達木觀兵過玉峰

乙

納永革攤派加派諸弊

年巡閱由陽巴井東行七十里宿德慶又六十

里宿朗孜又六十里抵前藏今往達木較閱自

陽巴井分路東北行八十里宿霞菩提大雪山

根又八十里宿寧仲湯泉又八十里乃至達木

達木觀兵

達木係草地所居官兵本青海蒙古
初青海厄魯特固什汗剿滅藏巴第

巴因留兵二千餘住此護衛達賴班禪後固

什汗曾孫拉藏汗於康熙年間被准噶爾戕

害達木蒙古亦被虜去十分之九雍正初年
青海羅布藏丹津與察罕丹津構衅該游牧
人衆有避兵投藏住達木者自是達木所居
新舊蒙古共八百餘戶遂為八鄂托克後置
固山達佐領驍騎校各八員分管所屬因呼
為達木八旗固宜勸之教之用成武備

游牧固安生因何武備輕

各貪安逸未嫻兵技

健兒須獎

率法度賴持衡嚴重緣旌旆

雖曰八旗並無旗幟因添設旗纛排

演隊

馳驅準竦鉦

雖有兵而無號令因置海螺以起之鉦以止之

習勞

圍獵較

兵衆雖有鎗箭未能嫻熟而不
知圍獵躬率教之以習勞焉

禦盜卡

防營

其遊牧東北常被盜牛隻而不知
踣踪尋覓因諭令高處設卡瞭望以
巡盜賊

鎗

箭標乘馬

今固山達共攢騎兵五百雖各習
馬鎗馬箭向不期會操演以致控
馭生

疎因先教以圍獵繼
演陣法可期健銳

騰驤利遠行

幸各有馬
足資馳驟
練

兵申紀律制銳養

昇平

還抵前招

由達木東南行八十里宿錯羅鼎草
地又四十五里宿拉康洞換烏拉此

迤南有田禾由此西南行七十里宿達隆又

七十里宿倫珠宗又八十里宿嘉里察木又

七十里宿薩木多嶺

又八十里乃至前藏

秋閱週西極冬旋經良維

達木在前招正北約
二百餘里中隔大山

路險且少民居故由達木東南經呼
徵達隆地方旋藏路在前招東北

輕騎且緩

轡我馬得忘疲

沿途烏拉馬牛人夫或三五日
或六七日一換非驛站可比每

日固宜緩行所役人夫每晚散給酥茶糶粃不
 使枵腹則隨帶器用不致遺失而每於更換之
 際酌量遠近分賞銀錢以酬其勞並面詢倘有
 倒斃牛馬即償價以免其累所有經過尖宿酌
 賞銀錢三五兩並賞營官頭人慎役僕防滋暴束
 人紳布諭以毋許攢派百姓從兵隨訓所司兢兢嚴克已翼翼謹循規乘便稽

民隱行逢省斂時

向年夏季巡行未
若今秋藉得省斂

兩巡宣

聖德詠志愧脩辭

西招圖略序


守邊之要忠信篤敬也而忠信篤敬莫不本乎
格致誠正故格物所以窮理致知所以通俗誠
意所以不欺正心所以寡欲忠信篤敬於是乎
行以之欽承

聖訓教以寬柔無分遐迩一皆羈縻而向

化懷德是在修德也然修德者必矜細行而圖治者
宜防未然曰書二十有八條以叙其事畧復繪
之圖以明其方輿名之曰西招圖略庶便於交
代以代口述之未盡者後之奉

命駐蹇君子其尚有以發於予所欲言而不及者尤
厚望焉是為序

嘉慶三年中秋日湘浦松筠識



与子同全
序

二

| | | | | | | |
|--|--|--|--|--|--|--|
| | | | | | | |
|--|--|--|--|--|--|--|

目錄

安邊

撫藩

戒怒

遏欲

抑強

除苛

厲俗

慎刑

綏遠

懷來

成才

述事

審隘

量敵

合操

行操

練兵

申律

制師

馭衆

堅陣

出奇

倡勇

謹勝

善始

持志

防微

守正

巨折匯畧

巨金

西招圖畧

安邊

安邊之策貴於審勢而行權蓋勢有彊弱彊甚而不已則折弱甚而不已則屈所以權之使其不至折與屈者威與惠也威惠施之得當則安失當則危譬之我既彊矣仍示以威則威竭而

不振我既弱矣仍施以惠則惠褻而不德故處
弱者利用威而處彊者利用惠惠宜公而含垢
威宜慎而戒怒否則雖有殺人之威而下不懼
雖有生人之惠而下不喜夫復何濟故宜審勢
而行權宜威則威宜惠則惠然後仁以厲其俗
左傳仁以厲之
所以厲風俗也 義以作其氣懲貪除苛使知節

用而愛人並教以誠敬示以忠信雖蠻夷可冀
知感知畏矣久之衆心我同則民胞物與之化
成于時保之小心翼翼固可永安樂利也若夫
漢之任尚不聽定遠之言而僨事者尤宜深戒
後漢任尚代班超於西域超曰君性嚴急水清
無大魚察政不得下和宜蕩佚簡易寬小過總
大綱而已超去後尚曰我謂班君當有奇
策今所言平平耳尚後竟失邊和如超言

撫藩

藩之所以宜撫者羈縻而教之者也譬如衛藏
達賴班禪亦藩也其性惟知誦經闡教至其屬
下百姓如何教養素本未悉是故

聖皇欽派大臣駐藏為之教為之養所以安邊撫藩
也撫也者循循導其為善也夫達賴班禪原以

慈悲為本似不必導然其慈悲本釋氏之無為
知為已而不知為政其屬下噶布倫僧俗營官
第巴頭人或有苛斂以致百姓散亡而不之知
若因其不知而率為詆斥則又非撫矣必宜推

廣

皇仁以內地百姓平日如何教養遇有偏災如何賑

恤使之聞之而後勸之嚴束營官安養百姓恤
灾散賑一切告示皆諭以

聖主皇仁及達賴班禪慈悲仍使百姓感彼之德則
其欣然由我治理而無梗矣所謂納約自牖是
必宜導者也達賴有噶布倫等官班禪僅有商
卓特巴一人伊等或有逢迎於我而蔑視達賴

班禪者應即教誡無使達賴班禪寒心可期各
寺僧衆悅服蓋其僧衆強勝多於百姓而百姓
惟僧是敬且信故宜羈縻善撫而善教之所謂
即以其人之道還治其人之身者此也

戒怒

夫心平則鮮有怒色無論漢番百姓皆宜循循

撫導好言以教之百姓知我善以與彼則必傾
誠向善與我同心同氣也况外藩常恐為我笑
其不諳中國儀制倘有不周而見於怒則其黠
者面從而怨結愚者面觸而恨生久之釀成大
事豈非由我之不能平心所致耶然其理之所
應怒者不可不怒也盖所怒在物固不在我果

能志以率氣而於應怒之事正色諭以是非於
應怒之人平心責以罪過加之諄切告誡如父
兄教誡子弟不使有傷恩義善言激發其天良
則無論智愚莫不惟命是從此不怒而威久之
則必畏威懷德矣豈獨蠻貊即以施之內地百
姓尤易感化也至於我之所理事務或有過失

我之所用人役或有犯科者切不可羞而為怒
尤不可將錯就錯應張已過而亟為正之斥之
示以大公則惡者懲而善者勸人咸悅服豈不
美哉改過勿吝則吉懲忿窒慾則吉而又吉傳
曰有所忿懣則不得其正平心之謂也

過欲

夫欲者貪也大凡蠻夷皆貪貨利故金玉珊瑚
種種異物產焉此蓋天意也何則譬如中國為
政仁育萬物義正萬民寶善而弗寶金玉是故
中華鮮出異物而獨五穀蠶絲是產以養人之
正氣惟萬國來王各獻厥貢祝

壽無疆而

聖皇厚往薄來所以柔遠人也若夫

欽差大臣固不可收受蠻夷之獻而况欲其寶貨而
貪取也蠻夷惟知寶其貨財而我欲貪取之無
論彼心難舍敢怒而不敢言即其與矣或無厭
而復索他寶雖云發價而不值其貨或以進貢
為言強取強買久之積忿必深變生必大此皆

縱欲所致起邊衅敗國事蓋由於此臨時雖悔
無及欲之不過可乎夫縱欲者不仁之甚也非
獨邊臣常宜遏欲即內地地方伯守令一有好財
者則胥吏僕從比然陰謀必藉端勒索富民倘
不遂欲或誣以他事困於囹圄以辱之由此或
生意外之虞深可畏也傳曰不仁者以身發財

余謂財未發而身已敗豈不惜哉欲之不遏可
乎至如西藏達賴班禪以及屬下僧俗無不寶
其古佛者若駐藏大臣取之其必與也與則與
矣然其難舍也亦如寶貨且曰古佛為衛藏之
元氣取之則必有損於彼夫如是又何必取之
失其向慕之心况或為其所怨耶取彼之怨由

我之欲余故曰欲之不過不可也

抑強

夫強者不抑則弱者無所措手足固非久安之道也藏地相沿世家最貴布施以獻達賴班禪藉勢以殘卑下番衆至於遣人邊地貿易往還所需背夫馱牛以及食物草料皆出於百姓而

毫不與值此蓋達賴班禪不知番庶疾苦率與

噶舒克

即印照

之所致也今雖嚴禁第恐日久弊

生仍蹈故轍固宜隨時開導使達賴班禪深悉

百姓疾苦使世家大族戒貪各守本分則庶乎

久安也戒貪有道自上率之而已若夫駐藏大

臣及文武官員弗克自戒而欲戒其世家之貪

弗能也必自上率以儉素嚴束僕從克已省費
所屬文武以及兵役毫無擾累畚民而後世家
大族孰不戒貪而守分耶余故曰自上率之而
已

除苛

除苛所以甦民也甦民所以安邦也故駐藏大

臣每年巡閱藉以省斂安民法至善也蓋班禪
所屬疆域有限民地無多不過札什倫布周匝
耳至達賴喇嘛所屬東北有哈喇烏蘇西北有
阿里薩喀東南有錯納工布江達拉里碩板多
洛隆宗江卡西南有濟隴聶拉木絨轄喀達定
結干壩帕克哩此皆藏屬邊地或當大路而差

賦日增逃亡日衆即如濟隴內瓊堆一村原有
百姓五十餘戶今止八戶而每年仍迫以原戶
差賦其薩喀一屬原有百姓一千餘戶今止三
百而亦以原戶迫索差賦在在如此民不堪命

久矣前因達賴班禪蠲免番民錢糧具奏仰蒙

聖恩賞銀撫恤

乾隆乙卯既經達賴班禪蠲免

錢糧復蒙

恩賞銀兩撫恤

邊氓

乃得復甦然其司事頭目貪饕性成如不善為
治理雖歲歲恤賞亦不能拯救其民於是乎為

之除苛為之減費

有案可稽

數年來民生庶幾矣惟

其司事僧俗不得漁利久而或復藉詞苛斂固
宜隨時審察以期蕃民永安樂利而本固邦綏
也

厲俗

夫神道設教仁以成俗故仁以厲之所以厲風俗也無論遐方內地各有所尚譬如衛藏俗尚黃教不過因其教而教之俾僧俗相安而已若夫內地牧守令長承宣教化者貴能扇之以淳風浸之以太和被之以道德示之以樸素使百

姓疊疊日遷於善邪偽之心嗜欲之性潛以消
化而不知其所以然而後教之以孝悌使民慈
愛教之以仁順使民和睦教之以禮義使民敬
讓知慈愛則不遺其親知和睦則無怨於人知
敬讓則不競於事三者誠為厲俗之要道其牧
守令長未仕之先讀書稽古莫不盡曉三者之

要而既仕之後循循力行凡所以移風易俗還
淳返素無不由此要道也至於蠻貊尤為易治
果能推恩示信格之以誠則必惟命是從更羈
縻而教之咸使畏威懷德互相和睦而已一切
服色儀制固不必責令盡如內地本其俗而厲
以樸素矢恭矢順可也

慎刑

夫人受陰陽之氣以生有情有性性無不善而
情有惡焉情之惡即欲也欲動則情勝不知自
懲自戒故犯者不繩以法橫流不止然則用法
固宜慎焉必治獄之官精心悉意推究事源先
之以五聽參之以正驗如睹情狀使姦無所容

然後隨事加刑輕重悉當赦過矜愚得情勿喜
故易中孚象曰君子以議獄緩死所以審求其
情務加矜恤也若夫西招因佛治獄俗尚姑息
雖近矜恤而義有未協故定例唐古忒命盜案
件情有可原者准照夷例核辦罰償
命價其與漢人
及外夷遠來貿易之人互相鬪殺等事則盡處

以律所謂噬嗑而亨明罰勅法者此也然邊地
為羈縻之所能行權方能達變固非姑息推量
事之輕重慎刑而適其宜則可耳蓋刑之宜慎
非獨邊地即內地固嘗慎焉凡監司守令一有
殘酷無不痛懲以法仰見

聖主恤刑慎之自上而司刑內外臣工無不仰承

聖主體天好生之德慎而又慎所謂議獄緩死者此也蓋殘酷者非好殺人也但云為吏雖酷可免後患此則情存自便不念至公奉法如此隨罹重典試問其後患何如耶況人為天地之貴物一死不可復生凡伐木殺草田獵稍不順時即虧天道而刑罰不中傷天心犯和氣莫此為甚

可無慎乎

綏遠

荒服宜綏而綏之之道貴在羈縻得中而又本
乎自治譬如衛藏迤西有廓爾喀即荒服也其
界連濟隴聶拉木而旁通絨轄喀達定結諸隘
是故境內常宜自治必使番民休養生息一無

蕩析離居之患則荒服遠夷莫不傾誠內向而
聽命矣既已聽命亟宜綏懷以結其心每遇朝
貢之年款待自有定例若其平時遣人來藏請
安微獻方物自應收受加倍酬答酌量賞其來
人以仰副

聖主一視同仁至意如駐藏大臣巡邊伊或得信遣

人於界上請安尤宜嘉其悃忱而優為酬答假以詞色而推誠撫綏倘有懇訴小則隨事羈縻以化其貪大則奏請檄諭以杜其漸至於我之邊民或有貪利欺凌外夷者必應訊明奏請嚴懲以示大公則彼心感服所謂綏遠者蓋不出此然酬答一切亦不可過過則近妄妄則或致

輕視而有失威重所關非細總之夷性多貪近
之不遜遠之則怨余故曰貴在羈縻得中也

懷來

來者安之謂之懷所以勞其遠而慰其誠也衛
藏達賴班禪本黃教之大宗為內札薩克六盟
外札薩克四部及都爾伯特土爾扈特青海各

蒙古世所欽奉

六盟曰哲哩木曰卓索圖曰招烏達曰錫林果勒曰烏蘭察布

曰伊克招四部曰土謝圖汗曰車臣汗曰札薩

克圖汗曰三音諾彥以上各蒙古遊牧疆界畧

見綏而達賴班禪自崇德七年遣使恭進丹書

克於

盛京以來各蒙古益加敬信或遣人布施熬茶或

遣僧駐藏學藝年年來之絡繹是駐藏大臣所

應指導達賴班禪推誠款待以示慰勞者也至
於藏地邊外如近阿哩之拉達克汗部又庫諾
汗部又近宗喀之落敏湯部又近帕克哩之布
魯克巴部亦嘗遣使與達賴班禪通好並與駐
藏大臣請安是應面見來使慰勞獎賞可使為
我邊地保障又有巴勒布及卡契回衆常來藏

地貿易其有早年来藏安家以貿易為業者是
應嚴束僕從及漢番兵役不得稍有擾累至藏
地東北一帶有三十九族雖夷情部郎專轄而
統轄者駐藏大臣也事無大小必宜面詢實情
教之撫之以期久安也此外尚有郭洛克德爾
格乍了等等番部亦嘗來藏瞻禮藉以貿易皆

宜隨事撫綏教之恭順可期相安也第恐不懷
不來與藏地有礙是故述而誌其槩焉

成才

夫為治者本乎得人欲得人則必以成就人才
為急務人才不足雖有良法無與行之矣譬如
唐古忒性雖蠻夷然其良知無不向上豈其諸

人一皆甘為小人哉亦在乎甄陶成就之如何耳故易中孚之旨蓋謂上巽則下必悅從是信及豚魚者也况唐古忒久沐

皇仁易於成就蓋成就之道有四其性本多敬佛則我率以敬禮而好言教以福善禍淫之理俾知過欲乃克恒得佛佑此其一也其俗本多粗陋

則我率以樸素而好言諭以節用愛人之善俾
知儉約始能福遺子孫此其二也其地本多無
告則應勤以稽訪而好言勸令蠲緩俾知佛地
尤宜休養否則恐致朝佛人衆恥笑此其三也
其兵本多怯懦則應勵以勇敢而好言諭令操
演俾知邊防不可疎懈否則恐致疆外各部輕

視此其四也四者既明我心獲矣鼓之舞之因
才器使而我之良法使之推行則庶乎其不差
矣如有貪暴者必宜懲治而不為已甚切不可
發其陰私尤宜恕其小過諄諄如家人父子善
為開導予以自新則其良知豈有不若豚魚者
哉余故曰人才易於成就也是在為治者得人

以教之耳

述事

夫處一方宜悉一方故事述而書之便覽焉自
國朝崇德七年達賴班禪同厄魯特固什汗遣使
進貢以來事蹟無不載在典籍夫復何述然典
籍在朝而不在藏今唐古忒久安其老者既稀

少者無聞而

聖朝覆育之德日久不可不知也昔固什汗之曾孫
拉藏汗既被準噶爾策旺阿喇布坦遣兵戕害藏
地幾為準部強佔康熙五十九年撫遠大將軍
王統師同平逆將軍延信由西寧進征底定西
藏以達賴喇嘛之呼畢勒罕坐床於布達拉山

此

覆育之德一也時拉藏汗之壻康濟鼎有功得封貝勒復被噶布倫阿爾布巴等所害雍正五年大兵誅滅阿爾布巴等藏地復安此

覆育之德二也時頗羅鼎有功屢封郡王及卒其次子珠爾墨特那木札爾襲封後蔑視達賴而苦

害百姓於乾隆十五年謀逆伏誅奉

旨除西藏王爵一切事務由駐藏大臣與達賴班禪
相協裁決於是藏地綏定此

覆育之德三也時藏地常恐準部騷擾番庶不安枕
席後經大兵蕩平準部藏地乃得永安而兩次
大兵平定廓爾喀為之練兵設備賑撫黎庶似

此

覆育之德不啻再造是達賴班禪唐古忒僧俗各宜
深悉而不忘亦在乎

欽差善言提撕警省也

審隘

守邊之術宜乎審隘繪圖使各汛官兵熟悉道

里阨塞方於緩急有益譬如藏地從前因防準
噶爾侵犯故自前藏東北哈喇烏蘓直至西北
極邊阿哩一帶三千餘里原有卡防其後仰賴
天威剿滅準部廼除邊患今卡防久撤無庸備述至
若西南有薩喀有濟隴有聶拉木有絨轄有喀
達有定結有干壩有帕克哩一帶既為沿邊阨

塞皆宜審辨詳識也聶拉木內有定日汛守備
一員統領漢番弁兵鎮守自定日三站至聶拉
木中隔通拉大山阨塞天然定日西八站至濟
隴計有莽噶布堆官寨洋阿拉山鞏塘拉山宗
喀城靈瓦昌峽察木卡山梁招提壁壘邦馨亦
皆天然阨要定日西南距絨轄四站中有山峽

崎嶇僅容一騎又由定日西南入山走札什宗

隆邁三站至喀達邊隘

在絨轄
迤東

中多阨險定日

西北遙通薩喀遊牧界連阿哩此定日以外之

形勢也定日以內兩站至協噶爾官寨是為大

路官寨迤西數里岩峽聯絡一名羅哩一名果

瓊拉實為協噶爾屏障協噶爾迤南亦通喀達

僅四站

路狹更有
吉拉大山

東南經春堆瑪布甲仲烏拉

山直抵薩迦廟

坦路

巴勒布卡契等貿易往復經

此是為通衢協噶爾以內兩站至甲錯大山中

有羅羅塘汎大山迤西地名拉固隆固其西北

越一大山係唐古忒世家波絨巴游牧東連洋

阿拉西接鞏塘拉毗連薩喀東界其甲錯本為

天險且有瘴氣內抵拉攷僅一站拉攷東南兩

站至薩迦

路坦

拉攷西北十站至宗喀沿途多險

拉攷以內五站至後藏札什倫布沿途險隘有

四自西而東一曰科頗拉一曰日東巴一曰彭

錯嶺一曰格登山峽因於彭錯嶺東岩道築卡

為隘此後藏迤西直抵拉攷之右路亦通衢也

自格登山峽西南直抵拉攷之捷徑中有珠鄂
隴山峽僅容一騎是為中路最為險要因於珠

鄂隴築卡為隘自札什倫布西走那爾湯越達

克拉平山

山離札什倫布六十餘里
儘可設伏為後招保障

至崗堅喇

嘛寺分路西南過朗拉山

此後招重門保障今
仿八陣之法於嶺頭

堆立鄂博
六十有四

經察隴蠻寨曲多江鞏阿尼鞏三處

卡隘過阿仲拉大山轉西即至薩迦是為左路

即貿易通衢薩迦西南亦通喀達邊隘
係由瑪布甲春

堆宜霞爾楚固爾隆邁
等處共五站至喀達
自喀達沿邊東行四日

可達定結邊隘自札什倫布經那爾湯對面入

南山走仁津孜塔克及拉固隆固
此一帶九山九溝險隘頻

仍共行四日至定結而札什倫布東九十里

白朗官寨此寨東南入山經堆瓊官寨金谷爾

拉等山

金谷爾拉一帶皆為阨要

走錯莫志通海子南岸共

行六日至定結由定結東行一站至干壩又東

三站至帕克哩

帕克哩本名那木結噶爾布不產稞麥

是為藏地

南界此外東接布魯克巴所屬巴珠布拉小部

而西南毗連哲孟雄部哲孟雄人民雖大半已

被廓爾喀侵佔然其部中有大河名藏曲所有
河北百餘戶仍能保護部長依河據險堅守自
固蓋藏曲水深溜急難渡源自喀達一帶衆水
匯流至布魯克巴界而南入噶里噶達部唐古
忒謂南界有水城無庸戍多兵是為邊外阨塞
帕克哩以內四站至江孜沿途多有阨塞

由江
孜至

康瑪爾一帶連山叢石自康瑪爾迤南間有山陝而帕克哩東西南三面皆山北有海子名薩木錯江孜亦設守備統領漢番弁兵鎮守所有

定日江孜二汛皆屬後藏都司統轄自前藏西南行七日共六百餘里至江孜而西過白朗共行二百餘里乃至札什倫布此前藏直達後藏之正路至沿途阨塞自前藏起有曲水有巴則

有春堆皆在江孜以內而江孜迤東有錯納有
工布均為前藏南界邊隘前藏有通札什倫布
捷徑係由巴則山陽西北經行仁本山溝較之
正路可近兩站尚有北道由札什倫布東北渡
江走陽巴井游牧共十站即抵前招路程與正
路相等險有德慶東山岩道有巴布賴長嶺有

瑪爾江有喇湯皆為阨要如由陽巴井東北行
三站可抵達木蒙古游牧自此東北一帶毗連
三十九族游牧而正東緊接哈喇烏蘇直達西
寧均係草地由哈喇烏蘇轉向西南過呼徵經
達隆共行九站可抵前招中有阨塞不甚險要
此衛藏圍圓大槩僅述要隘繪圖以示汛官以

重操防也

所有各路程站均為分別附錄於後

量敵

量敵所以慎防也衛藏番兵雖多怯懦如使其
盡知敵勢而備悉戰守之要豈其怯懦不為勇
敢耶自

天兵平定準部以來衛藏武備偃然且久不知恤民

以致寇至而無措此即偃兵累民之大害也今
之所謂敵者廓爾喀也蓋其俗也暴其性也貪
恃其强悍而不脩德然强者怨之歸也弱者德
之助也天道福善禍淫似此強暴何可久耶其
勢如此夫復何畏其於戊申辛亥兩次入寇者
徼幸耳今藏地休養邊氓為之屏障訓練番兵

為之武備廓爾喀雖強胡敢輕入耶况帕克哩
定結邊外之哲孟雄部宗木部薩喀宗喀界外
之作木朗部落敏湯部雖被廓爾喀強佔然人
心未服俱不無恢復之志倘廓爾喀仍前不軌
即一面堵剿一面飛檄哲孟雄等部令其各復
舊業彼必奮然從命則廓爾喀內潰首尾不能

兼顧我兵剝辦固為易易然武備不可不講於
牛素而所設番兵尤宜勤加教練也衛藏四汛
共設漢兵六百六十名內除旗鼓塘遞及各行
匠役其能戰鬥者約有五百所設番兵三千除
旗鼓守隘各行匠役其能戰鬥者約有二千五

百
定日番兵內出防者共一百二十五名定琿
五名卡防有五曰宗喀曰察木達曰杏嶺曰

占拉噶木仲曰霞多爾每卡定琫一名番兵二十五名後藏番兵內出防者共一百八十五名定琫七名卡防七處惟那克藏一處住定琫一名番兵三十五名其餘六處曰薩喀曰喀達曰定結曰干壩曰春堆瑪布甲曰薩
四汛統領遊
迦每卡定琫一名番兵二十五名

擊一員都司一員守備三員千把外委十一員

名唐古忒領兵戴琫六員如琫十二名隊長甲琫二十四名隊目定琫百二十名儘足調遣是

例操之外尤應教以合操行操禦敵破敵之術

尚有達木蒙古騎兵五百

有馬可備緩急
平時切莫調用亦應

嚴行操演

今著每年秋輪調八
十名來藏入隊操演

方不至如前挫

折

辛亥年曾派達木兵於薩迦溝
抵禦大有挫折實因不教所致

譬如敵自濟

隴聶拉木定結三路入寇其每路不過千數我

兵儘可以逸待勞蓋謂強敵者唐古忒怯懦之

談敵跣足著履而行豈其不知深入無援而無

糧以為畏懼耶

廓爾喀本不耐寒嚮者兩次入寇皆在夏月若至仲秋則無能

為矣故辛亥年伊之人寇者遁回約有二千人經過喀達之霞烏拉山遇雪凍死者千四五百其得回巢者僅有數百即此可知其冬春弗敢入也果其深入是定結最

近則江孜守備遣戴琇同軍功等帶兵由定結

左路汪甸

路小堆瓊路大

入去邀擊其後而後藏都

司遣戴琫一員同把總軍功等由那爾湯入南山經仁津孜塔克直抵拉固隆固極西之塔木巴拉山梁堵截或敵僅在定結而我兵即由多布札走錯莫志通海子西岸夜越定結東山先以火彈燒賊營壘繼之以鎗而預約江孜所發之兵乘勢邀擊則敵敗必矣其由濟隴聶拉木

入者必經協噶爾走薩迦來撲後招著後招都
司即派如琫三名同軍功等帶領鎗手番兵數
百名由左路朗拉山入於曲多江鞏阿尼鞏三
處卡隘分紮堵禦又於朗拉山石堆八陣處按
堆挿旗伏設大砲其達克拉山左右兩巖亦令
伏設大砲並著江孜守備住守後招而後招都

司應即帶兵多携火彈由甲錯大路前往協噶

爾與定日守備相協設伏夾擊之

可於琿褚河橋或羅哩及

果瓊拉山埋伏如敵已至薩迦則我兵應由拉攷入向薩迦廟以搗其後再調唐古忒仲科爾額設鄉兵數千名撥弁督領分路助勢因險伏擊之敵其奔敗必矣所有彭錯嶺

右隘珠鄂隴中隘最為險固量敵不敢逕入即

或其入則我兵可由花寨子西之格登山峽堵

截最易得手惟定日一汎西南捍禦聶拉木正
西捍禦濟隴如兩路寇入定日守備可暫堅守
本汎及塘遞不時飛稟情形聽候調遣夫敵之
入也行走因能迅速且我有備豈其不知耶况
一有警則駐藏大臣一面具奏一面祭告山川
社稷帶領前藏官兵馳往而即檄詢該王責以

悖逆不法且檄飭哲孟雄作木朗等部令其乘
敵內虛往攻之則其無能為矣譬如敵既奔遁
則我兵即由濟隴聶拉木兩路而進其聶拉木
道路雖險若於八九月秋高之際進兵較比濟
隴道路尤易且近蓋兵在精而不在多總之權
變在我量敵之勢運心之妙不戰且勝而况戰

乎糧糗詳見善始

合操

夫太平蓄銳固宜專技練習例操之外務須一律合操武備庶不虛設也所謂專技者有神火連環有九子火彈有馬射步射有滾牌刀矛有執纛者有背旗者視兵之力各專一技而散操

之既熟則號令施焉所謂號令者中軍揮旗繼
以信炮齊以海螺鼓以進之鉦以止之此坐作
進退之令也既悉則使知先後而教焉蓋騎兵
宜隨帥纛而聽令必先之以神火炮响三聲齊
打進步連環鉦鳴而止隨吹海螺而持火彈者
發喊突前施之既畢聽鉦而退隨即擊柝步箭

齊發鉦鳴而稍退鼓响則滾牌刀矛喊聲躍出
隨响排鎗各展技能繼吹海螺所有九子連環
神火由兩翼飛出而列之號炮三聲則衆鎗齊
發遂成圓陣合圍得勝中軍揮旗樂奏凱歌各
行因鉦隨纛徐徐撤歸麾下隊長齊聲報捷此
太平蓄銳有制之軍堪稱武備也

行操

綠營教場演陣乃操兵常制然兵習常制而不
諳破敵之術不可也則宜行操所謂行操者各
統領隨時率同隊長兵丁先吹海螺齊以列陣
陣畢號炮三聲鼓吹而中左右三軍穩步進發
約行五里見有預立草堆則中軍揮旗一聲炮

响左右兩軍不動獨中軍操演一如合操節次
將操之際中軍揮旗三聲炮响右軍旁出前進
約行三里又見草堆則本隊一聲炮响發喊操
之初以三進連環繼以火彈又繼以箭時中軍
拾得箭彈同左軍相繼趨至一聲炮响獨中軍
繼右如前操演將操之際中軍揮旗三聲炮响

左軍亦如右軍旁出前行三里復見草堆其响
炮操演與右軍同時中右二軍拾得箭彈已繼
趨至獨中軍繼左响炮操演如前又前二里有
草堆其稍前左右各三里許有先行潛發伏兵
兩隊靜聽中軍九聲大炮兩伏發喊突前各離
草堆一箭之地揮旗勒住隊伍各响號炮一聲

先操以連環九子繼以火彈又繼以箭正演之
際中左右三軍齊至揮旗令吹海螺合兩伏軍
盡向草堆列為圓陣鼓响演如合操節次既畢
鳴鈺收軍各兵穩步拾得箭彈遂吹海螺以右
軍為前軍以左軍為右軍以伏右為左軍以伏
左為後軍而中軍揮旗一聲大炮樂奏凱歌各

隊响鼓稳步而旋行操五隊旗本五色旋歸之
際中軍如揮某旗令向某方操演則某隊應令
突出而往復繼發某隊以援之操畢仍歸大隊
徐徐均至教場分列八隊一如例操收軍之制
行操所以練習破敵之術庶幾兵心有主而氣
作不畏強敵矣此蓋平原之操以之變化仰攻

俯壓履險度峽無一不可也

本年奏定添設行操及仰攻俯壓

山操所有前後藏江攷定日四汛操演俱已合式

練兵

練兵所以禁暴靖民也雖例操之外有合操行

操然兵不識將將不識兵不可也衛藏四汛共

兵三千其隊目定琫一名管兵二十有五隊長

甲琫一名管兵一百二十有五如琫一名管兵
二百五十戴琫六員分應各管五百因令如琫
甲琫定琫各舉各號一呼則其本管番兵應聲
而至作有差發之狀務於合操行操之時常令
呼演左右前後四路差發或使搶卡或使埋伏
或使前驅開道或使相水疊橋以上號令其如

日才
琫甲琫各以旗幟分色別以番語勇敢等字為
號至於定琫人多其口號旗號俱以唐古忒字
母編之無得重音譬如字母之噶喀噶阿四字
只用噶喀阿三字以便遠聽易悉但字母除去
重音僅得二十蓋足江孜定日兩汛各定琫二
十名編號其前藏後藏各兵一千定琫各有四

十令編左嚙右嚙左喀右喀而分別之儘足四十矣若夫例操鎗箭原為中的而箭靶鎗靶過寬皆非定制也蓋箭靶寬不過尺二鎗靶寬不過二尺久久操之自能中的而鎗箭隨舉隨發無不如意則所向無前乃為有濟也此固細事似毋庸書然番兵之設未久練習之法未純且

駐藏大臣數年一換而操防官兵更代有期故
書之以便交代久之習慣自然雖有強敵弗敢
入也加之感化使唐古忒與疆外諸番咸同一
家則邊氓綏靖萬載相安矣

申律

易曰師出以律蓋謂行師之道當謹其始以律

則吉也然行師之際而申律者乃古之邱井所

集之兵也今則兵有營制師律宜其素悉平時

操演之際即當導之以政令

如師行所經之地秋毫無掠乃克成

功齊之以禮教

治軍非禮威嚴不行言少長有禮也

不待出師而

乃申也律師之道必本乎帥而帥則有文

謀有策

武仁勇固須用之以文齊之以武守之以靜發之

以動兵之未出也勢若山岳兵之既出也形若

江河號令如雷霆賞罰如四時則帥乃可申律

於師衆也蓋律有十則

如師衆既發其有聞鼓不進聞鉦不止旗舉不

起旗按不伏者謂之悖軍其有動乖師律反出
怨言不聽約束梗教難治者謂之橫軍其有弓
弩絕絃箭無翎鏃鎗無葯彈旗纛凋弊者謂之
怠軍其有更籌違度聲號不明揚聲笑語蔑視
禁約者謂之慢軍其有謠言詭語造捏鬼神假
托夢寐邪說蠱惑者謂之妖軍其有所到之地

凌侮其民掠人財物污人婦女者謂之亂軍其
有私進帳下潛聽軍機論之於外聞之敵人者
謂之盜軍其有出越行伍攬前落後奪人首級
吞為己功者謂之詭軍其有觀寇不審探敵不
詳多而言少少而言多者謂之悞軍其有主掌
錢糧給賞不公阿私所親結怨士卒者謂之弊
軍此十則乃軍
行所必用者 固宜講於平素俾知犯者定按

軍法分別重處則軍政有制武備儼然是誓師
不必待於臨時雖唐古忒番將番兵如此訓而

用之可期不畏強敵矣

制師

兵衆曰師師貴有制而制師之道莫先乎賞罰
然而賞貴先而罰宜後也夫何所見師之為象
也坤順在前坎威居後故凡制師者以賞前導
之所以順也以罰後威之所以行也易象已著

弗可違也

陸宣公曰賞先卑遠則功不遺罰先貴近則令不犯李衛公曰孫子云卒

未親附而罰之則不服已親附而罰不行則不可用此言為將者先有愛結於士然後可以行罰若愛未加而獨用峻法鮮克濟焉又曰賞不踰時則可罰不待時則未可當念死者不可復生斷者不可復續則刑不濫矣衛公妙達兵法所言固善譬如衛藏番兵善為訓練咸克精銳而必有愛結於彼乃能心德於我耳若愛未加而於較閱率以威示則恐衆

心不服用之鮮克濟也宜遵師象先賞而後罰
則庶幾矣然賞不貴金貴乎辭色獎之以知勸
罰不在刑在乎誠懇教之以知耻周官之法雖
坐作進退之末莫不有節若平時不講不獨無
以制師而一旦緩急何以應敵是則行師馭衆
戰陣營壘之事不可不講於無事之時而師有

節制固所不待於臨敵乃誓也於戲寇賊姦宄
盛世有所不免則制師之道安可不知不講哉

馭衆

馭衆所以幹事也凡為將者果知仁愛吏士而
能儉已撫衆乃克得人歡心也否則雖嚴示威
罰亦僅得面從是克畏威弗克懷德衆志不一

夫復何馭所謂儉已撫衆者每薄於自奉而恒與士卒同甘苦者也三畧不云乎軍

井未達將不言渴軍幕未辦將不言倦軍竈未

炊將不言飢與之安與之危故其衆合而不離

用而不疲以其恩素蓄而謀素合也故曰蓄恩

不倦以一取萬蓋將視兵為赤子兵必視將如

父母理固然也蓋遐荒馭衆尤宜誠信示以胞與也如

衛藏將領儉已撫衆視戴琫番兵一如子弟則

其無不父兄以視將領而遇有緩急亦無不傾

其無不父兄以視將領而遇有緩急亦無不傾

心盡力矣或有養尊處優者獨不思

聖主視民如傷盡為赤子而於邊徼蠻夷尤為矜愍
况臣下而不知仰體可乎且於蠻夷必大度以
撫之循循而教之既得其歡心則惟命是從而
駐藏大臣統而馭以仁愛教以忠順其德我既
深則衆志堅城幹事克有濟也

堅陣

陣者定也行止惟堅也軍陣嚴整敵望而畏之
莫敢戰也大凡外夷軍旅恒無紀律而兵法之
直木方金銳火曲水圓土一無所知也如敵為
圓陣我以直陣攻之木能克土也敵為方陣我
以銳陣攻之火能克金也敵為曲陣我以圓陣

攻之土能克水也敵為直陣我以方陣攻之金
能克木也敵為銳陣我以曲陣攻之水能克火
也況兵不在多顧用之何如耳謝幼度以寡擊

衆即銳以克方也

秦符堅寇晉衆號百萬列方陣臨淝水晉將謝元兵僅二

萬元使謂敵曰君遠涉吾境而臨水為陣是不
欲速戰諸軍稍却令將士得周旋僕與君緩纏
而觀之不亦樂乎堅曰但却軍令得過我以鐵
騎數十萬向水逼而殺之遂麾使却衆亂不能

止元乘其亂以精銳八千涉水決戰堅兵自相
蹈藉死者蔽野塞川餘衆宵遁聞風聲鶴唳皆
疑為晉兵此蓋銳以克方一麾而亂兵多易老
一敗不支自相蹂踐復何為耶漢光武於昆陽
以數千人破王莽百萬之衆勢亦同然

繼之臨機應變方畧不同

在乎用之何如而必須行止惟堅如山岳之不
可撼也故戰陣之事不可不講於無事之時而
况守邊者乎

出奇

行兵之道貴乎出奇所謂出奇者蓋因敵變化
奇正迭用耳若夫猝然遇敵只宜勒兵嚴陣分
中左右三隊先以右軍旁出放鎗邀擊其左繼
以左軍突出攻其右脅敵勢既亂而中軍齊發
一鼓作氣取勝必矣奇正迭用者此也

務在號
令精熟

如諸葛武侯擒孟獲於南中

武侯以蜀之南中險遠雖破之今日

恐明日復反若殄盡遺類以除後患既非仁者之情且又未可倉卒因欲攻其心而服其心遂至南中所在戰捷有孟獲者素為夷漢所服收餘衆而拒之武侯欲生致之既得使觀於營陳間獲曰向者不知虛實故敗今祇如此即易勝耳乃縱使更戰出奇兵七戰七擒而猶遣之獲止不去曰公天威也南人不復反矣

大樹將軍破赤眉於嶠底

光武

將馮異建武三年拜征西大將軍時鄧禹要異共攻赤眉異以賊衆尚多可以恩信傾誘難卒

用兵破禹不從遂大戰為賊誘敗禹脫歸宜陽
異棄馬步走歸營堅壘收散卒與賊期戰使壯
士變服與賊同伏於道側賊使萬人攻異前部
異裁出兵救之賊見勢弱遂悉眾攻異異乃縱
兵大戰日昃賊氣衰伏兵卒起衣服相亂不復
識別賊遂驚潰追擊大破於峭底降男女八萬
餘人異字公孫為人謙退不伐行遇諸將輒避
道進止皆有表率軍中號為整齊每諸將並坐
論功異獨屏樹下軍
中號曰大樹將軍
耿伯昭收張步
耿弇字伯
昭建武五
年詔弇討張步弇引兵而往從朝陽橋濟河以
渡張步聞之乃使其大將軍費邑軍歷下又分

屯兵祝阿別於泰山鍾城列營數十以待奔渡
河先擊祝阿自旦攻城日未中而拔之故開一
角令其衆得奔歸鍾城鍾城人聞祝阿已破大
懼遂空壁亡去費邑分遣弟敢守巨里奔揚言
三日後悉力攻巨里邑聞即自將精兵三萬來
救之奔喜謂諸將曰吾所以揚言者欲誘致邑
耳今來適其所求也即自引精兵上岡阪乘高
合戰大破之臨陣斬邑既而收首級以示巨里
城中城中洵懼費敢悉衆亡歸張步奔獲其積
聚擊未下者平四十餘營遂定濟南時張步都
劇奔激步使自來戰步聞大笑乃引兵二十萬
至臨淄大城將攻奔而奔示弱以盛其氣乃歸

小城陳兵於內使別將禦之步氣盛直攻奔營
奔登高望之視鋒交乃自引精兵以橫突步陣
大破之明旦復戰又大破之奔度步困將退預
置左右翼為伏以待之人定時步果引去伏兵
起縱擊復大破之步還劇奔追之步奔平壽乃
降於軍門奔傳步詣光武行在所而勒兵入據
其城樹十二郡旗鼓令步兵各以郡人詣旗下
衆尚十餘萬輜重七千餘兩皆罷遣歸鄉里

狄武襄敗夏人

狄青字漢臣宋寶元間趙元昊反青嘗以寡敵衆預戒軍中盡

捨弓弩皆執短兵密令聞鉦一聲則止再聲則
嚴陣而陽却鉦止則大呼而突之士卒如言纔

遇敵遽聲鉦士卒皆止再聲皆却夏人大笑曰孰謂狄天使知兵正在笑語鉦聲止忽前突之夏兵不防而大亂遂大破之一皆因敵變化奇正迭用也若

子龍之開門却敵

漢昭烈既遣黃忠斬夏侯淵曹操來爭漢中地運米北山

下黃忠謂可劫取並以子龍兵隨往過期不還子龍將數十騎出營覘之猝與操遇為其前鋒所擊方戰其大衆至勢逼遂前突其陣且鬥且却魏兵散而復合子龍既還趨營而別將張著被創子龍復馳馬迎著歸營敵追至時沔陽張翼在子龍營內翼欲閉門拒守而子龍更大開

門偃旗息鼓操軍疑有伏引去子龍擂鼓震天以勁弩從後射之操將驚駭自相蹂踐墮漢水死者甚多明日昭烈自至營視昨日戰處曰子龍一身都是膽也蓋子龍用兵與武侯相類營外早伏勁弩是動止惟慎也

守約之決意徙營

唐尚書裴行儉字守約高宗詔為定襄道行營總管大軍次單于比暮立營塹濠既周行儉命徙營高崗吏曰士已安堵不可動弗聽促徙之比夜風雨暴至前營所水深丈餘衆驚駭問何以知行儉曰自今第如我節制不必問所以知也蓋風雨之占或有應者如春丙丁夏戊己秋

壬癸冬甲乙等日往往竟有疾風暴雨為將者
豈可不知况無論有雨無雨紮營固宜高崗也
皆理也非竒也衛藏地處極邊兵政之術益宜

講習

倡勇

盖倡勇有道作氣為主而結人心又為作氣之
源唐古忒性雖怯懦然其閭閻之間往往爭鬥

戲笑亦有卒然或至殺人者當其發也其心翻
然其色勃然若不可以已者氣使然也藏屬番
兵豈獨無奮勇之氣惟在領兵將弁平日教以
知方臨時倡以勇敢一人奮然爭先則翻然勃
然者相繼是勇必宜倡而倡在將弁更在乎駐
藏大臣砥礪有素也所謂砥礪者使各汎綠營

官兵盡悉忠義之理耳果知盡心厥職為忠聯
屬番兵為義凡操防將領能示親愛於番眾則
漢番一體眾志堅城一有緩急將領倡之眾必
翻然勃然而為制勝之師有必然者或將領自
大蔑視番目番兵是不學無術矣其故何也換
防來藏者皆陽也其居本地者皆陰也陰為坤

陽為乾易象乾下

下者內也陽位居內尊

坤上

上者外也陰位居外卑而為之用固非長傲

謂之泰是上下交而陽

不自大

謙卦六爻皆吉

所以能泰也坤下乾上謂之否

是上下不交而陽徒自大所以致否也如此則

有事非但不能倡勇抑或反致僨事害莫大焉

夫氣不交則庶物不育情不交則外夷不和試

觀天氣下降地氣上騰而後歲功成者其上下
交故也誠不宜自大而尤宜潔已以裕下夫何
故易之取象也損上益下則曰益損下益上則
曰損譬如我約已而裕於人則人必悅而奉我
豈不謂之益乎我蔑人而肆諸已則人必怨而
悖我豈不謂之損乎故潔已者人皆悅而美之

否則人或怨之况將領月得益折有定倘不節
用必致有藉於人累非淺鮮惟可潔已自厲不
使有藉於人是自損者人益而自益衆悅而誠
服遇有緩急一經倡之衆必翻然勃然勇氣百
倍何敵不克也顧謙卦既稱勞謙君子有終吉
而又云利用侵伐利用行師者皆此義耳

謹勝

夫為大將者凜凜若負重而履薄冰戰戰如登
朽木以臨萬仞曰謹勝者言既勝之後益宜謹
慎也衛藏邊地皆山易為設伏譬如敵寇深入
既敗一時不能奔回或即捨命因夜潛攻是既
勝之後即宜分兵設伏邀擊其後使其首尾不

顧取勝尤易況古人有以石為兵者有以牛為陣者後招札什倫布迤西中左右三路直至定日聶拉木宗喀濟隴無論高山平地皆有石子而定結喀達一帶皆然以跣足步行深入之敵一經奔敗我兵先於其歸逕山彎高崗設伏三五處視寇既近先响號炮遂以亂石拋擊當其

魂蕩之際大兵隨後追剿寇其片甲無歸矣或

接仗之前因夜先用毛牛

衛藏毛牛極多

束草於尾草

盡貫油以火燃之尾痛牛奔向寇隨以經鼓

喇嘛

念經之鼓極多播之振之牛至寇亂大兵分路掩擊斷

無不勝之理我兵既勝必宜防其捨命還攻應

即設伏繞其後路以分敵勢隨在邀擊取勝必

矣然金鼓旌旗最為緊要

兵法云言不相聞故為鼓鐸視不相見故

為旌旗所以一三軍

之耳目最為切要

而要知右白左蒼

蒼為青色即藍

也旗後黑前赤與夫中黃乃為五行之制天道之

勝也

邊地操防皆用綠營旗幟然既有行操必宜五色兵法所謂左將蒼旗右將白旗中

使黃旗後軍用黑前軍用赤五行之制也又云如敵從中軍突出則應之以左部青旗敵從離方來則應之以後部黑旗敵從巽方來則應之以右部白旗敵從乾方來則應之以前部紅旗

敵從坎方來則應之以中部黃旗天道之勝也蓋天道五行怙恃大軍

而扶正靖逆者也倘敵寇盜賊亦知仿用此術
則是謂之逆天一定亡不待時矣凡為將者固
宜深悉而必須號令嚴明矢謹矢慎可保常勝
且宜勝後益加謹慎也

善始

何謂善始太平制銳所以練軍實而備緩急而
緩急之始又莫不以糧糗為急所謂善始也藏
地無米惟產稞麥番兵糶糶是食糧糗庶為易
辦至於在藏綠營官兵平日所食稻米皆由邊
外布魯克巴等部采買運藏應用如有緩急米
買不及自應亦以糶糶為食乾隆五十三年

聖皇訓示番兵既食糶粃其綠營官兵應即一律廩
給所謂振廩同食上下無異示與番兵同甘苦
也從前運糧無不沿站僱夫背運或僱驢騾馱
運者固屬有濟然番民無多驢騾有限倘有不
濟則師不宿飽所關非細是平素之儲臨時之
運不可不預為講求儘可備而不用也前藏糧

臺例儲稞麥三千石共一萬九千餘克並布達

拉碩內存貯達賴喇嘛之庄頭所納青稞五千

克

藏斗曰克其六克有奇足敷內地一石倘有緩急雖一時不能碾磨儘可發給噶布倫各

世家及藏市出賣糶糶之家易其現有者應用

是足衛藏各汛漢番官

兵三月之食此外各處營官寨亦貯有達賴喇

嘛之庄頭所納青稞昨經查明通共二萬九千

二百餘克以之碾為糝粳是又足食三月有餘
連前共計足食六月有餘乃知前任喇嘛薩瑪

第巴克什之功矣

設有不敷其班禪額爾德尼
所屬之拉孜地方產糧較廣

而前藏所屬之山南瓊結一帶直至工布達克
布所產青稞素稱克裕倘或必須多備儘可發
價采買然各庄頭每年共交青稞四千四百餘
克除備水旱偏災賑撫約需一半則再十年更
可積二萬餘克是應駐藏大臣每年考查者數
十年後在藏漢番官兵可得二年之儲誠有裨

並况此項本係從前奉 旨駐藏辦理商上
事務之喇嘛薩瑪第巴克什阿旺楚勒提木念
災荒之毫無儲備計庄糧之稍有盈餘因令各
庄頭以其每年例交商上之青稞若干克內十
克扣存一克就近各交營官存貯以備應用誠
謂美政茲已立案任任俱可稽查復令於所交
青稞十分內以一分折收料豆并 譬之敵於仲
貯營官寨內以備官差喂馬之需
夏入寇 蓋濟隴聶拉木以內地氣寒慄而陽布
終年溫煖雨水頻仍其人但能耐暑而
不能耐寒且跣足步行不敢早入亦不敢久
則 羈我之境中計其窺伺不過在仲夏間耳

我兵邀擊追勦約需兩月可抵陽布

廓爾喀巢穴名陽布

聞得壬子年大兵進勦時值仲夏其境內氣候潮熱多雨究不若秋日晴爽更易得手云既

至即可因糧於敵

廓爾喀王本部兵民有限所屬百姓皆巴勒布土著之民

聞得該王建塔原估七年竣工而現在嚴催以五年期於是百姓深為苦累且巴勒布向皆貿易因有家貨此等夷商現亦多因苦累而潛逸他鄉是民心失矣該王之叔一名巴都爾薩野一名瑪木薩野皆其幹事者該王弗克信用以致巴都爾薩野忿悶而斃而瑪木薩野竟自率

兵五百逃往第里巴义即甲噶爾部是骨肉離
矣况其所用之噶箕皆非舊時之人無一能結
民心者料其不入則已即或其入則我兵進發
之際飛檄先為通行曉諭其衆示知除暴安民
之義孰不箪食壺漿以迎 王師故敢期以
因糧於敵此特泛論武備僅為交代而書固非
真欲用兵若恃為無恐又 以搗穴擒渠振旅旋
我輩所宜戒而又戒者也

藏而計之約需百三十日現儲六月之糧固有

餘也

尚有所調仲科爾世家之額設鄉兵暫守
卡隘者雖有自行裹帶更可以此酌給口

糧則必感激
盡心所事耳
儲既備矣運宜籌也前藏所屬草

地有哈喇烏蘓有陽巴并有瑪爾江有那木魯

有那克藏有波絨巴有薩喀皆有毛牛按道里

之遠近僱覓數千頭不獨載糧及鉛彈火藥一

切輜重且可為沿邊隨在戰陣之具
夜用火牛更可

價買數百以為軍食
既至濟隴聶拉木入其境則牛不能行然路近矣儘

可裹糧而進先以牛肉炙乾搗碎每兵裹帶一觔足食半月寔可以養人助氣是行兵

善始以糧糗為急故畧計而書之雖然兵凶器戰危事非逞勝也其廓爾喀果能世世啣感

天朝再造之德而與唐古忒恒久和睦夫復用兵何

為况荒夷言語字句素多粗陋倘其小有不順

自應善為解釋教以恭順之道

如戊申辛亥之役緣達賴喇嘛

商上舊鑄銀錢同廓爾喀所販銀錢一律行使其達賴喇嘛之錢成色雖低藏內久行並無滯碍乃廓爾喀於乾隆五十三六等年以其所販銀錢成色較高意欲以一當兩當一個半行使因之起衅當時若即詳切曉諭當不至此嗣後倘有從旁慙其形跡不軌者不妨即行檄詢其故諭以利害並為推其實無不軌之事反復開導則必傾誠稟訴原委益深感悚因之更申教飭而撫慰之固可安民息事

若黑白不分率議征進既失字

小之道且非所以仰體

聖皇覆育恩施准其投誠之意然安不忘危兵不可
弛是太平之日正講武之時傳曰有備無患此
之謂也

持志

勇者不懼能持志也蓋將無大小能守義以持
志者必勇且忠矣若穆元戎之持志威敵可謂

勇者不懼固為將之表率

乾隆戊申廓爾喀既退求和時松潘總鎮

穆克登阿奉差直抵陽布而夷酋設旁坐列兵執戈以待穆公既至神色不動諭以大員理宜正坐爾豈不知禮耶遂令通事譯諭將伊正坐之喇嘛推下使之旁坐而穆公正坐諭以大義眾皆悚懼而服蓋死生分內之事本無可懼此公中心有主能持大義故無懼焉駐藏將領咸宜體玩穆公之心恒以自勵也

而海超勇之決意夜渡乃

克七戰七捷亦能持志惟堅也

辛亥年廓爾喀人寇海公奉

命為前鋒於壬子夏馳至宗喀探知敵在察木卡遂督兵前進而卡北有橋為敵拆斷時已天晚而澗水洶湧未可輕渡公意以既近賊營緩之恐致奔逸因暫營東山飯畢乘夜身先率兵渡澗會明至卡奮勇攻擊敵竟無一得脫者用挫敵鋒於是福惠二帥乃得並進每戰克捷實公決意渡澗之功也

若夫阿文成公收金川固

聖主之德威所致亦公之持志精忠奮感而成者

乾隆

癸巳大兵進征金川前軍於木果木失事時文成公奉命督剿既至木果木泣而誓之曰

如不生擒賊首不名阿某遂凜遵 聖訓設

法進討卒克搗穴擒渠是能持志堅定遂成大

功宜乎 錫 至於平伊犁定回疆所賴大臣

爵誠謀英勇也

堅以持志者其武毅謀勇乎 乾隆丁丑戊寅數

命既平伊犁旋定回疆持重善守常能以寡擊

衆蒙 恩賜爵武毅謀勇固其堅志効忠所

致 然

國朝忠誠宣力名垂竹帛者不可盡述茲聊叙一

二以見能持志者之偉績而穆元戎之臨事不
懼又為駐藏將領所宜留心體玩者也

防微

防微所以銷患不可獨事武備而有忽微細也
衛藏地處萬里之外而治理者惟兩

欽差倘不防微杜漸則患生而不知所自害莫大焉

蓋銷患之道有三一曰審辭推誠二曰寬而有

制三曰慎選行人

如廓爾喀遣人有所稟訴或懇乞照舊行使銀錢則兩

欽差先為譯閱來稟遂按成例商定而後接見復視其口述來意何如善言推誠以答之事小則羈縻以理事大則婉諭以例不使有傷伊之顏面隨即奏請 聖訓辦理此審辭推誠可以銷患者一也至其在藏貿易巴勒布頭人如代該王有何稟訴則應假以辭色先詢伊等所見何如然後公同商定而曉諭之事雖無理亦不必面為詆斥切不必諄詢其部落情形免

致妄生疑懼此寬而有制可以銷患者一也至其數年一次達賴喇嘛遣人陽布名曰刷塔藉以采買香料貨遷有無本為兩有裨蓋以故載在定例然每次所遣之人欽差固宜諭令噶布倫等結保可遣者遣之臨行之際必諄囑其到彼不可探其部中細事切不可勒買勒賣聞得乾隆五十三年初次釀事多因刷塔之人希圖便宜勒買物料所致今詢其人已故是無從查考矣總期照依市價公平交易按三者既限旋藏此慎選人可以銷患者三也

畫外患之漸杜矣而內患之漸尤宜杜者一則

省稅斂一則稽蓄積

邊地百姓例交賦納倘遇歉收之年應即酌量蠲緩

以結其心是宜歲歲秋收之際詢訪情形有則

即令達賴喇嘛告示分別減免使之感激慈悲

而嚴禁番目不致稍有苦累番民是為最要至

於布達拉之外商及大招商上以及碩內所貯

一切曾有諭旨著令督查是應常同濟隴

胡土克圖諄飭所司之商卓特巴碩第巴等各

宜慎重其事以免盜用及任意支領之弊積蓄

有餘則於達賴喇嘛一切用度庶免缺乏總之

兩欽差仰遵前旨潔已奉公其司事

者自不敢明目張胆作弊如其些小者亦不必

苛求有失

一則耐煩一則克已

衛藏漢番員弁及達賴喇嘛各

胡土克圖如有稟訴兩

欽差悉心商妥再

為諭知遵奉其唐古忒事件要緊者一皆當面

商之達賴喇嘛濟隴胡土克圖及衆噶布倫依

理而行庶免嫌疑即其尋常事件亦宜耐煩關

會而後行毫不勉強乃有益也至於兩

差一皆骨肉也以骨肉而欽承

君命遠駐

萬里之外其互相箴規日親一日固不待言然

各有僕從及隨侍兵役豈盡能體貼無一造言

生事者是在兩

欽差一有見聞須先克已

有則改之不妨明白相告切勿飾已之非如果

毫無則彼此面晤以清語密問而明
其偽久久益信則無敢施其伎倆矣
四者既盡

內患無由而生譬如人之一身五內和平外感

無自而入亦內外交養之道固不可視為微細

而忽之余故曰不可獨事武備也易曰水在火

上既濟君子以思患而豫防之

言既濟之極恐水火相反有致

未濟故不可不思
慮以豫防其患
蓋防微杜漸所以銷患豈獨

衛藏已哉

守正

守正所以示信而義正荒夷也廓爾喀固為唐古忒之強敵然既知畏

天威而啣感

聖德 廓爾喀巢穴在前藏西三千餘里乾隆辛亥年與唐古忒構衅擾至後藏札什倫布仰賴

天威遣將統兵深入其境屢戰屢捷已至堆補
木地方將近陽布其全部胆落悔罪哀懇乞命
於是聖皇好生恩是駐藏大臣尤宜示信
施宥過准其納款投誠

而諭之以義俾之恒久相安乃所謂守正也譬
如我之練兵設備原所以衛邦衛民固非獨因
廓爾喀而設也設以兵強妄自誇張則非守正
而或致唐古忒亦恃兵強率輕言譏誚致失其

向

化之誠殊非守正之道雖云其部落百姓積怨而其
骨月蕩析然或一旦知悔則必能善撫善睦是
應語言之便勸諭唐古忒不可輕議彼之是非

詢之輿情陽布本巴勒布地從前巴勒布有三
汗一口庫庫木一曰葉楞一曰布彥其廓爾喀
原係巴勒布所屬一小頭目即如唐古忒世家
之類其本巢在陽布西南相距七日路後因巴

勒布三汗彼此不睦屬下怯懦由是廓爾喀乘
勢佔據陽布已將三十年矣然察其俗尚以及
闔部情形恐非久荷 天庥者蓋聞其俗該
王如染毒疾或密派兵役深夜四出盜斬人頭
若干顆供獻護法以為祈禳之術是何凶暴耶
且不知撫恤屬下百姓又常與甲噶爾屬之那
布巴頭目爭兵不戢聞甲噶爾第里巴义等部
較比廓爾喀勢大况廓爾喀本部之人不過數
千而如此貪暴何能持久其後或能善撫所屬
恒與隣封講信修睦則庶幾綿遠耳但於此等
荒夷惟應凜遵 訓旨隨時羈縻俾
知感畏而已唐古忒尤不可妄生議論 倘其屬

下噶箕人等背其王而有所稟訴

丙辰夏
有案

則宜

具奏請

旨或應擲還原字或應檄詢該王統俟

訓示遵辦所謂義正者蓋不出此此亦守正之一端

也或其部落因甲噶爾貿易有所稟懇應即善

言駁飭以示大公

昨歲丁巳廓爾喀曾為甲噶
爾貿易者不似從前常走陽

布而徑行噶里噶達及布噶克巴等部以致伊
 部貿遷缺乏懇乞飭令噶里噶達頭人勿使甲
 噶爾商回經行彼部仍走陽布貿易方能有益
 因諭以甲噶爾及噶里噶達等一如爾部且爾
 與彼本各無轄今為爾部有益轉飭伊等遵奉
 則伊等必以於伊無益而稟懇轉飭爾部遵奉
 是則反與爾等不便莫若爾部自與伊等講和
 總之經過商販果能薄收其稅則來者必多可
 望恒與爾部有益該使聞之唯唯
 而去旋即 奏蒙 聖鑒有案 伊部或與外
 隣有何事故尤應置之不問是又守正之一端

也 癸丑孟春廓爾喀貢使在京曾稟請倘有外
隣欺凌伊部者可否仰邀 天恩發兵拯

救遂蒙 聖明指示著軍機大臣諭以和睦

隣封則斷無欺凌如幫爾兵則彼必亦如爾等

稟訴尤於爾等無益該貢使深為佩服將來如

其力乏設有稟請幫兵之事應遵前 旨諭

駁並開導使知和睦隣封之利彼必遵奉或其

窮蹙已極意以既係 天朝屬國應即發兵

拯救頻來乞請儘可諭之以巴勒布三汗先年

亦曾納款入貢與爾等今日無異乃巴勒布不

能自樹被爾吞并時 天朝並未發兵問爾

之罪是現在爾部之事亦與巴勒布同况爾投

順以來仰蒙 大皇帝覆育生成每降

勅旨訓以和睦隣封諄諄教誡爾等不知凜遵

天語妄行構衅以致如此且兵本凶器不

得已而乃用 天朝所屬外藩衆多無不仰

遵 勅諭與隣封講信修睦爾等現已違悖

勅訓若據實入奏必致爾等得罪應即悔

過與彼修好仍前和睦患可立解矣如此駁飭

伊或以從前曾為唐古忒用兵於彼為辭仍乞

拯救便諭之以藏地久設駐劄大臣凡有駐劄

大臣處所遇事例應遣將統兵辦理其無

欽差之地向不發兵爾部並無駐劄大臣其巴

勒布即係舊日明驗今如幫兵於爾其巴勒布

等設以舊曾納款為辭有所懇請則於爾等尤為不便爾直自責竭力議和不可恃強爭勝再從前哲孟雄作木朗等部曾以爾等侵佔彼之人戶地土來求唐古忒幫兵唐古忒凜遵定制並未遣兵拯救即此一節爾等尤應感激唐古忒也如此反復曉諭遣回即行具奏請旨定蒙 聖明指示更得有所遵循此蓋備而不用以便交代耳 然唐古忒素

本怯懦性復多疑

如定結帕克哩界外之宗木哲孟雄及阿哩薩喀宗喀界

外之作木朗落敏湯等部雖被廓爾喀侵佔因其人心未服故廓爾喀每歲收取錢糧俱係帶


兵往討丙辰冬有阿哩所屬之布陵營官稟稱
聞得廓爾喀有兵及邊未知何故因即檄詢該
王旋經具稟乃知其於作木朗等討取錢糧之
故昨歲季冬復有定結帕克哩兩營官稟稱廓
爾喀兵至宗木及哲孟雄部是以唐古忒輒生
疑懼後經訪詢仍係收取錢糧並無他故是此
等疑似之稟如不詳細查察豈不徒自搖動人
心耶然亦不可駁飭其稟致啟蒙蔽之漸是宜
鎮靜為主是武備不可不修操防不可不講爰繪散
總之圖俾知輿地之險固我疆隅化彼覬覦其


率服即叙莫不畏懷而樂享

昇平矣

| | | | | | | |
|--|--|--|--|--|--|--|
| | | | | | | |
|--|--|--|--|--|--|--|

西藏圖說






總圖

國家幅員遠邁前古前衛後藏特西南一隅耳繪
為此圖者就巡閱之所經識山川之阨要特俾
駐藏漢番官兵熟其形勢故分圖於西南北三
面為稍詳至於東抵魚通此六千餘里中向化
者百數十餘年與隸版圖供賦役者毫無以異

則但記其道里程站而餘悉在所畧焉





圖一


圖為備邊而設故分圖從邊疆起由遠至近亦
懷柔內向而圖皆繪以北向緣取拱極之義也
此圖東起聶拉木西起濟隴南抵陽布止為兩
路其自濟隴南行則由色新卡熱索橋色達木
協布魯噶多東覺馬蝗山章站雍雅白果木堆

補木為正路計程十八小站可七、百餘里其自
聶拉木南行山深菁密者為小路總由噶宜卡
札木木薩礮曲桑達拉巴泥陰拉古札錫巴寺
等處將至陽布城而與西路會貿易行人多由
此道進藏較濟隴為稍近焉

圖說



小色





六

圖二

此圖為西藏極邊之界西南起濟隴東北行由
邦馨袞達宗喀至鞏塘拉山瓊噶爾寺三百餘
里中有招提壁壘左聳峭壁右俯深澗而察木
卡山最為阨要一皆林木森然可守次則靈瓦
昌山兩峰亭亭壁立千仞皆濟隴以內宗喀以

外長城也其自聶拉木東北行由噶宜卡帕嘉
嶺東北踰通拉雪山逕達定日者為正路而雪
山實為大阻別有北行一路由達爾結嶺分途
過嘉納山而西經伯孜而合於撒喜再東則為
拉錯海至疊古蘆矣







圖三

此圖起定日南經札什宗隆邁三站而至喀達
邊境為一路又走窩朗卡桑木寺四站而抵絨
轄為一路其間之險有僅可容一騎者又西南
行三站過通拉雪山達爾絨嶺即聶拉太一路
也其西北孔道則由篤舉山莽噶布菴派絨巴

而至疊古蘆約程二百五六十里而形如長垣
橫亘其間者則有洋阿拉山劍植鋒簇層礪卓
立者則有莽嚙布堆皆其地險也







圖四

此宗喀接連薩喀阿哩圖也由宗喀而北經達
朗拉山賈、渡蘇布拉爰至薩喀由薩喀西北
行者為鹽池產鹽最夥不第為衛藏沿邊所資
而南踰濟隴邊外一帶以及廓尔喀以外等部
落無不仰賴唐古忒販運貿遷為食也又稍西

行為札敦為岡底斯大雪山經麻帕木海又西
至如妥而其山南則拉達及庫諾等部是在
外者其經麻帕木海而南行為堆噶尔又西為
達巴尔又轉而東過馬甲河為布陵為卓許以北達於
札墩之西為一路俱隸前藏又西稍南行有博第拉又
西則落敏湯又西則作木朗是亦界外小部






圖五

此定日四達圖也其西北走宗喀西南達絨轄而南出喀達之三路已見前說若鞏塘拉山北而東歸者為拉錯海子為霍爾嶺為恰木果列克隆轉東渡河為達克孜又南為湯谷又北為桑薩又北為札布桑堆又東為阿木嶺又東為僧格隆又南渡河而東南即至班禪所屬之拉孜官寨其定日東北則為密瑪為果瓊拉為羅哩以至協噶爾僅百數十里之遙其協噶爾而南行則有湯蘓以合密瑪東來之路南過崇烏拉山又岐出為


兩其一稍西經楚固尔吉拉山者四站可至喀達其一
南至宜霞經春堆東南直至薩迦而春堆稍南亦通定
結若過協噶尔而東則為羅羅為多嘉越甲錯山頂抵
拉孜三百二十里為通衢又將抵拉孜路南有一溝之
察布湯泉東南至薩迦溝約有二百里而薩迦之西南
踰中烏拉山西至瑪布嘉以合於春堆為巴勒布等質
易經行之路而其險要外則羅哩果瓊拉岩峽聯絡之
屏障內則甲錯大山拉固隆固阻隘天成且甲錯大山
向多瘴氣孰非重關疊塞耶

辛亥年
廓尔喀通商經此
凍斃千數百人



外通
廓尔喀界

此水統歸
藏曲大河




吉拉
大山


十四

圖六

此由喀達抵陽布圖也喀達以內說俱見前其
外西南遙通陽布約七百餘里路在喀達東南
繞出走三日乃至鄂博界所稍西有霞烏拉山
及兩海子並非正路仲秋則雪寒氣切膚而山
山最險峴辛亥之役廓番避正路而經此遁回

凍斃幾盡其不軌之報歟






十六

圖七

此拉攷至札什倫布圖也由拉攷而東北走科頗拉
日東巴嘉湯彭錯嶺格登山峽南有逕拉攷來者出
珠鄂隴至此而合又東至花寨子又東至岡堅寺而
寺之西南孔道出朗拉山山形最險為仿置八陣焉
又經察隴帶曲多江鞏過阿尼鞏至薩迦溝百數十
里之間形如天然梵碣此後藏西路通衢也岡堅寺
東至那爾湯又東為札什倫布由那爾湯而南

尔仁聿致直至魯瓊拉一帶四日而達定結此西南
兩路險有科頗拉彭錯嶺珠鄂嚨薩迦溝或壘長墻
或築卡隘矣其東則二百餘里而至江致江致亦四
達之會也其西南為瓊堆為薩木嶺為金谷尔拉為
達湯拉為錯莫志通經諸險阻六日而至定結由定
結東行一站而至干堪又東三站而至帕克里是為
藏地南界焉







圖八

此藏屬江孜以南邊界之圖也定結外正南有宗木小部東南毗連哲孟雄其部中有藏曲大河水深溜急唐古忒所謂南界有水城無庸戍多兵者此也餘說已見前圖又帕克里以外西通哲孟雄東連布魯克巴其外東達甲噶爾南

達噶里達馬然帕克里東西南三面皆山而北
至江孜四站之中康瑪爾一帶既多連山叢石
而迤南復有山峽之險皆沿途阨塞也







圖九

此後藏至前藏圖也由札什倫布東北行計十日約九百餘里為大路其險要則有曲水有巴則有春堆皆在江孜以內其迤東則有錯納有工布以為之障別有捷徑一道由巴則山陽西北經仁本一帶可近兩日程尚有北道由札什倫布東北渡江走陽巴井游牧可十站與大路遠近相等而其塞則有喇湯有瑪尔江有巴布賴長嶺有德慶東山岩道焉如由陽

巴井東北行可三站而抵達木蒙古游牧此首藏西
南北三路大槩情形也由布達拉而東渡江至東德
慶轉而南至乃東又分為二一稍西行有瓊結質谷
多宗等處一稍東行有雅堆至結綸孜錯納達抵
布魯克巴界皆藏中所謂山南處所也






三

圖十

此布達拉北面圖也由陽巴井而北以至那木
哩東抵哈喇烏蘓從前最為藏地要隘自準部
蕩平番民安枕無復北顧之虞矣

司光

二十三



達克

鹿馬

烏蘆江

堆達

仁進里

達旺

墨什工

錯納

拉其寺

占達


德慶

里蒙

仲納木巴

喇勒村寺

前藏



千四

圖十一

此圖起前藏止拉里計十三站可千里而羸鹿
馬嶺以西路皆平坦東過常多則重疊大山終
年積雪山之南為達克布迤東為五布山之北
則為哈喇烏蘇三十九族番衆游牧

月
色

二五




圖十二

此拉里至昌都圖也一千餘里之中犬牙相錯
有隸三十九族者有隸類烏齊者一體供役計
二十二站其拉里東北三十九族游牧往還路
程乃就辦理夷情之理藩院司員所管各族番
衆俱宜推誠控制勿聽煩言致累荒夷因述而


書馬

三

三



文
史
第
九
輯



圖十三

以察木多至巴塘圖也為程千里為站二十有
一為屬散離至南墩而入巴塘土司之界


| | | | | | | | |
|--|--|--|--|--|--|--|--|
| | | | | | | | |
|--|--|--|--|--|--|--|--|


17



九

圖說





圖十四

此巴塘至裡塘圖也三壩迤東屬裡塘迤西屬
巴塘計程約可五百里

司
免





圖十五

此裡塘至打箭鑪即魚通圖也站有九而里僅
六百河口為界西南為裡塘東北明正宣撫使
土司所隸焉

附錄 自成都府至後藏路程

成都府門出南 二十里 簇橋 二十里 雙流縣尖

五十里 新津縣宿 新津河渡 五十里 斜江河尖

六十里 邛州宿 四十里 大塘鋪尖 里過南河大

渡 五十里 百丈驛宿 五十里 名山縣尖

四十里 雅州府宿 中渡平羌江此四十里 四十五里 觀

音舖 尖

四十五里榮經縣 宿

六十里小關

山 尖

七十里清溪縣

宿 此七十里中過象嶺路甚險峻

三

十里富村 尖

五十里泥頭驛

宿 自過清溪鳥道羊腸日益

加險漸有邊
微之景矣

三十五里林口 尖

二十五里

上飛越嶺

十五里化林坪 宿

三十里冷蹟 尖

四

十五里瀘定橋 宿

三十五里大烹壩 尖

四

十里頭道水 宿

三十五里柳楊 尖

三十里

打箭爐 宿

自成都至打箭爐計程九百七十里

十一站

自打箭爐

出南門

十里工竹卡

凡差使至此始照口外例支應

四十里折多

宿有塘舖旅舍換烏拉

五十里提茹塘

尖

三十五里阿娘壩

宿平好走路

三十里瓦切

尖

二十五里東俄洛

宿 道路平坦 過俄松多橋

三十里高

日寺

尖 深林密 箸人跡稀達

四十五里卧龍石

宿 有 塘舖旅

店草

六十里八角樓

尖 路尚平坦 可宿四野荒涼

六十

里中渡

宿 此六十里中過 雅龍江即裡塘界

三十五里麻蓋

中有柴

四十里剪子灣

尖 此站最遠 難行或住麻蓋

中以均途程

六十里西俄洛

宿 有塘舖柴草有 漢人坐居換烏拉

四十五里咱嗎拉洞

火 中過大雪山陵
谷深邃內有夾壩

七

十里火竹卡

宿 有塘舖
人戶柴草

二十五里火燒坡

尖

二十五里裡塘

宿 有臺員駐防塘舖市
屢漢夷雜處之地換烏拉

自打箭爐至裡塘計程六百八十五里

八站

自裡塘五十里頭塘

宿 人戶柴草俱無僅有
塘舖行人須帶口糧帳房

換烏

拉

四十里乾海子

尖

六十五里喇嘛了

宿 此站天寒風冽愈行愈冷中有
虎皮溝山石巉巖夾壩出沒之地

五十五

里二郎灣

尖路更難
走有塘舖

五十五里三壩塘

宿

有塘舖少柴草此

五十里松林口

尖

五十

巴裡二塘交界

里

過巴隆
達河

大朔塘

宿

九十里崩察木

尖有
塘舖無

居夷嶺高雪
深極難走

四十里小巴冲

宿有碕
房柴草

五

十里巴塘

宿地土饒美氣候和平與內地相
似商賈漢夷雜處設糧務塘汎換烏

拉

自裡塘至巴塘計程五百四十五里

六站

自巴塘四十里牛古

尖山山勢險要

五十里竹

巴籠

宿從牛古有河可坐船至此此五

四

十里公拉

尖中渡金沙江

五十里空子頂

有塘舖亦可宿

四十里莽里

宿有人戶柴草換烏拉路難走

三十里邦木

各

四

過龍新山多積雪雖春夏
不消有碓房柴草亦可尖

五十里南墩 尖

四十里古樹

宿 有人戶塘
舖山深有烟瘴

四十里普拉 尖

六十里江卡

宿 有柴草
駐防塘舖

五十里山根 尖
過淥

河

七十里黎樹塘

宿 有人戶
塘舖柴草

五十里阿

拉塘

尖 又名阿
布·拉換烏拉

六十里石板溝

宿 有人
戶塘舖

八十里阿足塘

宿 高山積雪路無居夷
往來行人必須裹帶行糧

五

十里歌二

尖 中過阿足
河水勢極險

五十里洛加宗

宿

有人戶柴草頭
人供給烏拉

四十里俄倫多

尖 中
多偏橋

四

十里乍了汎

宿 有塘汎柴草換
烏拉有扎雅大廟

五十里雨

撒尖

六十里昂地

宿 有塘舖柴草路
險雪深寒冷徹骨

三

十里噶噶

尖 山峻路險水
惡雪深中人易病

六十里王卡

宿

有人戶柴
草換烏拉

二十五里三道橋

尖 路
稍平

三十

里巴貢

宿 有塘
舖居夷

六十里苦弄

尖 荒
涼

四

十里

宿 有
塘舖

七十里猛卜

尖 中過大山
有碉房柴草

二十里小恩達

尖 可

六十里察木多

宿 設糧
務塘汎有

居民番夷有土城為西藏
門戶水土較他處淳厚

自巴塘至察木多計程一千四百三十五里

十四
站

自察木多四十里俄洛橋

尖 有人 戶 水 覆 山 歧 通 各 部 番 境

三十五里浪蕩溝

宿 有人 戶 柴 草

三十里果角塘

有人 戶 柴 草 亦 可 宿

八十里拉貢

尖 有 塘 舖 居 夷 碉 房 柴 草 亦 可 宿 換 烏

拉

二十里松羅橋四十里恩達寨

宿 積 雪 凝 凍 互 寒

路 滑 有

柴 草

二十里恩達塘四十里牛糞溝

尖

二十里瓦合山

高 峻 百 折 上 有 海 子 烟 霧 迷 漫 立 有 望 竿 如 大 雪 封 山 藉 此 以

為嚮導過此山者戒勿出聲違則冰雹驟
至山中鳥獸不棲百里無炊烟四時俱冷 五

十里瓦合塘

宿 雖有塘舖而無柴草須裹帶

二十里瓦合

寨

有柴草亦可宿

四十里麻里

尖 有硯房柴草換烏拉

四十

里嘉裕橋

宿 又名三壩橋有硯房柴草

三十里鼻奔山根

尖荒

五十里洛龍宗

宿 有硯房柴草換烏拉

九十

里鐵凹塘

宿 有塘舖

二十里曲齒

尖 有喇嘛寺可尖亦可

宿

五十里碩板多

宿 物產饒富居人稠密
有硎房柴草塘汎換烏拉

五十里忠義溝

尖山 勢稍平

五十里巴里郎

宿 有塘

舖柴草居人寥
落地面荒涼

五十五里索馬郎

尖 荒涼

四十五里納子

宿 有塘舖
柴草荒涼

五十里邊壩

尖

有硎房柴草路
通各處換烏拉

六十里丹達

宿 有硎房柴
草塘汎換烏拉

五十里察羅松多

宿 中間過丹達山山上有
廟神甚靈異往來行人必祈

於毛

禱馬山勢峻極路徑一線行人魚貫
而走冬則堅冰夏則泥滑第一險處

五十里

郎吉宗

宿 有塘
舖 柴草

四十里大窩

尖 有礮房
柴草換烏拉

五十五里阿南多

宿 有塘
舖 柴草

三十里破寨子

尖 一名阿蘭
卡路徑險窄

四十里甲貢

宿 有塘
有柴無草 舖

四十里大板橋

尖 荒涼

四十里多洞塘

宿 荒涼

僅有塘
舖住宿

八十里擦竹卡

尖 山峭雪深與丹
達相似有塘舖無活

夷柴草少
六十里拉里
宿設糧務塘汎有
有報水塘
碓房柴草地方荒涼

自察木多至拉里計程一千五百十里
站十五

自拉里五十里阿咱
尖亦可宿大山峻嶺冰
雪不消路凍滑難走有碓

房柴
三十里海子八十里山灣塘
宿有塘
房無居夷

柴草亦少
七十里常多
尖過卓喇山多冰
山路難行
雪有塘房無居夷

六十里凝多
宿地氣和暖路亦
平坦有糧食柴草
五十里松

多 尖 荒涼
無塘鋪

六十里江達

宿 有塘鋪 駐防
居人稠密 有樹木

柴草天氣溫
和換烏拉

六十里順達

尖 亦可宿
有塘鋪 柴草

一

百里鹿馬嶺

宿 有礮房 柴草
路漸平易 有瘴氣

一百二十里

堆達

宿 有塘鋪
無居夷 柴草

六十里烏蘇江

宿 路甚
平坦 有人

尸柴

六十里仁進里

尖 有喇嘛寺及塘鋪
行人勞乏 可以憇息

七十里墨竹工

宿 有塘房 人戶 柴草 糧食 道
路平坦 自拉里至此為最善之

地

四十里拉木

尖 一名納磨有人戶柴
草寺院寬廠人稠地廣

五十里占達塘

腰站 有人戶
柴草亦可宿

三十里德慶

宿 有人戶

柴草店鋪

五十里蔡里塘

尖 過

三十

里西藏

宿 西藏曰衛扎什倫布部落也地土
平行道路四通百水環流萬山圍繞為

西方勝地佛寺以達賴喇嘛為黃教之主有
欽差大臣駐藏鎮守並派同知遊擊等官

安設糧務以

防護佛地

各呈

九

自拉里至前藏計程一千零七十里 站十

自前藏四十里登龍岡

尖 中過大橋道路
平坦有居夷房舍

四十里業黨

宿 有塘
舖柴草

四十里僵里

尖 自
前藏至

此順河而行雖有崖
塌數處亦不甚險

五十里曲水

宿 地土
沃饒平坦

百里居人稠密
有塘舖柴草

二十里鐵索橋

江勢洶湧渡
用木船最為

險 惡

三十五里岡把澤

尖 有塘
舖柴草

四十里馬

隴 中過大山路徑陡險過海子
雖有塘鋪柴草稀少不可宿
六十里白地

宿 有塘鋪柴
三十五里葉賽十五里撻魯

草此站路最遠

尖 有房

五十里朗噶孜 宿 路甚平坦
有塘鋪柴草

舍柴草

五十五里翁古 尖 有
七十里熱龍 宿 有
碟巴人

戶路亦

平坦

七十里谷洗 尖 地
方荒涼
七十里江孜

宿 道路平坦有碟
五十五里人進岡 尖
巴人戶柴草肥茂

六十里白浪

宿 路道平坦磔巴
人戶住居柴草肥茂

七十里春

堆

尖 由白浪迤邐而進過
大橋道路平坦有柴草

四十里後藏即

扎什倫布

宿 此班禪額爾德尼坐床之所山
川奇秀地土沃饒寺宇雄麗後藏敬

奉班禪與前藏敬奉達賴喇嘛無異前藏
欽差大臣每歲前往巡閱設糧務通商旅往來

氣候風景與
內地相似

自前藏至後藏計程九百一十五里

自成都起至後藏共計路程七千一百二十

五里

出 卷

附錄前藏至西寧路程

前藏 薩木多嶺 嘉里察木 嘉冲 倫珠

宗 沙連多 過察拉山至此 彭多 過達隆山至此

右六站隸前藏

拉康洞 錯羅鼎 那隆噶爾瑪 過卓孜山至此 仲

喇庫

右四站隸呼徵胡土克圖

固瓦褚察過朗里山至此 札木褚卡過玉克河至此 鄂

多布拉克 哈喇烏蘓有營官 巴嚕過察河至此

錯瑪喇過托納河至此 察倉

右七站隸哈喇烏蘓

褚那干過察倉山至此 蘓木多過嘉本羅山至此 香廸過沙

克褚河
至此

右三站隸百長貢楚克那木結

係西藏夷情
部郎專轄

札噶爾布

琿褚卡

尼谷拉

索克褚卡

當拉

右五站隸百長碧烏朗噶爾

係西藏夷情
部郎專轄

畢巴魯魚

鼎谷瑪哩

巴噶安達木

伊克

安達木

右四站係西寧屬之番目布木巴格結遊牧

多倫巴圖爾 彌多 三音庫本 棟潤 那

木溪 察倉蘓木多

右六站係西寧屬之番目畢哩魯瓦游牧

科科薩哩 直揆多 褚那干 過支褚七道河至此又名哈池

勒果

褚瑪爾

列布拉崗

斯烏蘓木多

格

巴温布

喇嘛隆

巴彥哈喇

右九站係西寧屬之玉舒本番目游牧

噶嘎

喇嘛托隆谷

噶達蘓赤老

此黃河源見一帶

噶爾瑪湯

右四站係西寧屬之番目那木錯多瑪游牧

喇嘛綽克綽 錯尼巴爾 拉尼巴爾 札克

達昌 瑪爾褚札木 哩布 走都克湯平甸地多毒草行人於此

站乘夜兜馬口而行 沙巴爾圖 格巴噶中

右八站原屬班禪寥無人居

特們庫珠 入青海交界有蒙古卡防 瑪爾津拉尼 都壘

淖爾 阿哩湯泉 索呀拉崗 德爾敦 康

昂拉

過雅瑪圖河至此

右七站係青海札薩克珠勒瑪札布游牧

沙拉圖

過衮額爾吉河至此隸察罕諾們汗

珠爾朗章噶

隸濟克默

特貝

勒

彥達圖

哈陶拉

察罕鄂博

過哈陶山至此

右五站內後三站係成壘貝勒游牧

霍約爾托羅該

霍爾褚

日雅拉山

右三站係根敦公游牧

尼雅木溪

隸棟科爾胡土克圖

棟科爾

即丹噶爾至此已入內地

右共七十五站約五千餘里

如遇雨水過大之際可自香迪岔路走當拉鞏

山宿格瑪二十一站至褚那干仍歸正路

香迪

格瑪爾

經當拉鞏山是謂上路

那木溪

綿楚

卡 拉 咱

右五站隸阿札族噶爾札布桑

係西藏夷情部郎專轄

當楚卡

過當拉山至此

拉辛噶哩

崗喇褚嘎

志

褚

又名哈沌果勒

哩波

過魯布喇布渡口

察褚卡

彌多

札那鞏

竦布哩野

棟闊

過坦堪尼拉山至此

多

爾

離瑪爾褚東岸

吉里嘉木那

色谷闊

C51
1

22



21101000187826

邁

濟雄

自當褚卡至
此寥無人居

褚那干